

*MASTER NEGATIVE*  
*NO. 93-81309-4*

MICROFILMED 1993

COLUMBIA UNIVERSITY LIBRARIES/NEW YORK

as part of the  
"Foundations of Western Civilization Preservation Project"

Funded by the  
NATIONAL ENDOWMENT FOR THE HUMANITIES

Reproductions may not be made without permission from  
Columbia University Library

# **COPYRIGHT STATEMENT**

The copyright law of the United States - Title 17, United States Code - concerns the making of photocopies or other reproductions of copyrighted material.

Under certain conditions specified in the law, libraries and archives are authorized to furnish a photocopy or other reproduction. One of these specified conditions is that the photocopy or other reproduction is not to be "used for any purpose other than private study, scholarship, or research." If a user makes a request for, or later uses, a photocopy or reproduction for purposes in excess of "fair use," that user may be liable for copyright infringement.

This institution reserves the right to refuse to accept a copy order if, in its judgement, fulfillment of the order would involve violation of the copyright law.

*AUTHOR:*

KOCHLY, HERMANN  
AUGUST THEODOR

*TITLE:*

EMENDATIONUM IN  
EURIPIDIS IPHIGENIAM...

*PLACE:*

TURICI

*DATE:*

1864

Master Negative #

93-81309-4

COLUMBIA UNIVERSITY LIBRARIES  
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

88ED

Z3

Köchly, Hermann August Theodor, 1815-1876.  
Arminii Koechly ... Emendationum in Euripidis  
Iphigeniam (!) Tauricam partes V. Turici, im-  
pensis Meyeri et Zelleri, 1864.  
5 pts. in 1 v. 26 cm.

Each pt. has individual t.-p. dated 1860-62.  
"Index lectionum in literarum Universitate  
Turicensi ..."

Volume of pamphlets

51999

Restrictions on Use:

-----  
TECHNICAL MICROFORM DATA

FILM SIZE: 35

REDUCTION RATIO: 12x

IMAGE PLACEMENT: IA IIA IB IIB

DATE FILMED: 4.21.93

INITIALS Susan

FILMED BY: RESEARCH PUBLICATIONS, INC. WOODBRIDGE, CT





**AIM**

**Association for Information and Image Management**

1100 Wayne Avenue, Suite 1100  
Silver Spring, Maryland 20910




301/587-8202



Centimeter



Inches



MANUFACTURED TO AIM STANDARDS  
BY APPLIED IMAGE, INC.

ARMINII KOECHLY

TURICENSIS

EMENDATIONUM IN EURIPIDIS IPIHGENIAM TAURICAM  
PARTES V.



TURICI,

IMPENSIS MEYERI ET ZELLERI.

MDCCLXIV.

INDEX LECTIONUM  
IN  
LITERARUM UNIVERSITATĒ TURICENSI

INDE  
A DIE XVI. MENSIS APRILIS  
USQUE  
AD DIEM XVIII. MENSIS AUGUSTI MDCCCLX  
HABENDARUM.

---

IN EST  
EMENDATIONUM IN EURIPIDIS IPHIGENIAM TAURICAM  
PARS I.

---

TURICI,  
EX OFFICINA ZÜRCHERI ET FURRERI  
1860.



Homericarum dissertationum seriem iterum ut interrumperem, duae causae fuerunt quamquam natura dispares mihi certe gravissimae. Etenim ante hos tres menses absoluta Iliadis parvae editione cum jam opus de singulis ejus carminibus susceptum ad finem deducere pararem, quam vere illud ab homine Latino nescio quo dictum sit, quod jam puero mihi arrisit, variationem delectare, non sine aegritudine expertus sum. Ipsa enim carmina postquam qualicumque successu diuturna certe indefessaque diligentia restitui, tantum me subito exantlati laboris cum gaudio taedium invasit, ut jam, quas in restituendis illis secutus essem rationes, eodem confestim tempore unoque tenore persequi nec vellem nec possem. Lubentissime igitur aliam, quae imminebat, amplexus sum necessitatem. Nam cum nomen solvendum esset, quod jam diu honestissimo bibliopolae dedissem, pertinens illud ad Euripidearum quarundam tragoediarum editionem scholarum in usum adornandam, ex iis inprimis Tauricam Iphigeniam tam male habitam graviterque corruptam inveneram, ut haud paucis locis aliter atque adhuc factum esset statuendum mihi videretur. Harum igitur sententiarum argumenta accuratius exponere ut ab editionum illarum consilio alienum ita his Academicis libellis maxime accommodatum esse cum nemo futurus sit quin concedat, veniam me impetraturum confido, si sepositis paulisper Iliadis carminibus, quae jam ipsa per se suos sibi conciliatura esse spero fautores, ad fabulam illam Euripideam Goethii aemulatione nobis commendatissimam secesserim.

Sed eam fabulam hac non minus fortuna quam sua ipsius praestantia insignem quo magis admiramur, eo impensius dolemus pertinere eandem ad alteram dramatum Euripideorum classem, quorum verba ex paucissimis tantum iisque pessimis codicibus ad nostram aetatem propagata sunt. De ea conditione ut hodie recte judicare possimus, accurata factum esse Adolphi Kirchhoffii opera inter omnes constat, cujus utilissima editio, cum multas imaginationis nebulas textu Euripideo superfusas discussisset, novam sane exercendae in eum crisi lucem praebuit, quod beneficium ibi quoque, ubi

incertam esse atque subobscuram eam lucem jam clare perspicere licet, viro meritissimo acceptum referimus haud in scii, quantopere vel adversissimi casus vera scientia praestare soleat vanae faustorum fatorum persuasioni. Nititur igitur Iphigenia Taurica, qualem hodie legimus, duorum codicum saeculo XIV. scriptorum sublesta fide, quorum primum Palatinum inter Vaticanos n. 287 a Kirchhoffio littera *B* designatum expressit Aldus, alterum Florentinum plutei XXXII n. 2 ab eodem littera *C* insignitum dolendum est quod nondum satis accurate collatum habemus, cui incommodo cum Kirchhoffius se succurrisse apographorum quinque (trium Parisinorum, unius Florentini, unius Marciani) ope in praefat. p. x. declaraverit, quem ea medela habuerit successum, eo minus certo ubique sciri potest, quoniam ne unum quidem horum apographorum ea, quam jure hodie desideramus, diligentia collatum esse patet. Quamquam multum adjumenti ex codice *C* denuo religioseque excusso ad Iphigeniam emendandam accessurum esse merito dubitare licet.

Eo plus laboris viri docti interque eos critici omnium praestantissimi in restituendo carmine tam male habito posuerunt. Nam ut taceam de his, qui omnes poëtae fabulas conjunctim ediderunt, — ex quibus praeter Fixium Parisinorum codicum «denuo inspectorem» singulari cum laude nominandus est Augustus Nauckius criticorum Euripideorum, qui nunc quidem vivunt, facile princeps, — post Marklandum editorem atque Elmsleium ejusdem censorem Anglos in Germania duumviri exstiterunt doctissimi et sagacissimi Augustus Seidlerus a. 1813 et Godofredus Hermannus a. 1833, qui perpetuae constantisque emendationis primi egregiique auctores fuerunt. Hermanni vero liber meum quidem animum eo magis insuper capit retinetque, quod eum ex vivo artificis magistri ore prodeuntem audire memini praesenti etiamnunc post tot annos scholarum illarum recordatione, quas vir summus per hiemem a. MDCCCXXXII—XXXIII. de illa fabula habuit. Quibus scholis mihi, qui eo ipso semestri septemdecim annorum adolescentulus universitatem adieram, ad studia philologica strenue riteque exercenda primum et viam monstratam et animum excitatum esse data Academici libelli occasione grate pieque confiteri juvat. Sed illorum duumvirorum opes suo more scholarum in usum haud absurde contulit a. 1844 Augustus Witzschel, olim commilito familiaritate satis intima mecum conjunctus, sed post annum illum quadragesimum nonum mihi quidem

ἄιστος ἄπυστος, scilicet unus ex silentiariis illis Saxonibus, quos nuper in praefatione Nonno praemissa p. XI sq. jocandi gratia notavi. Postea eodem anno 1851 duae prodierunt Iphigeniae Tauricae editiones, Londini simul Helenam atque Ionem complexa Caroli Badhami, qui cum haud paucos locos aut feliciter emendaverit aut sagaciter temptaverit, ipsum ejus librum in manus meas non pervenisse poenitet, altera F. G. Schoenii, cujus defuncti in locum jam succedere paro, collectionis Weidmannianae scholarum commodis destinatae haud ultima pars. Tum sequente anno J. A. Hartungus poëtarum Graecorum ingeniosus desultor Euripidem suum ad nostram fabulam deduxit, quam tractavit quemadmodum omnia tractare solet, quippe cujus libelli nec sine taedio legi nec sine damno neglegi possint. Postremo editorum agmen clausit Reinholdus Klotz praeceptor et ipse olim meus bene meritus, qui anno superiore et hanc et Aulidensem Iphigeniam Gothanae collectioni adjecit. Is et totam fabulam perpetuo commentario accurate illustravit et crisisin sobrie circumspecteque factitavit a nimia illa codicum superstitione, qua olim haud raro transversus actus est, nunc quidem satis alienus.

Singulos fabulae nostrae locos tractaverunt nuper primum Joannes Kvičala in Academiae Viennensis actis a. 1859, qui cum et priorum multa commenta diligentissime excussit et nova ipse cum explicandi tum emendandi conamina haud pauca protulit, accuratius interdum quam acutius re gesta in illis redarguendis fere felicior quam in his inveniendis exstitit, deinde Rudolphus Rauchensteinus, vir meritissima jam rude donatus mihi, que per undecim annos conjunctissimus, in libello gratulatorio die VI. mensis Septembris superioris anni universitati Basileensi oblato, qui ipso Kvičala in examen vocato strenuam epicrisin exercuit et aliquot locos probabiliter tractavit.

Post tot tantosque viros in ipsis his dissertationibus editionis meae comitibus quid ego consilii secutus sim, jam breviter proloquar. Omissis omnibus locis, in quibus ab uno alterove meorum antecessorum verum jam perspectum esset, eos tantum prolixiori huic reliqui tractationi, in quibus novi aliquid idque haud improbabile invenisse mihi videbar. «Periculosae» sane «plenum opus aleae», quippe quod, si novae ejus res fatali quodam casu omnes malae esse reperiantur, justam legentium indignationem ne eo quidem blandimento mitigare poterit, quod altera habet Lessingiani illius judicii pars, quo libro cuidam mediocri multa et nova et bona inesse

sed nec nova bona nec bona nova esse lepide ille pronuntiavit. Juvat tamen hoc, quod saepius jam varieque obsecundantibus fati secutus sum

— ἀνεργήφθω ὁ κύβος —,

nunc quoque bono animo repetere non stolidam certae fortunae spe elatum sed ad meliora per ipsam meam cladem aliorumque successum accipienda primum et paratum. Quippe vulneribus carere ignavis tantum licuit atque otiosis; strenuum vero et militem et criticum decet non solum victoriis delectari sed etiam cicatricibus!

Merito offenderunt interpretes statim v. 15, qui in libris hoc modo legitur:

δεινῆς τ' ἀπλοίας πνευμάτων τ' οὐ τυγχάνων  
εἰς ἔμπυρ' ἦλθε.

Nam nec particulae copulativae hic ferri possunt et genitivi δεινῆς ἀπλοίας unde apti sint, difficile est dictu. Quos genitivos qui critici ex τυγχάνων sine οὐ assumendo pendere putaverunt, Seidlerus atque Matthiaeus, intolerabilem scabritiem poetae obtruderunt, quae reposita bis particula δέ, quam Seidlerus jure quidem suo intulit, quamquam a barbarie certe vindicatur, nihilo tamen tolerabilior redditur. Nec magis ea ratio ferri potest, qua Schoeni-  
nius Fixium secutus primo τ' in δ' mutato altero deleto δεινῆς ἀπλοίας ut genitivos causales cum sequentibus εἰς ἔμπυρ' ἦλθε conjungendos putavit. Una restat via, ut in verbis hoc ipso modo scriptis

δεινῆς δ' ἀπλοίας πνευμάτων οὐ τυγχάνων

cum Schaefero ex Homericis illo E 523 νηριμῆς genitivos illos pro temporis genitivis habeamus, quales passim sane inveniuntur, ut αἰθρίας Arist. nub. 371, αἰθρίας τε καὶ νηριμῆς Arist. meteor. I. 10, 4, εὐδίας ibid. 6, γαλήνης Plutarch. de cohib. ira 11 (p. 460 c). Magnum tamen scrupulum movet epitheton δεινῆς et per se insolenter additum ejusmodi genitivo et hic quidem ut ἀπλοίας causam ventos designans, quales sunt apud Aeschylum in Agam. 185 sqq. πνοαὶ ἀπὸ Στρομόνος μολοῦσαι κακόσχολοι νήσιδες δύσομοι, βροτῶν ἄλλαι, νεῶν τε καὶ πεισμάτων ἀφειδεῖς, non malaciam, quam solam indicari posse locutione πνευμάτων οὐ τυγχάνων haud facile quisquam infitias ibit. Hanc ipsam vero causam hic illaturus et Reiskius jam olim scripsit δεινῆ δ' ἀπλοία πνευμάτων ἐν τυγχάνων vel συντυγχάνων, et ejus ignarus, ut videtur, postea Hermannus

δεινῆς ἀπλοίας πνευμάτων δὲ τυγχάνων,  
provocans hic simul ad Sophoclis Electram 563 sq.

ἔροῦ δὲ τὴν κυναγὸν Ἄρτεμιν, τίνος  
ποινῆς τὰ πολλὰ πνεύματ' ἔσχ' ἐν Ἀύλλιδι.

Sed Hermannus quidem conjectura etiam a particulae δὲ positura minus commendabilis est, utrique vero constans repugnat fama de Diana ventorum non omnium tranquillitatem sed adversorum furorē immittente, quam famam praeter alios etiam Euripidem hic quoque secutum esse locus similis indicat in Iphig. Aul. 88 ἤμεσθ' ἀπλοία χρώμενοι, qui simul suadere videtur, ne pro hac ipsa voce ignotam alioquin quamquam probe formatam substituamus ἀπλοίας.

Itaque alia conjectura circumspicienda est. Nec ei negotio defuerunt novissimi interpretes, quorum unus Kirchhoffius δεινῆ δ' ἀπλοί' ἦν πνευμάτων δ' οὐ τυγχάνων, alter Nauckius δεθεῖς δ' ἀπλοία, πνευμάτων τ' οὐ τυγχάνων proposuit. Et illud quidem quamobrem minus placeat, supra jam indicavi; hoc vero haud scio an Homericis illo δ 380

ὅς τις μ' ἀθανάτων πεδάει καὶ ἔδησε κελεύθου

non satis defendatur. Videtur autem rem accuratius examinanti volnus et altius resedissee nec nimis tamen difficile ad sanandum esse. Etenim cum reputamus et adjectivum δεινός fere ipsis desaeventibus dari procellis, ut infra v. 1394 δεινός γὰρ ἔλθων ἄνεμος, Soph. Aj. 675 δεινῶν (sive δεινῶν) ἄημα πνευμάτων, et cum illo ἀπλοία χρώμενοι, quod de eadem re alibi dixit Euripides, egregie convenire, si hic ἀπλοίας genitivus a verbo τυγχάνειν aptus sit, haud improbabilius statuemus mutilatum versum imperiteque expletum esse, qui ab Euripide olim sic scriptus fuerit:

τυχῶν δ' ἀπλοίας πνευμάτων δεινῶν βίαι.

Cfr. Cycl. 109: ἀνέμων θύελλα δεινὸ μ' ἦρπασαν βίαι.

Multo intricatiores etiam sunt qui leguntur versus 34—41:

ναοῖσι δ' ἐν τοῖσδ' ἱερῶν τίθησι με,  
ὄθεν νόμοισι, τοῖσιν ἦδεται θεὰ  
Ἄρτεμις ἑορτῆς, τοῦνομ' ἦς καλὸν μόνον,  
τὰ δ' ἄλλα σιγῶ, τὴν ἕδον φοβουμένη.  
θύω γὰρ ὄντος τοῦ νόμου καὶ πρὶν πόλει,  
ὅς ἂν κατέλθῃ τήνδε γῆν Ἕλληρ ἀνήρ.

κατάρχομαι μὲν, σφάγια δ' ἄλλοισιν μέλει  
ἄρρητ' ἔσωθεν τῶνδ' ἀνακτόρων θεᾶς.

Ac primum quidem omni sensu caret *ἑορτῆς*, sive genitivum spectas, quem nemo hodie aut ex νόμοισι aptum hac in sede poni potuisse putaverit aut quomodo Klotzius per «die illo festo» vertere potuerit perspiciat, sive ipsam rem, cum non de Dianae festis certa die celebrandis sed de advenis Graecis sine mora, ubi primum comprehensi sunt, quovis tempore immolandis sermo sit. Deinde quid est, quod plerique huic festo, quod plane ignoratur, sequentia adplicuerunt *τοῦνομ' ἧς καλὸν μόνον?* Quid tandem est speciosi nominis huic festo cetera nefando? *Ταυροπόλια* nomen si fuisse cum Hermanno ex v. 1454 sqq. concludimus, ne hic quidem nos docebit locus, quidnam pulchri aut in Tauris insit aut in Orestis *περιπολήσει*. Quare alii, ut Hartungus, ἧς ad ipsam Dianam retulerunt, quippe quae καλή sive potius *καλλίστη* dici soleat. Qua interpretatione summam piissimae sacerdoti adversus deam servatricem imponi impietatem recte monuit Rauchensteinus, quae impietas quam longe absit ab hujus Euripideae Iphigeniae animo, optime ex v. 380—391 apparet, quibus versibus cruentum illum morem non deae voluntate sed hominum pravitate institutum esse ratiocinando invenit. Quid tamen vice versa Rauchensteinii obstet explicationi in ipso *ἑορτῆς* nomine significationem laetae rei inesse putantis, ex iis, quae supra monui, apparet: festum omnino hic nullum est.

Levius est nec tamen nullius momenti, quod aposiopesin habemus et satis violentam praesertim in tranquilla prologi narratione et propterea etiam miram, quod verbum ad complendam orationem *ᾗθεν νόμοισι, τοῖσιν ἦδεται θεά* necessarium *θύω* non commutatur cum alio — quae fere est aposiopesios sive anacoluthiae ratio —, sed idem sequentis membri initio per particulam *γάρ* infertur. Est hoc eo suspiciosius, quod, cum nec hoc verbo res aut vere designetur aut pie mitigetur, ad illud corrigendum statim *ἀσυνδέτως* adjiciatur *κατάρχομαι μὲν, σφάγια δ' ἄλλοισιν μέλει*. Itaque novissimi critici codicis *B* scripturum *θῦ* (sed *v* mutato in *ει* a pr. m.) secuti — nec num *θύω* in *C* diserte legatur, certo scimus! — duplici modo sanare locum studuerunt: Kirchhoffius quidem *θειου* reposuit, quo recte exploso certatim Kvíčala Klotzius Rauchensteinus *θύειν* commendaverunt, infinitivo, si quid sentio, cum molesta gravitate praemisso.

Sed hic certe emendandi periculum fecerunt. In antecedentibus vero

nemo ejusmodi quid ausus est praeter Seidlerum, qui cum Reiskio et Marklando dedit:

ὅθ' ἐν νόμοισι, τοῖσιν ἦδεται θεά  
Ἄρτεμις, ἑορτή, τοῦνομ' ἧς καλὸν μόνον.

quod jure ceteri repudiaverunt. Ex his laudandi sunt Kirchhoffius et Nauckius certe propterea, quod laborare v. 35 sq. monuerunt. Ille autem quod addit, «versus nisi gravi corruptela affectus sit, ante eum nonnulla excidisse necessario statuendum esse», habemus quidem in Euripide cum alibi tum in hac ipsa fabula apertissimas lacunas, nec a crisi iis detegendis intenta me alienum esse constat, hic vero quominus aliquid excidisse statuatur, prohibet lex huic rationi jam alibi a me praescripta, qua nusquam de omnia sive voce sive sententia cogitandum esse monui, nisi ubi certe qualis ea fuerit probabiliter indicari omninoque membrorum male cohaerentium hians commissura ostendi possit. Vellem docuisset Kirchhoffius, qualia excidere potuerint ante versum 35. ut is qualis hodie legitur recte se habeat!

Mihi quidem prorsus contraria est sententia, ut locum non defectu sed interpolatione laborare putem. Quem si Euripides hoc modo scripsit:

ᾗθεν νόμοισι, τοῖσιν ἦδεται θεά,  
— τὰ δ' ἄλλα σιγῶ τὴν θεὸν φοβουμένη,  
ὅς ἂν κατέλθῃ τήνδε γῆν Ἕλληνας ἀνήρ,  
κατάρχομαι μὲν, σφάγια δ' ἄλλοισιν μέλει  
ἄρρητ' ἔσωθεν τῶνδ' ἀνακτόρων θεᾶς.

nec quidquam ad sententiae integritatem desideratur et tamen, quo modo interpolandi consilium ortum sit, perspicui poterit. Etenim Iphigenia barbarum, quem abominatur, ritum commemoratura cum tamen, quominus aperte odium suum profiteatur, deae reverentia retineatur, satis habet cum ritum ut deae acceptum indicare ceteris, quae de eo dicenda essent, addita causa diserte repressis, plane ut consimili illo Aeschyli loco custos, postquam ut reducem dominum data dextra salutare sibi liceat optavit, idem prodit sed alia de causa conceptum consilium his: *τὰ δ' ἄλλα σιγῶ βούς ἐπὶ γλώσσει μέγας βέβηκεν*. Utroque loco eandem locutionem habere, quibus opponatur, patet. Aliter vero visum interpolatori, qui cum v. 35 ita, ut in libris legitur,

ὅθεν νόμοισι τοῖσιδ' ἦδεται θεά,

scriptum invenisset, necessario et demonstratum ritum diserte explicandum censere et sequentibus *τὰ δ' ἄλλα σιγῶ* quae opponeretur notionem

desiderare debebat. Itaque et infra versum satis insulsum intrusit, et hic ineptiorem etiam, memor tamen *δνομα* sane haud raro ut vanam cujusdam aut personae aut rei speciem cum ejusdem vita et veritate componi nihil promptius habuit quam hoc ipsum nomen, quod fortasse ex ipsa hac fabula v. 504:

τὸ σῶμα θύσεις τοῦμόν, οὐχὶ τοῦνομα.

commode succurrebat, contrario modo in Orest. 390 variatum. Propius tamen etiam accedit Phoen. 553: τί δ' ἔστι τὸ πλέον; *δνομ'* ἔχει μόνον et fragm. Antiphanis apud Athen. XIII, p. 571 f (Meinek. 3, 121) de proba amica:

ὄντως ἑταίρας· εἰ μὲν ἄλλαι τοῦνομα

βλάπτουσι τοῖς τρόποισιν ὄντως ὄν καλόν.

Similia quaedam adscribere placet: Orest. 454 *δνομα γὰρ*, ἔργον δ' οὐκ ἔχουσιν οἱ φίλοι, Hippol. 501 sq. κρείσσον δὲ τοῦργον — ἢ τοῦνομ', Iphig. Aul. 128 *δνομ'* ἀντ' ἔργου παρέχων, Med. 125 sq. τῶν γὰρ μετρίων πρώτα μὲν εἰπεῖν τοῦνομα νικᾷ, χρῆσθαι δὲ (sic! non τε) μακροῦ λῶστα βροτοῖσιν, Hel. 601 θαυμ' ἔστ' ἔλασσον τοῦνομ' ἢ τὸ πρᾶγμ' ἔχον.

Magis etiam dubitatum est de v. 96—103, qui in libris sic leguntur:

τί δοῶμεν; ἀμφίβληστρα γὰρ τοίχων ὄρεξ  
ύψηλά· πότερα δωμάτων προσαμβάσεις  
ἐκβησόμεσθα; πῶς ἄρ' οὖν μάθοιμεν ἄν;  
ἢ χαλκότενκτα κληῖθρα λύσαντες μοχλοῖς  
ἄν οὐδὲν ἴσμεν; ἢν δ' ἀνοίγοντες πύλας  
ληφθῶμεν εἰσβάσεις τε μηχανώμενοι,  
θανούμεθ'. ἀλλὰ πρὶν θανεῖν, νεὼς ἐπι  
φρεύγωμεν, ἢπερ δεῦρ' ἐναυστολήσαμεν.

In his v. 98 ἄρ' tantum in *C* legitur, pro quo *B* ἄν habet sed secunda manu additum, ut defectum fuisse in archetypo probabiliter indicaverit Kirchhoffius; tum utrum μάθοιμεν, quod habet Aldus, an λάθοιμεν, quod conjecit Reiskius, in libris legatur, non satis certo traditur. Sed praeterea in his quae insint difficultates, neminem latet, quas quibus machinis tollere adhuc conati sint interpretes, exponere longum est. Praestat igitur quae recte jam ab iis administrata sunt breviter comprehendere, ut ad cetera expedienda viam nobis muniamus. Agmen ducit ut toties ita hic quoque Hermannus, qui recte et ἀμφίβληστρα τοίχων ipsius templi parietes esse contra Handium septum sive περιβολον intelligentem demonstravit et δωμάτων προσαμβάσεις

non esse «occasiones ubi ἀμβατόν ἐστι δῶμα», quae Seidleri fuit sententia, sed ipsos, quibus ad templi portas escenditur, gradus perspexit, et cum Handio illa κληῖθρα λύσαντες μοχλοῖς de aperienda remotis repagulis non de effringenda admotis vectibus porta dicta esse vidit. Sed in sequentibus verum nec ipse assecutus est nec quisquam eorum, qui pessima corruptela v. 100 ἄν οὐδὲν ἴσμεν 'decepti v. 98 πῶς ἄν οὖν μάθοιμεν ἄν retinuerunt. Quae duo membra cum cohaerere viderentur, et Seidlerus olim et Hartungus nuper de transponendis versibus cogitaverunt, ille

— πότερα δωμάτων πρὸς ἀμβάσεις,

ἢ χαλκότενκτα κληῖθρα λύσαντες μοχλοῖς, 99

ἐκβησόμεσθα; πῶς ἄν οὖν μάθοιμεν ἄν, 98

ἄν οὐδὲν ἴσμεν' —

conjiciendo, hic:

— πῶς γὰρ οὖν μάθοιμεν ἄν 98

ἄν οὐδὲν ἴσμεν; ἢν δ' ἀνοίγοντες πύλας 100

ἢ χαλκότενκτα κληῖθρα λύσαντες μοχλοῖς 99

ληφθῶμεν εἰσβάσεις τε μηχανώμενοι,

θανούμεθ' —

scribendo; Hermannus autem servato versuum ordine tantum ἢ disjunctivum v. 99 in ἢ interrogativum mutavit, importune et inutiliter interjecto ipso hoc interrogativo membro, cum per se pateat, si quis recta via gradibus egressus ad templi fores pervenerit, ut introspicere possit, has ipsas fores ei aperiendas esse. Itaque suo quodam jure longius grassatus Dindorfius incommodum versum prorsus eiecit. Egregie vero Badhamus et quid vitiosum sit et quale esse debeat, quod in ejus locum substituatur, perspexit scribendo ὃδ' οὐδὲν ἔσιμεν pro ἄν οὐδὲν ἴσμεν. Quod qui arripuit Kvíčala simul etiam singulas, quas modo attuli, superiorum opiniones ita refutavit p. 12 sqq., ut non opus sit verbum addere. Ipse tamen cum recepto Badhamiano invento totum locum hoc modo constituit:

— πότερα δωμάτων προσαμβάσεις

ἐκβησόμεσθ', ὅπως ἄν οὖν μάθοιμεν ἄν,

εἰ χαλκότενκτα κληῖθρα λύσαντες μοχλοῖς

ὃδ' οὐδὲν ἔσιμεν; —

magnopere vereor, ne illato soloecismo simul languidissimam sententiam intulerit, quam callide obscuravit non tamen prorsus velavit vertendo:

«Sollen wir die Stufen hinansteigen, um so (οὖν) darüber Gewissheit zu erlangen, ob wir das ehene Verschloss werden öffnen und die Schwelle betreten können?» Sed perbene idem et ultimum membrum ἀλλὰ — ἐναυστολήσαμεν interrogando efferendum ab Oreste non fugam suadente sed deliberante intellexit et ad totum locum recte capiendum adduxit Sophoclis Aj. 460 sqq. πότερα πρὸς οἶκον — πέλαγος Αἰγαῖον περῶ; καὶ ποῖον ὄμμα πατρὶ δηλώσω —; πῶς με τλήσεται ποτ' εἰσιδεῖν γυμνὸν φανέντα —; οὐκ ἔστι τοῦργον τλητόν. ἀλλὰ δῆτ' ἰὼν πρὸς ἔρμα Τρώων — λίσσθιον θάνω.

Ipsae tamen Badhamus rem tantum non ipsa verba assecutus est, in quibus nec forma epica, pro qua ὀδὸν exspectes, nec locutio etiam ab Homericis illis ὑπέρβη — οὐδὸν, ὑπὲρ οὐδὸν ἐβήσεται, ἐπ' οὐδὸν ἰὼν satis diversa tragicorum usui respondet. Suo jure igitur Nauckius, qui in antecedentibus etiam recte λάθοιμεν praetulit sed tum vulgato ἢ χαλκότευκτα etc. contentus fuit, Badhamiano invento aliud ejusdem sententiae substituit θύραθεν ἔσιμεν, quod commendatum ex parte Electrae verbis in cognomine fabula v. 75 sq. εἰσιόντι δ' ἐργάτη θύραθεν ἠδὲ τᾶνδον εὐρίσκειν καλῶς si recipimus, totum locum sic scribendum esse:

— πῶς ἄρ' οὖν λάθοιμεν ἄν,  
εἰ χαλκότευκτα κληῖθρα λύσαντες μοχλοῖς  
θύραθεν ἔσιμεν;

ex sequentibus

— ἦν δ' ἀνοίγοντες πύλας  
ληφθῶμεν εἰσβάσεις τε μηχανώμενοι,  
θανούμεθ'.

ita apparere videtur, ut de sententiae quidem argumento et nexu dubitari non possit. Idem vero cum etiam aliter exprimi possit, ut ἔσωθεν sive εἰς τᾶδντ' ἔσιμεν scripto, ipsa verba conjectura extra dubitationem posita restitui nequeunt. Et quidni Euripides scripserit:

— πῶς ἄρ' οὖν λάθοιμεν ἄν,  
ἦν χαλκότευκτα κληῖθρα λύσαντες μοχλοῖς  
ᾧδ' εἰσιώμεν;

Ego vero hoc ipsum propter repetitam sequente membro conjunctionem praetulerim.

V. 113 sq. ὄρα δέ γ' εἶσω τριγλύφων ὅποι κενόν  
δέμας καθεῖναι.

Etiam de his versibus multum disputatum est. Ac primum quidem illud εἶσω modo cum ὄρα junxerunt, id ut introspiciendi haberet notionem, quod omnium ineptissimum est, modo cum τριγλύφων, ut idem esset atque μεταξὺ, quod jure improbavit Kvíčala p. 19, modo cum δέμας καθεῖναι, quod unice verum primus vindicavit Hermannus. Idem vero male τριγλύφων cum καθεῖναι constructum putavit, quod eo magis mireris, quoniam Winckelmannum aliosque secutus illud κενόν recte intellexit de intervallis inter triglyphos interjectis, quae aut metopis praefixis claudbantur aut aperta relinquebantur, qualia praeter hunc locum Euripides etiam in Oreste v. 1371 sq. innuit, ubi Phryx ille effugisse se praedicat

κεδρωτὰ παστάδων ὑπὲρ τέρεμνα  
Λωρικός τε τριγλύφους.

Ita postquam locus recte explicatus erat, graviter profecto ii erraverunt, qui Blomfieldi conjecturam γεῖσα pro γ' εἶσω aut probaverunt aut adeo, ut Dindorfius atque Nauckius, textui intulerunt scilicet Dorici templi architectura prorsus neglecta. Γεῖσον enim, quam corō nam Latini vocaverunt, perpetuo tractu supra capitulum et triglyphis et intervallis aut metopis impositum qua de causa Orestis oculis speculandum commendetur, nec Davus nec Oedipus extricare poterit. Sed speculandi notionem atque commendationem particulis δέ γε inepte elatam — quas certe Kvíčala removit scribendo ὄρα δ' ἐκεῖσε — omnino ab hac sermonis parte alienam esse, qua de eo, quod postea noctu faciendum sit, agi necesse sit, recte intellexit Hartungus, dummodo ne ad apographi Parisini E sive errorem sive conjecturam ὄρα δέ γ' εἶσω confugisset jam ab Hermanno explosam. Desiderari tum potius ὄρα δέ τότε probe monuit Rauchensteinus p. V, qui cum proxime verum attigerit scribendo ἔσται δέ γ' εἶσω et ὅπου, eum jam mecum de perficienda loci emendatione consensurum spero. Vide enim: ὄρα vel ὄρα nihil aliud est nisi infelix litterarum ρα supplementum, quae in mutilato archetypo remanserunt ex ῥᾶστον, quod scriptum fuisse ab Euripide totius loci tenor ita demonstrat, ut probandi gratia eum adscripsisse satis habeam:

ὅταν δὲ νυκτὸς ὄμμα λυγαίας μόλη,  
τολμητέον νῶ ξεστὸν ἐκ ναοῦ λαβεῖν  
ἄγαλμα πάσας προσφέροντε μηχανάς.

ὄϊστον δὲ γ' εἶδω, τριγλύφω ὄπου κενον,  
δέμας καθεῖναι.

Νώ v. 111 cum Dindorfio pro τὸ vel τοι scripsi, ὄπου v. 113 jam Elmslejus emendavit, quod ne retento quidem ὄρα ullis argutiis apte defendi potest.

Iphigeniam in cantu funebri, non in sermone ab adveniente nuntio interruptam haud satis apte v. 240

τί δ' ἔστι τοῦ παρόντος ἐκπλήσσον λόγον;

interrogare solus Klotzius sensit, qui λόγον non solum sermonem, verum etiam cogitationem ac ratiocinationem significare et hic et in Orest. 549 monet. Sed hic ipse locus, quo adolescens orationi praefatur contra Tyndarei accusationem habendae

ἀπελθέτω δὲ τοῖς λόγοισιν ἐκποδῶν  
τὸ γῆρας ἡμῖν τὸ σόν, ὃ μ' ἐκπλήττει λόγον,

optime demonstrat Iphigeniae hic quidem λόγον non fuisse commemorandum. Ne te morer: interrogabat illa olim

τί δ' ἔστι τοῦ παρόντος ἐκπλήσσον λόγου;

V. 322 sq. μόλις δὲ νυν τόλμη μὲν οὐ χειρούμεθα,  
κύκλω δὲ περιβαλόντες ἐξεκλέψαμεν  
πέτροισι χειρῶν φάσαν, εἰς δὲ γῆν γόνυ  
καμάτω καθεῖσαν.

Laudandus est Bothius, quod corruptum locum non neglexit, quemadmodum plurimi. «Ineptum» inquit «ἐξεκλέψαμεν, neque locus est furto, ubi vis affertur. Quare ponendum censeo ἐξεκόψαμεν.» Id et probavit Dindorfius et recepit Hartungus et praestat sane Hermanniano ἐξεκλέψαμεν, quod ex Hesychiana glossa petitum Homericο φ 455 ἀπολεψέμεν οὐατα χαλκῶ frustra tueare. Modo omnino de vi sermo hic esse possit, quam non allatam esse antecedentia τόλμη μὲν οὐ χειρούμεθα aperte clamant, quibus apprime oppositum esse ἐξεκλέψαμεν nemo non videt. Sed ei furto illud πέτροισι quam non conveniat, ex Schoenii optime nota intelligitur, qui solus omnium has prodigiosas expedire conatus est insidias hoc modo: «Wir bezwangen sie nicht durch kühnes und offenes Angreifen, sondern durch die List, dass wir sie erst dicht umringten und dann ihnen mit Steinwürfen die Schwerter aus den Händen

entrissen.» Sed nolumus amplius in his titubare tenebris, quas subito disjiciemus scribendo pro πέτροισι, quod ex v. 310, 313, 318 sq., 326 sq. irrepsit, πέπλοισι: adolescentibus vestium undique conjectarum mole circumvelatis atque impeditis gladios subtraxerunt, dum illi lassitudine exhausti in genua procumbunt. Vestium usus, ubi «arma ad tegendum corpus» deficiunt, ex descriptionibus et imaginibus veterum satis notus est, nec Euripides ejus immemor fuit, cum supra v. 312 sq. scripsit

πέπλων τε προῦκάλυπτεν εὐπῆρους ὑφάς,  
καραδοκῶν μὲν τὰπιόντα τραύματα,  
φίλον δὲ θεραπείαισιν ἄνδρ' εὐεργετῶν.

Sed teli loco velamentis utendi magistra Euripideis pastoribus Clytaemnestra exstitit, ἢ πόσιν ἀπείρω περιβαλοῦσ' ὑφάσματι ἔκτεινεν, quemadmodum ipse poeta in Orest. 25 sq. scripsit.

V. 558. Πατὸς θανόντος τήνδε τιμωρούμενος.

Ineptum esse hoc τήνδε recte jam dudum peritissimi quique editores viderunt, quibus qui oblocuti sunt Schoenius atque Klotzius pronomen antecedenti πατὸς θανόντος oppositum esse, non viderunt tum tantum ita poni potuisse pronomen, si Orestes dicturus fuisset patre interfecto non aliam, sed hanc prae ceteris a se punitam esse. Quid vero scripserit Euripides, quaeritur. Quod Elmslejus conjecit αἷμα τιμωρούμενος per se probum est: vid. supra 78 πατὸς αἷμ' ἐτισάμην, Alc. 733 σ' ἀδελφῆς αἷμα τιμωρήσεται, Oen. fragm. 563 Nauck. πατὸς αἷμ' ἐτιμωρησάμην. Aliquid tamen dubitationis movet praemisum h. l. participium θανόντος, cui additum αἷμα praesertim post patris caedem diserte memoratam aliquid languidi habere videtur, cum potius desideremus talionis jus a pio matricida efferri. Id ipsum vero fecit et hic respondendo

πατὸς θανόντος σφ' ἀντιτιμωρούμενος

et in Electra v. 849 sq. narrans

φονέα δὲ πατὸς ἀντετιμωρησάμην  
τλήμων Ὀρέστης,

nec aliter Helenae atque Menelai adventum optavit Iphigenia supra v. 357 ἴν' αὐτοὺς ἀντετιμωρησάμην. Verbum invenerat jam Blomfieldius, sed addendum erat pronomen, cujus glossa τήνδε genuinam scripturam expulit.

V. 576 vulgo editur:

φεῦ φεῦ· τί δ' ἡμεῖς οἱ τ' ἐμοὶ γεννήτορες;

sed versari nos in loco lacunoso ex *B* apparet, in quo τ' ἐμοὶ manu secunda additur, quod, si quidem legitur in *C*, conjectura illatum esse recte suspicatus est Kirchhoffius, dummodo ne eam veram putasset, qua admissa ineptum illud ἡμεῖς retinetur, cum non de se sed de suis parentibus sollicitum esse Chorum et per se patet et sequens versus ostendat:

ἄρ' εἰσὶν; ἄρ' οὐκ εἰσὶ; τίς φράσειεν ἄν;

Non sine causa ipsum adscripsi: ante eum dici non potuisse, quod Nauckio placuit τί δ' ἡμῶν εἰσὶν οἱ γεννήτορες, jam ipse vir egregius non negabit. Euripidem vero scripsisse τί δ' ἡμῖν οἱ φίλοι γεννήτορες dudum perspexeram, cum non sine gaudio Rauchensteinium meum conjiciendo τί δ' ἡμῶν φίλτατοι γεννήτορες paene mecum consentientem inveni.

Qui subtilibus argutisque nugis delectatur, interpretes adeat ad v. 633

ξανθῶ τ' ἐλαίῳ σῶμα σὸν κατασβέσω

miro acumine demonstrantes, quomodo oleo infuso conflagrans corpus extinguui recte dicatur. Ea commenta qui suo jure ridet Hartungus non magis tamen feliciter sibi persuadet non igni sed calentibus cineribus exstinguendis infusum esse oleum, cui rei tantum vinum adhibitum esse constat. Accedit, quod σῶμα σὸν nullo pacto de corpore in cineres soluto dici potuit. Omnino erraverunt interpretes, quod hic de justo sive rogo sive sepulcro cogitaverunt immemores eorum, quae modo v. 625 quaerenti Oresti

τάφος δὲ ποῖος δέξεται μ', ὅταν θάνω;

respondit Iphigenia

πῦρ ἱερὸν ἔνδον χάσμα τ' εὐρωπὸν πέτρας,

quibus verbis ab Euripide morem respectum esse apud Carthaginenses receptum Diodorus alios haud dubie secutus testatur loco certatim ab omnibus adscripto XX, 14: ἦν δὲ παρ' αὐτοῖς ἀνδριάς Κρόνον χαλκοῦς ἐκτετακῶς τὰς χεῖρας ὑπτίας ἐγκεκλιμένας ἐπὶ τὴν γῆν, ὥστε τὸν ἐπιτεθέντα τῶν παίδων ἀποκλιέσθαι καὶ πίπτειν εἰς τι χάσμα πλήρες πυρός· εἰκὸς δὲ καὶ τὸν Εὐριπίδην ἐντεῦθεν εἰληφέναι τὰ μυθολογούμενα παρ' αὐτῷ περὶ τὴν ἐν Ταύροις θυσίαν, ἐν οἷς εἰσάγει τὴν Ἰφιγένειαν ὑπὸ Ὀρέστου διερωτωμένην ἀτάφος etc. De hac igitur voragine sacro igne completa, in quam mactatum corpus praecipitabatur comburendum, et τάφον

625 atque 632 et πυρᾶν 635 dictum esse patet, in ea autem voragine combusti corporis ceterarumque rerum commixtos cineres relictos esse consentaneum est. Orestis igitur corpori, antequam in profundum dejiceretur, se instillaturam esse oleum, scilicet quo citius combureretur, promittentem fecerat Iphigeniam poëta verbo καταψεκῶ a rore — cfr. Aesch. Agam. 547 δρόσοι καταψέκαζον — apte ad oleum translato, quod ex angusto lecythii collo guttatim destillat. Locutionem aliquid habere Euripideo mori congruum concludas ex Xenophontis Symp. II, 26, ubi Socrates minuta pocula commendat: ἦν δὲ ἡμῖν οἱ παῖδες μικραῖς κύλιξι πυκνὰ ἐπιψεκάζωσιν — ἵνα καὶ ἐγὼ ἐν Γοργείοις ῥήμασιν εἴπω — etc. Constructionem sane paullo insolentiorē pro qua aliquis

ξανθὸν τ' ἐλαῖον σώματος καταψεκῶ

praetulerit, in rariore verbo admisisse videtur exemplum usitatoris κατακλύξεν secutus. Alia commenta ut Musgravii καταστειλῶ Schoenii κατασκεδῶ Rauchensteinii καταπλάσω cur ferri nequeant, neminem fugit.

Sicco pede plerique interpretum transierunt haec v. 818 sq.

ΟΡΕΣΤΗΣ. καὶ λούτῳ ἐς Ἀῦλιν μητρὸς ἀνεδέξω πάρα;

ΙΦΙΓΕΝΕΙΑ. οἶδ'· οὐ γὰρ ὁ γάμος ἐσθλὸς ὢν μ' ἀφείλετο.

Quorum ultima plerique cum Matthiaeo sic explicaverunt: «nuptiae enim bonae non effecerunt, ut lavacris a matre ministrandis carerem.» Quae sententia tum tantum staret, si sponsam bonas quidem nuptias inituram lavacris maternis carere, ad malas vero nuptias ea a matre accipere moris fuisset. Contra ante nuptias quascunque filiabus a matribus suis lavacra parata esse quis nescit? Non hoc igitur, quod ut omnibus ita etiam Iphigeniae accidit, ut peculiare signum commemorandum erat, sed potius hoc, quod Aulidem ad nuptias profectura a matre domi remanente aquas sponsales secum asportandas accepit. Aliam interpretationem excogitavit is, qui in cod. Flor. 2 teste Matthiaeo tom V, p. 596 adscripsit ἀφείλετο τοῦτο τὸ μὴ εἰδέναι, quod amplexus Klotzius inauditam locutionem excusavit, non firmavit. Ei tamen insistens Nauckius cum ὁ χρόνος μακρὸς ὢν exspectare se dicit, hoc certe perspexit ad debilitandam memoriam nihil facere nuptias sive probas sive nobiles. Kirchhoffius quid sibi velit conjiciendo ἐσθλὸς ὢν μ' ἐπωφέλει, dispicere non potui. Unus Seidlerus, quid dici debuerit, vidit, qui tamen interrogationis tantum signum in fine versus addidit hac sententia: «nonne



enim nuptiae illae, quae satis felices erant, illi me abstulerant?» Verum ita satis obscure locuta esset virgo, quae potius rem brevius a fratre indicatam, ut in ejusmodi interrogandi atque respondendi vicissitudinibus fieri solet, pluribus supplere debebat hoc modo:

οἶδ'· εὐτ' ἄρ' ὁ γάμος ἐσθλὸς ὦν μ' ἀφείλετο.

Plura sunt, quae offendant in his, quibus Orestes suam sortem sorori explicare pergit v. 940 sqq.

ἐπεὶ τὰ μητρὸς ταῦθ' ἂ σιγῶμεν κακὰ  
εἰς χεῖρας ἦλθε, μεταδρομαῖς Ἐριννύων  
ἠλανόμεσθα φηγάδες, ἔνθεν μοι πόδα  
εἰς τὰς Ἀθήνας δὴ γ' ἔπεμψε Λοξίας  
δίκην παρασχεῖν ταῖς ἀνωνύμοις θεαῖς.

De his primus omnium bene meritus est Elmslejus, qui cum μου pro μοι ex tragicorum usu reponendum esse monuit, certe quam ineptus esset dativus sensit, quem a Schoenio et Klotzio defensum jure mireris, postquam etiam Hermannus diserte cum explosit. Is ipse vero nec ἔνθεν, quod Elmslejus ad templum Delphicum ne indicatum quidem in antecedentibus referebat, ferri ullo modo posse demonstravit itaque ἔνθ' ἐμὸν πόδα emendavit, quod recepit Nauckius, respuit Schoenius, qui pejus etiam causalem inesse particulae sensum putavit. Nec ille tamen emendationem perfecit: profecto enim post «vagi erroris notionem», quae non solum «certi loci» sed etiam certi temporis notatione caret, non apte addi videtur hoc membrum: «tum me Athenas misit Apollo.» Sensit hoc sed non sanavit Kirchhoffius addendo δ' post μεταδρομαῖς. Imo vago errori finem factum esse dei oraculo edicendum erat, quod fecit poeta scribens ἔστ' ἐμὸν πόδα.

Nec sequentem versum restituerunt critici. Ex quibus cum primum Scaliger pro δὴ γ' conjecisset δῆτ', utrumque recte rejecit Elmslejus, Hermannus vero quamquam dubitanter defendere sustinuit δὴ γ' scilicet sensu Germanici «gar endlich» cum ἔνθα conjungendum. Fieri hoc posse suo jure negavit Hartungus, qui Reiskiano εἰς τὰν (?) Ἀθηνᾶς πόλιν usus ipse εἰς τὴν Ἀθηνᾶς γῆν scripsit. Hoc quidem ex usu tragicorum scribendum fuisse Ἀθάνας satis constat. Sed displicet hic quidem in simplici narratione tota locutio, quamvis nec ignorem Med. 1381 sq. γῆ δὲ τῆδε Σισύφου σεμνήν ἑορτὴν καὶ τέλη προσάφομεν et infra v. 1441 ipsa Minerva Atticam ἐμὴν χθόνα

appellet. Inde, hoc modo si emendandus locus videretur, ex v. 978 εἰς τὴν Ἀθηνῶν γῆν praeferrem. Nec magis placet Elmslejanum ἐξέπεμψε, quod nec pro simplici ἔπεμψε umquam dictum est — nam in Elect. 1283 Ζεὺς — εἰδῶλον Ἐλένης ἐξέπεμψ' ἐς Ἴλιον simulacrum ab ipsa Jovis sede exiisse significatur — nec hic ut in Soph. Oed. R. 789, ubi templum Delphicum diserte nominatur, ἔπεμψεν ἐκ τοῦ ναοῦ intelligi potest. Accedit aliud, quod ut alibi ita hic quoque in perpetuae narrationis initio ipsum diserte nominari oraculum desideramus. Quare non dubitandum, quin Euripides ut supra v. 77 ποῖ μ' αὐτὴνδ' ἐς ἄρκυν ἤγαγες χροῖσας ita hic dicentem fecerit Orestem:

ἔστ' ἐμὸν πόδα  
χροῖσας Ἀθήνας εἰσέπεμψε Λοξίας,

qui idem 971 sqq. hoc modo narrationem suam concluderit:

ἴσα δ' Ἐρινύων οὐκ ἐπίσθησαν νόμῳ,  
δρόμοις ἀνιδρύτοισιν ἠλάστρου μ' αἰί,  
ἔως ἐς ἀγνὸν ἦλθον αὖ Φοῖβου πέδον  
καὶ πρόσθεν ἀδύτων ἑκαθεῖς, νῆστις βορᾶς.  
ἐπώμοσ' αὐτοῦ βίον ἀπορρήξεν θανάων,  
εἰ μὴ με σώσει Φοῖβος, ὅς μ' ἀπώλεσεν.  
ἐντεῦθεν αὐδὴν τρίποδος ἐκ χρυσοῦ λακῶν  
Φοῖβός μ' ἔπεμψε δεῦρο, διοπετὲς λαβεῖν  
ἄγαλμ' Ἀθηνῶν τ' ἐγκαθιδρῦσαι χθονί.

Praeterea cfr. infra v. 1440 ἀδελφῆς Ἄργος εἰσπέμψων δέμας.

Supra p. 5 l. 3 ante Londini adde una.

INDEX LECTIONUM  
IN  
**LITERARUM UNIVERSITATE TURICENSI**

INDE  
A DIE XV. MENSIS OCTOBRIS MDCCCLX  
USQUE  
AD DIEM XXIII. MENSIS MARTII MDCCCLXI  
HABENDARUM.

---

IN EST  
**EMENDATIONUM IN EURIPIDIS IPHIGENIAM TAURICAM**  
PARS II.

---

**TURICI,**  
EX OFFICINA ZÜRCHERI ET FURRERI  
1860.

Orestes postquam longiore narratione, quae post matris caedem ad praesens usque tempus sibi acciderint, agnitae sorori v. 940—978 exposuit, totam his precibus concludit orationem:

ἀλλ' ἤνπερ ἡμῖν ἔρισεν σωτηρίαν,  
980 σύμπραξον. ἦν γὰρ θεᾶς κατάσχωμεν βρέτας,  
μανιῶν τε λήξω καὶ δὲ πολυκώπῳ σκάφει  
στείλας Μυκήναις ἐγκαταστήσω πάλιν.  
ἀλλ', ὦ φιληθεῖς, ὦ κασίγνητον κέρα,  
σῶσον πατρῶον οἶκον, ἔκσωσον δ' ἐμέ·  
985 ὡς τ' ἄμ' ὄλωλε πάντα καὶ τὰ Πελοπιδῶν,  
οὐράνιον εἰ μὴ ληψόμεσθα θεᾶς βρέτας.

Harum precum cardinem in eo versari patet, quod Orestes Iphigeniam, ut se in deae simulacro auferendo adjuvet, qua re omnis et ipsius et paternae domus salus contineatur, disertissime et enixissime orat. Sororem enim fratrem, quem jam ignotum hospitem in patriam remissura fuerat, a nefando sacrificio servaturam atque ipsam cum eo domum redituram esse jam ex epistolae argumento supra v. 770 sqq. allato Orestes concludere poterat, qui cum navem remigibus probe instructam praesto haberet, hunc reditum ne ita desperatum quidem esse sciebat, ut Iphigenia navigii illius ignara supra v. 873 sqq. conquesta erat. Contra si simul auferenda esset Dianae statua, eum decessum multo et difficiliorem et periculosiorem fore consentaneum erat. Haec ipsa causa est, ob quam Orestes, quanti et sibi et paternae domui sit momenti, ut illud simulacrum abripiatur, tam multis verbis et repetita partim ratiocinatione exponit.

Sed ei quae Iphigenia respondet inde a v. 989, magnis merito novissimorum inprimis criticorum dubitationibus obnoxia fuerunt, quae dubitationes ut rite excutiantur atque solvantur, tota illius oratio ordine pertractanda est. Ejus orationis hoc est exordium:

τὸ μὲν πρόθυμον, πρὶν σε δεῦρ' ἐλθεῖν, ἔχω  
990 ἄργει γενέσθαι καὶ σέ, σύγγον', εἰσιδεῖν·  
θέλω δ' ἄπερ σύ· σέ τε μεταστῆσαι πόνων  
νοσοῦντά τ' οἶκον, οὐχὶ τῷ κανόντι με  
θυμουμένη, πατρῶον ὀρθῶσαι θέλω.

Huc usque omnia probe decurrunt. Dicit Iphigenia se et ante, quam frater huc advenerit, Argos redeundi ipsumque videndi desiderio motam esse — id quod jam fatali illa epistola declaravit — et nunc idem atque fratrem velle, ut et ipsum a laboribus liberet et paternam domum a clade sua erigat, quod utrumque beneficium tantum ablato signo parari posse ex Oreste scivit. Haec omnia cum planissima sint, mireris profecto, quid sit, quod non solum Nauckius v. 990 suspectum habuit, quo remoto misere hiat sententia, cum ante colloquium cum Oreste habitum Iphigenia profecto illa de fratris atque domus cladibus a se sanandis scire non potuerit, sed etiam intelligens hoc Kvíčala tamen et ipse hunc versum delendum censuit, incredibilem vero verbis *πρίν σε δεῦρ' ἔλθεῖν* significationem intulit, ea ut denotent: antequam tu in oratione tua ad preces descenderis, quod nec illo *ἔκεισε δὴ πᾶνελθε* v. 256 nec aliis locis, qui similes videntur dissimillimi sunt, firmari posse nemo non videt. Hoc vero ut statueret, motus esse videtur eo, quod verbis *τὸ μὲν πρόθυμον* — *ἔχω* oppositum esse membrum *τὴν θεὸν δ' ὅπως* ab initio sibi persuaserat, qui error simul alium errorem peperit, ut *τὸ μὲν πρόθυμον* — *ἔχω* et *θέλω δ' ἄπερ σὺ* unum idemque significare putaret. Nec nihil idem ille error ἀρχέμακος ad eam opinionem Kvíčalae contulit, qua longius etiam Nauckio progressus tres quoque versus 992—994 interpolando illatos esse putavit, quamquam huic quidem opinioni multo majus adjumentum ex sequentis membri *σφαγῆς τε γὰρ σῆς* — *οἴκου* pessima cum antecedentibus commissura accedere statim videbimus. Sed quam hiulca Kvíčalae remanserit oratio, ipse videas quaeso:

989 τὸ μὲν πρόθυμον, πρίν σε δεῦρ' ἔλθεῖν, ἔχω,

991 θέλω δ' ἄπερ σὺ, σέ τε μεταστῆσαι πόνων,

995 σώσαιμι δ' οἴκου· τὴν θεὸν δ' ὅπως λάθω etc.

In qua nec *μὲν* prioribus duabus particulis praetermissis ad tertiam demum referendum nec post *σέ τε μεταστῆσαι πόνων* mutata scilicet constructione illatus secunda particula *δέ* optativus ferri ullo modo potest.

Duo sunt in his versibus, de quibus insuper dicatur. Primum enim offendit verbum *θέλω* et primo et postremo membri loco positum. Defendi id poterit una ratione, quam Seidlerus jam introduxit, ut colo post *σὺ* positio duo habeamus membra juxta posita, unum generalis sententiae, alterum duas, quas cupit Iphigenia, res diserte enumerans. Et placuit nuper haec ratio vehementer Klotzio, qui «hoc ipsum», inquit, «ab Iphigenia maximo opere erat premendum, de sua

voluntate dubitari plane non posse.» Verum enim vero quoniam de hac ipsa voluntate dubitari plane non potuit, nullam equidem video causam, cur hoc ipsum tanto opere ei premendum fuerit. Potius igitur, quin Marklandus pro altero *θέλω* rectissime *πάλιν* emendaverit, dubitari plane non potest. Deinde verbis illis *οὐχὶ τῷ κτανόντι με θυμουμένη* grave nuper bellum indixit Kvíčala: absolum scilicet esse, si Iphigenia etiam nunc iram in patrem, quem modo mortuum esse audiverit, conceptam memoret. Sed quam alte immane illud patris facinus in nostrae Iphigeniae animum descenderit, viva illa nefandi sacrificii et prolixa prodit descriptio, quam supra v. 359 sqq. legimus. Sed cum in codicibus non *κτανόντι* legatur sed *κτανούντι*, recte puto ex eo pluralem *τοῖς κτανούσι με* emendatum esse ab Hermanno, qui «confert aliquid», inquit, «pluralis ad lenitatem sententiae».

Pergit Iphigenia sic:

σφαγῆς τε γὰρ σῆς χεῖρ' ἀπαλλάξαιμεν ἄν,  
 σώσαιμι δ' οἴκου· τὴν θεὸν δ' ὅπως λάθω  
 δέδοικα καὶ τύραννον, ἠνίκ' ἂν κενὰς  
 κρηπίδας εὖρη λαΐνας ἀγάλατος.

Haec vero ferri non posse recte perspexit Kvíčala p. 59 sq., cum priores editores nihil fecissent nisi ut — recte quidem — *σώσαιμι τ' οἴκου* inferrent. Intolerabilem ille dixit hanc post antecedentia tautologiam, quod quam vere ille dixerit, ex interpretum commentis optime vel me nullum verbum addente intelligitur. Ita enim Hermannus: «Immo hoc in mente habet: volo et te ex malis liberare, et salvam facere patriam domum. Nam sic et ab infanda interfectione fratris puram habebō manum, simul autem patria domus te incolumi non erit deserta.» Vides, quam multa ille menti Euripidis suggerat, de quibus ille ne *γρῦ* quidem enuntiavit. Hartungus vero hoc modo locum convertit:

«*Jch will, was du willst, dich erlösen aus der Noth,  
 Und, ohne Groll um meine Tödtung, wiederum  
 Aufrichten unser ganz zerrüttet Vaterhaus.  
 So halt' ich meine Hände rein von deinem Blut  
 Und rette unser Ahnenhaus.*»

Ubi vides nec vernaculum «so» Graeco *γὰρ* respondere et variatione illa «Vaterhaus» et «Ahnenhaus» male velari prorsus ejusdem rei commemorationem. De his igitur amplius videndum.

Sed in sequentibus Nauckii ego suspicionem, qua ille τὸν λεῶν pro τὴν θεὸν scribendum putavit, probare non possum. Rectissime hoc, quod in libris legitur, et Orestis ratiocinatione ex oraculo petita v. 1012—1014 et ipsius Iphigeniae deprecatione v. 1400 firmari vidit Rauchensteinus p. XV.

Optime ei timori respondet, quod addit Iphigenia, dummodo particula δ' ante οὐ tollatur:

πῶς οὐ θανοῦμαι; τίς δ' ἔνεστί μοι λόγος;

Sed statim sequentia habent quo offendant:

ἀλλ' εἰ μὲν ἔν τι τοῦθ' ὁμοῦ γενήσεται,  
ἄγαλμά τ' οἴσεις κἄμ' ἐπ' εὐπρόμνου νεῶς  
ἄξις, τὸ κινδύνεμα γίγνεται καλόν·  
τούτου δὲ χωρισθεῖσ' ἐγὼ μὲν ὄλλυμαι,  
οὐ δ' ἂν τὸ σαντοῦ θέμενος εὖ νόστον τύχοις.

De his unus bene meritus est Marklandus scribendo ταῦθ', quem neglectum esse ab omnibus magnopere mireris. Nam cum Orestes, ut vidimus, satis confidenter supra dixisset, si modo deae simulacro potiti essent, se et insania liberatum iri et sororem navi sua abducturum esse, haec contra timidior suo jure fratrem admonet duo illa esse non necessario conjuncta, scilicet simulacri rapinam atque ipsius abductionem. Vides igitur pluralem hic flagitari. Sed amplius progrediendum: quid enim, quaeso, sibi vult ἔν τι particula indefinita? Tacent omnes interpretes, et recte tacent: neque enim quod dicant habent. Hic quidem verum vidit Linderus verbi divini apud Rigoldiswylenses Basileenses minister, qui in litteris ad me datis conjecit: ἀλλ' εἰ μὲν εἰς ἔν ταῦθ' ὁμοῦ γενήσεται, cui conjecturae firmandae nihil adscribere opus est nisi Orestis verba infra v. 1015 sq.

ἄπαντα γὰρ

συνθεῖς τὰ δ' εἰς ἔν νόστον ἐπιζῶ λαβεῖν.

Sed praeterea nec particula ἀλλά initio posita nec omnino in hac quidem orationis parte post sinistram timoris significationem haec boni eventus conditionalis significatio satis quadrant, quam significationem cum temerario fratris promisso, uti vidimus, conjunctissimam potius supra statim post pristinæ propensitatis praesentisque voluntatis enunciationem positam fuisse expectes. Postremo leve est sed quod tamen notandum videatur male interpretes ad τούτου certatim supplevisse τοῦ ἀγάλματος, cum potius explicandum sit per τοῦ ἄγεσθαι ἐπὶ νεῶς.

Etiam in extremis Iphigeniae verbis:

οὐ μὴν τι φεύγω γ', οὐδέ μ' εἰ θανεῖν χρεῶν,  
σώσασά σ'· οὐ γὰρ ἀλλ' ἀνήρ μὲν ἐκ δόμων  
θανῶν ποθεινός, τὰ δὲ γυναικὸς ἀσθενῆ.

recte Kirchhoffius et Hartungus viderunt ineptum esse, de quo ceteri tacent, participium σώσασά σ', pro quo aut σώσασαν scribi debere ad χρεῶν θανεῖν referendum, aut infinitivum σώσαι addito sive σέ γ', quod Hartungus, sive τὰ σ', quod Kirchhoffius voluit. Quorum hoc praestat, quoniam Iphigenia cum fratre simul paternam domum servatura est.

Ita cetera quidem bene habent omnia. Sed versuum 994 sq. intolerabilis illa tautologia atque importuna commissura remanet. Quid igitur faciemus nos, postquam ejiaciendis versibus 992—994 nihil nos lucrari vidimus? Transponemus audacter, nec dubito, quin post v. 989—993 per se ipse jam hic se commendaturus sit sententiarum ordo:

999 ἀλλ' εἰ μὲν εἰς ἔν ταῦθ' ὁμοῦ γενήσεται,  
ἄγαλμά τ' οἴσεις κἄμ' ἐπ' εὐπρόμνου νεῶς  
ἄξις, τὸ κινδύνεμα γίγνεται καλόν·  
τούτου δὲ χωρισθεῖσ' ἐγὼ μὲν ὄλλυμαι,  
1003 οὐ δ' ἂν τὸ σαντοῦ θέμενος εὖ νόστον τύχοις·  
994 σφραγῆς τε γὰρ σῆς χεῖρ' ἀπαλλάξαιμεν ἂν  
σώσασαί τ' οἴκους· τὴν θεὸν δ' ὅπως λάθω  
δέδοικα καὶ τύραννον, ἦν δ' ἂν κενὰς  
κορηπίδας εὖρη λαΐνας ἀγάλματος.  
998 πῶς οὐ θανοῦμαι; τίς δ' ἔνεστί μοι λόγος;  
1001 οὐ μὴν τι φεύγω γ', οὐδέ μ' εἰ θανεῖν χρεῶν,  
σῶσαι τὰ σ'· οὐ γὰρ ἀλλ' ἀνήρ μὲν ἐκ δόμων  
θανῶν ποθεινός, τὰ δὲ γυναικὸς ἀσθενῆ.

Patet Iphigeniam, postquam et antiquum redeundi videndique fratris desiderium et praesentem cum fratris votis consentientem voluntatem declaravit, membro per particulam ἀλλά aptissime adnexo jam ad consilium ab illo indicatum accedere ita, ut primum, si quidem frater et deae signum et se ipsam navi imponere potuerit, omnia bene habere concedat, statim vero, aliter si eveniat, se quidem perituram, fratrem vero re bene gesta rediturum esse ostendat: se enim (jam vides et γὰρ rectissime habere nec ullam relinquere tautologiam) certe nec fratrem mactaturam et domum servaturam,

h. e. simulacrum fratri tradituram esse, quod tamen ne ipsius deae voluntate a rege detegatur verendum sane esse, quo facto nulla relicta excusatione mortem sibi certissimam fore. Verum stare sibi, vel morte sua fratris salutem redimere, cum longe aliud sit viri atque mulieris in domo pretium.

Hanc fuisse oratiunculæ, quam Iphigenia habuit, argumentum atque tenorem clarissime apparet ex Orestis responso, quod adscribo cunctis variorum criticorum conatibus restitutum:

οὐκ ἂν γενοίμην σοῦ τε καὶ μητρὸς φρονέυς·  
 ἄλις τὸ κείνης αἷμα· κοινόφρων δέ σοι  
 καὶ ξῶν θέλοιμ' ἂν καὶ θανῶν λαχεῖν ἕσον·  
 ἄξω δέ σ', ἥνπερ καὶ τὸς ἐν τεύθειν περὶ ᾧ,  
 πρὸς οἶκον, ἢ σοῦ κατθανῶν μενῶ μετὰ.

Ita postquam generosissimus adolescens suam et ipse aperuit firmissimam sententiam, qua cum sorore aut vivendum sibi aut moriendum decreverit, in sequentibus jam rationes exponit, quibus ipsos deos sibi suisque inceptis propitios esse probabile fiat:

γνώμης δ' ἄκουσον· εἰ πρόσαντες ἦν τόδε  
 Ἄρτεμιδι, πῶς ἂν Λοξίας ἐθέσπισε  
 κομίσει μ' ἄγαλμα θεῆς πόλις μ' εἰς Παλλάδος  
 καὶ σὸν πρόσωπον εἰσιδεῖν; ἅπαντα γὰρ  
 συνθεῖς τάδ' εἰς ἔν νόστον ἐλπίζω λαβεῖν.

Sed in his jure offendit Musgravius, cujus haec est nota: «καὶ σὸν πρόσωπον εἰσιδεῖν. Pendet ab ἐθέσπισε. Verum an Apollo Orestae vaticinatus erat, ipsum in Taurica sororem Iphigeniam visurum? At hoc ei ne per somnium quidem in mentem venisse tota fabulae oeconomia declarat. An legendum: καὶ σὸν πρόσωπον ἢ γ' ἰδεῖν, et adduxisset ad tuam faciem intuendam.» Hanc quidem conjecturam nemo, opinor, probabit; sed verba καὶ σὸν πρόσωπον εἰσιδεῖν non posse ad oraculi argumentum referri verissime ille demonstravit, ut magnopere mirarer Seidlerum errore suo ceteris omnibus imponere potuisse, nisi hic ingeniosam summi nostri poetæ artem in auxilium vocasset scribens haec: «Supra v. 86 de Apolline Orestes:

σὺ δ' εἶπας ἐλθεῖν Ταυρικῆς μ' ὄρους χθονός,  
 ἐνθ' Ἄρτεμις σὴ σύγγονος βωμούς ἔχει.

Non de nihilo hic adjecta sunt verba σὴ σύγγονος. In oraculo dictum videtur nude ἐνθα σύγγονος βωμούς ἔχει. Haec tum quidem Orestes interpreta-

batur de Diana, sed jam videt, etiam alio sensu accipi potuisse, de sua ipsius sorore. Hac eadem amphibolia in cognomine fabula usus est Goethius nostras.» Hanc vero amphiboliam ambiguo sororis nomine procreatam si jam Euripidis acumen invenisset, rem miraculosam non obscurissimo brevissimoque verbo velasset, sed diserta accuratissimaque oraculi cum eventu comparatione illustrasset. Verum longe alia erant, quibus Orestis animus ad bonam spem atque sororis solatium erigeretur: quod ipsa Diana, cujus simulacrum ex Taurico templo Athenas transportare oraculo jussus esset, sororem, quam immolendam sibi olim expetivisset, medio ex sacrificio clam omnibus testibus eripuisset atque in eodem illo templo ut suam sacerdotem collocavisset, ita ut Oresti sororem volgo mortuam habitam contigisset vivam invenire ejusque intueri faciem. Haec pluribus versibus inter v. 1014 et 1015 interjectis olim exposita fuisse ex ultimis Orestis verbis patet, quibus ad omnia solatii argumenta modo enumerata revocatur Iphigenia: ἅπαντα γὰρ συνθεῖς τάδ' εἰς ἔν νόστον ἐλπίζω λαβεῖν.

Haud ultimum in nostra fabula, in qua tam multa splendent eloquentiae lumina, tenet locum ῥῆσις illa ἀγγελικὴ, qua v. 1327—1419 irrita Orestis atque Iphigeniae fuga luculentissime narratur. Quo magis dolendum, quod hujus ipsius narrationis partes quaedam propter traditae lectionis corruptelas tam obscurae adeoque absurdae hodie sunt, ut iis rerum tenor atque claritas haud parum turbetur. Dixit de his fere omnibus Kvičala p. 76 sqq. more suo h. e. docte mehercule et diligenter, sed ita, ut nusquam rem acu tetigisse videatur. Jam igitur, si nobis melius res cessura sit, experiamur. Pertinent autem huc primum v. 1345—1353, qui in libris sic leguntur:

- 1345 κἀνταῦθ' ὄρωμεν Ἑλλάδος νεῶς σκάφος  
 ταρσῶ κατήρει πίτυλον ἐπερωμένον  
 ναύτας τε πεντήκοντ' ἐπὶ σκαλιῶν πλάτας  
 ἔχοντας, ἐκ δεσμῶν δὲ τοὺς νεανίας  
 ἐλευθέρους πρόμνηθεν ἐστῶτας νεῶς.  
 1350 κοντοῖς δὲ προῦραν εἶχον, οἱ δ' ἐπωτίδων  
 ἄγκυραν ἐξανήπτου, οἱ δὲ κλιμακας  
 σπεύδοντες ἦγον διὰ χειρῶν προμνήθια,  
 πόντω δὲ δόντες τὴν ξένην καθίσσαν.

Gravissima duo vitia νεῶν 1349 et ἀγκύρας 1351 jam dudum ab omnibus remota sunt. Eo gravior de ceteris difficultatibus lis agitur. Ac primum quidem jure offenderunt in v. 1346 et propter adjectivum κατήρει, pro quo Bothius κατήρη Marklandus κατήρες conjecit, et propter cumulatam absolutae notionis νεῶς σκάφος appositionem. Sed hic quidem rem profligavit Hermannus, qui unus optime perspexit doctissimeque demonstravit hunc versum prorsus immutatum infra ante versum 1395 ponendum esse hoc modo emendatum:

δεινὸς γὰρ ἐλθὼν ἄνεμος ἐξαίφνης νεῶς  
ταρβῶ κατήρει πύλον ἐπερωμένον  
ᾧθει παλιμπρομνηδόν.

Res tam in propatulo sita est, ut profecto indigneris praeter unum Hartungum, apud quem hic quidem veritatis vis Hermanni odium superavit, ceteros omnes frugibus repertis aut glandes retinere aut adeo «nova monstra» procreare maluisse. Neque enim mitiore nomine appellanda sunt Schoenii atque Kvíčalac commenta, quorum ille ἄνεμος ἐξαίφνης νεῶς ᾧθει πάλιν προύμνησιν scripsit, hic vero ἄνεμος ἐξαίφνης τέως ᾧθει παλιμπρομνησίοι δ' ἐκατέρουν!

Deinde quod nuntius vidisse se dicit τοὺς νεανίας — προύμνηθεν ἐστῶτας νεῶς, hoc nihil aliud significare potest, quam quod jam antiquiores interpretes posuerunt: in puppi navis stantes. Quod sane fieri non potuisse ex narrationis tenore recte conclusit Marklandus, dummodo ne inauditam excogitasset hanc interpretationem: a puppi navis stantes scilicet in littore, quam interpretationem fideliter repetere quam aliam circumspicere solutionem recentiores maluerunt. Atqui quid statuendum esset, non difficile erat perspicere comparanti quae statim sequuntur: κοιτοῖς δὲ προῶραν εἶχον. Ea enim verba, si grammatica tantummodo ratio spectetur, non posse ad alios quam ad juvenes modo memoratos referri tam apertum est, ut nemo de alia ratione cogitavisset, nisi non minus apertum esset Orestem et Pyladem non posse simul in litore stare atque proram contis retinere. Itaque Musgravius auctore ad unum omnes in hoc membro subaudiendum putaverunt οἱ μὲν, cui deinde opponeretur «notissimo more» οἱ δέ, ellipsin vero illam «non valde usitatam» excusare studuerunt ejusmodi locis (Hom. X 157, Eur. Hel. 1604 sq., Herc. fur. 636, Or. 1489), in quibus de subjecto, quod suppleatur, plane nulla esse potest dubitatio. Id hic quoque factum esse respicienti

apparebit ad antecedentis versus illam, de qua modo diximus, partem προύμνηθεν ἐστῶτας νεῶς, qua si olim non Orestes et Pylades in litore versantes sed nonnulli ex nautis in puppi stantes diserte designabantur, recte simplici δέ ad ceteros pergere poterat oppositam proram contis retinentes. Ante haec igitur verba et post eam, quae nunc ea praegreditur, vocem ἐλευθέρους lacuna est, qua plus etiam quam unius versus ambitum haustum esse patet ex iis, quae statim inde a v. 1354 de famulorum dictis factisque narrantur, quibus illi δόλια τεχνήματα a se conspecta impedire conantur. Horum vero de iis, quae in litore agitantur, hodie quidem nihil aliud refertur, nisi duos juvenes vinculis solutos adstitisse, nullo de sacerdotis atque statuac conditione verbo addito, quam et ipsam diserte explicatam fuisse v. 1358 sqq. apertissime producit:

τίνοι νόμοι (sic recte Nauckius pro λόγῳ) πορθυμένε  
κλέπτοντες ἐκ γῆς ξόανα καὶ θυηπόλους;  
τίνος τίς ᾧν ἐν τήνδ' ἀπεμπολῆς χθονός;

Sed plus etiam difficultatis interpretibus v. 1351—1353 facessiverunt, in quibus nec constructio κλίμακας σπεύδοντες facilem certamque admittit interpretationem, et scalarum atque retinaculorum conjuncta tractatio quomodo cogitari possit nemo adhuc dixit, et πόντω δὲ δόντες cum a participio aoristi sequente καθέσαν tum a totius membri sententia summam habet obscuritatem. Unum tantum ex his tot tantisque scrupulis exemit Seidlerus pro τὴν ξένην scribendo τοῖν ξένοι, quod omnes post eum receperunt editores Klotzio excepto, qui injuria Musgravianum τῆ ξένη praetulit. Cetera incommoda qui auferret, inventus est nemo, quamquam et emendando et interpretando satis audaces fuerunt, ex quibus Musgravius tantum atque Seidlerum commemorare placet, quorum ille ἦγον διὰ χειρῶν προύμνης τ' ἄπο πόντου διδόντος τῆ ξένη καθέσαν scripsit, hic vero locum ita explicavit: «alii propere applicabant scalas simulque retinacula (e navi) per manus ducebant, eaque in mare projecta hospitibus demittebant, scilicet ut horum ope navem propius ad littus attraherent eamque fixam tenerent, ut mulier commode posset ascendere.» Laudandus quidem est Seidlerus, quod adscriptis aliis locis (in primis Luciani Dial. mort. X, 17 et Polyaei IV. 6, 8) scalas atque retinacula accuratius definivit, sed retinaculis quem hic quidem adscribit usum, ut iis prehensis duo juvenes navem propius ad littus attrahant, eum nullo pacto fieri posse Hermannus evicit, qui iisdem locis usus certe, quid sit illud ἦγον διὰ χειρῶν προύμνησια, rectis-

sime demonstravit his: «solutos nautae rudentes per manus trahebant, quo eos in navi reponerent.» His igitur ita explanatis primo adspectu mireris, quod Hartungus mira rei nauticae ignorantia sibi persuasit scalas ex ipsis funibus festinanter connexas itaque adolescentibus projectas esse, quasi nec unaquaeque navis mobilem suam ἀποβάθραν habuisset e ligno factam et πρυμνήσια quilibet funes essent! Et tamen etiam Klotzius retinacula atque funes commiscuit: «nempe scalas», inquit, «non poterant demittere nisi per funes» (hoc quidem falsissimum!), «hinc scalarum demissio cum retinaculis per manus mittendis conjuncta hic est.» Nec felicius, qui suo jure Hartungi commentum exagitavit, Kvíčala p. 78 sq. rem gessit, cum ad κλίμακας ex antecedentibus supplet ἐξανήπτων — quod tum tantum ferri posset, si etiam scalae epotidibus alligatae essent —, deinde conjicit σπεύδων τις ἦγεν διὰ χειρῶν πρυμνήσια intolerabili asyndeto — quod ipse sensit insuper post κλίμακας versum excidisse in ὁ δὲ desinentem dubitanter suspicatus —, postremo v. 1353, quoniam «emendari nullo pacto possit», pro interpolato habendum pronuntiat. Verum hoc est desperare, quod domi pro lubitu facias, palam si exhibeas, nec rei opem nec tibi laudem afferas.

Unus Kirchhoffius bonam veri partem perspexit, cum permutatas verisum clausulas arbitratus «hanc correctionem proponit»:

ἄγκυραν ἐξανήπτων ἢ πρυμνήσια  
σπεύδοντες ἦγον διὰ χειρῶν καὶ κλίμακα  
πόντω διδόντες τοῖν ξένοι καθίσταν.

In quibus ultimum membrum, quod hodie male divulgum legitur, feliciter et conjunxit et emendavit restituto praeter participium praesentis etiam singulari κλίμακα: minores certe naves tantum una scala instructas fuisse et scriptorum loci et artificum imagines monstrant. Nec tamen cetera, de quibus supra monui, ille attigit et nova, quae displiceant, intulit ἦ et καί. Omnia contra, quae quidem restitui possunt, sana erunt, si locum hoc modo scripserimus:

1315 κἀνταῦθ' ὀρώμεν Ἑλλάδος νεὼς σκάφος  
1317 ναύτας τε πενήκοντ' ἐπὶ σκαλιῶν πλάτας  
ἔχοντας, ἐκ δεσμῶν δὲ τοὺς νεανίας  
ἐλευθέρους — — — —  
— — πρύμνηθεν ἐστῶτες νεὼς

1352 σπεύδοντες ἦγον διὰ χειρῶν πρυμνήσια,  
1350 κοντοῖς δὲ πρῶραν εἶχον, οἱ δ' ἐπατίδων  
ἄγκυραν ἐξανήπτων, οἱ δὲ κλίμακα  
1353 πόντω διδόντες τοῖν ξένοι καθίσταν.

Recte ex editionis suae consilio Kirchhoffius scripsit v. 1380:

κἀν τῷδε — δεινὸς γὰρ κλύδων ὤκειλε ναῦν  
πρὸς γῆν, φόβος δ' ἦν . . . τέρξαι πόδα.

Nam in archetypo lacunam fuisse e librorum scripturis prodit, ex quibus B φόβος δ' ἦν μὴ τέρξαι πόδα «habet spatio vacuo relicto, quod manus sec. explevit inserta voce ναύταις, unde sic Aldus, φόβος δ' ἦν ὥστε μὴ τέρξαι πόδα C misere interpolatus.» Miseram tamen interpolationem retinuerunt omnes et inauditum conjunctionum ὥστε μὴ usum argutiis excusantes et locutionem τέρξαι πόδα veli pede intellecto ad navem atque naufragium referentes! Cui sententiae defendendae quem locum adhibuerunt Orestis v. 706 sq.

καὶ ναῦς γὰρ ἐνταθεῖσα πρὸς βίαν ποδὶ  
ἔβαψεν, ἔστη δ' ἀΐθις, ἦν χαλᾶ πόδα,

ejus prorsus aliam rationem esse non opus est ut pluribus demonstraret. Duorum igitur vitiorum singula perspexerunt Kvíčala et Klotzius, quorum ille expuncto ὥστε inseruit νηὶ aliquantulum certe ignotam alioqui formulam illustraturus, hic vero ipsum hoc τέρξαι πόδα non posse ullo modo de naufragio intelligi demonstravit. Restabat igitur, ut lacuna probabiliter expleretur. Id fecit Badhamius interponendo παρθένω ante τέρξαι. Verum nec ipsum hic quidem placet vocabulum nec multo minus dativus: nam Iphigeniam expectaveris potius ita designari, ut simul mens et memoria revocetur ad simulacrum, quod ipsam suis ulnis gestasse ex v. 1123 sq. scimus, quam ob rem, ne ingressa in fluctus marinos litus inundantes pedem fingeret, non ipsius tantum sed omnium metus erat. Hinc non dubito, quin Euripides dederit: φόβος δ' ἦν ἱερὴν τέρξαι πόδα.

Difficillimus est locus, ita ut interpretes, quibus plurimum negotii facescivit, ne omnes quidem ejus difficultates adhuc perspexerint, qui legitur paullo post v. 1403—1405:

ναῦται δ' ἐπευφήμησαν εὐχαῖσιν κόρης



παιᾶνα, γυμνὰς ἐκ χειρῶν ἐπωμίδας  
κώπη προσαρμόσαντες ἐκ κελύσματος.

Ita quidem *B*, sed pro ἐκ χειρῶν habet *C* ἐκβαλόντες «turpiter interpolatus», inquit Kirchhoffius, paullo calidius, opinor. Illud vero explicare solus Kvřčala sustinuit «scilicet peculiari brachylogia» dictum pro: ἐκ τοῦ χέρας κώπη προσαρμόσαι ἐπωμίδας κώπη προσαρμόσαντες, ferri non posse ceteri interpretes viderunt omnes. Ex quibus Marklandus allato Ionis loco v. 1208 sq. γυμνὰ δ' ἐκ πέπλων μέλη ὑπὲρ τραπέζης ἢ ἄ ὁ μαντευτὸς γόνος pro ἐκ χειρῶν conjecit ἐκ πέπλων, quod recepit Klotzius, quamvis jam Seidlerus monuisset, ἐπωμίδα non esse lacertum, sed secundum Pollucem II, 133 κλειδῶν τὸ πρὸς ὠμοπλάτας sive 137 τὸ ὑπερέχον τοῦ βραχίονος. Erraverunt igitur etiam Polluce teste, qui ἐπωμίδας ipsos humeros intelligerent, ut et Schoenius, qui γυμνὰς τ' ἐξέβαλον ἐπωμίδας, et Nauckius, qui εὐχερῶς pro ἐκ χειρῶν scripsit, videturque omnino ἐπωμίδας certe apud hosce poetas non corporis illam, sed vestis eam partem denotasse, «quae», ut Hermanni verbis utar, «in humero est partemque vestis, qua pectus tegitur, cum illa, quae in dorso est, conjungit.» Ita ipse Euripides in celebratissimo Hecubae loco v. 558 sqq.

λαβοῦσα πέπλους ἐξ ἄκρας ἐπωμίδος  
ἔρηξε λαρόνας εἰς μέσας παρ' ὀμφαλόν,  
μαστούς τ' ἔδειξε στέφρα θ' ὡς ἀγάματος  
κάλλιστα.

Nec aliter Chaeremon consimili Oenei loco de Bacchis ap. Athen. XIII, p. 608 B (Nauck. p. 610):

ἔκειτο δ' ἢ μὲν λευκὸν εἰς σελινόφως  
φαίνουσα μαστὸν λελυμένης ἐπωμίδος,

et Apollod. Caryst. ap. Meinek. 4, 110 — τὴν ἐπωμίδα

πτύξας διπλὴν ἄνωθεν ἐνεκομβωσάμην,

postremo Plutarch. in Eum. 7 περιφορηγνύντες ἐκ τῶν ἐπωμίδων τοὺς θώρακας. In quibus locis omnibus apparet non de peculiari quodam mulierum vestimento cogitandum esse, quamquam non negaverim ejusmodi quid recte indicatum esse a Polluce VII, 49: καὶ ἴδια δὲ γυναικῶν ἐπωμίδας etc. Deae Modae enim innumeros foetus quis aut noverit aut nominaverit!

Rectius igitur, qui Plutarchi locum primus attulit, Musgravius scripsit γυμνὰς ἐξ ἐπωμίδων χέρας, quod haud improbable sane primo aspectu

receperunt Seidlerus atque Hermannus, hic etiam contra Matthiaei dubitationem vindicare sibi visus eo, quod «χέρας saepe non solas manus sed brachia significare» monuit. Quae res utrum successerit criticorum principi necne, facile intelliget quicumque alterius adnotationem accuratius pensitaverit: «At num ἐπωμίδας statim attingunt χεῖρες, ut nihil inter ἐπωμίδα et χεῖρα interjectum sit? Tum χεῖρας γυμνὰς eos habuisse, facile credimus etiam non moniti; dicendum erat γυμνὰς ὀλένας vel γυμνοὺς βραχίονας.» Imo verissime hic, sed addi etiam poterat hic quidem χεῖρας proprio sensu intelligendas esse propter sequentia κώπη προσαρμόσαντες, quippe cum manus non brachia remorum manubriis applicentur. Nec minus recte idem alteram scripturam ἐκβαλόντες, quam explicationis causa ad προσαρμόσαντες adscriptum esse nemo Seidlerus credit, amplexus est γυμνὰς ἐκβαλόντες ὀλένας scribendo, qua scriptura cum veri partem repperisset, ipse tamen jure dubitabundus adscripsit: «At unde ἐπωμίδας exortum dicas?» Et magis etiam de sua conjectura dubitaturum fuisse prudentem editorem arbitror, si eam cum sequente versu componere haud oblitus esset: duo enim participia γυμνὰς ἐκβαλόντες ὀλένας κώπη προσαρμόσαντες quomodo nulla interposita copula juxta poni potuerint, nemo facile dixerit. Sensit hoc Hartungus, qui Matthiaei atque Musgravii commentis conjunctis γυμνὰς ὀλένας ἐπωμίδων scripsit, feliciter profecto, quamquam ei quoque illud ἐκβαλόντες merito dubitationem movit, quod ex ὀλένας corruptum esse satis improbabiler demonstrare studet. Et obstat utriusque commento idem, quod modo memoravi, non brachia sed manus remis injici.

Verum hoc ipsum nos eo ducit, unde certissima petenda est medicina desperato loco, in quo plura etiam, quam quae adhuc offenderunt, laborare ipse narrationis ordo docet, ad quem nemo interpretum attendit. Nam quid, quaeso, hoc est, quod nautae virginis precibus pacana acclamasse dicuntur, postquam manus remis injecerint ex celeusmate? Num tandem remis incumbere cessaverunt remiges, quos et voce illa excitatos statim aequora pulsasse v. 1390 sq. et contra ventum repente obortum strenue remigando pugnasse v. 1395 sq. modo audivimus? Et, si quidem illi a remigando cessaverunt, cujus rei in tanto periculo importunissimae nec mentionem nec causam videmus, cur pacana tum demum insonuerunt, postquam ad vehementissimum redierunt remigandi laborem, quo ipso labore et vocum concentum probe modulandum praepediri et manus ex sollemni ritu ad cae-

lum tollendas occupari necesse erat? Imo hunc ipsum morem etiam a nautis extrema necessitate oppressis observatum et remigandi laborem, dum paean Iphigeniae precibus accineretur, paullulum intermissum tum vero novis viribus receptum esse ut jam per se patet ita etiam ex discrepantis scripturae vestigiis apparet. Quis enim semel monitus dubitet, quin Euripidis locus non solum corruptus sed etiam mutilatus olim hoc fere modo scriptus fuerit:

ναῦται δ' ἐπευφήμησαν εὐχαῖσιν κόρης  
παιᾶνα, γυμνὸς ὠλένας ἐπωμίδων  
[πρὸς αἰθέρα] ἐκβαλόντες, [εἴτ' αὖθις] χέρας  
κάπη προσαρμόσαντες ἐκ κελύσματος  
[παλιρροίοισιν ἀντέτεινον κύμασιν.]

De usu verbi ἐκβάλλειν bene jam adscripsit Schoenius Herc. fur. 933 ὄξας τ' ἐν ὄσοις αἰματώπας ἐκβαλόν. Et cfr. Or. 527 ἐξέβαλλε τὸν μαστὸν ἰκετεύουσά σε. Ad rem propius accedit Hel. 1095 αἰτούμεθ' ὄρθας ὠλένας πρὸς οὐρανὸν ὄπιτονθ', ἴν' οἰκῆς —, nec dissimile est quod supra Iphigenia dixit v. 362 ὄσας γενείου χεῖρας ἐξηκόντισα, quod ipsum verbum ad vehementem pedum motum transtulit nuntius in Bacch. 664 sq. αἰ τῆσδε γῆς — κῶλον ἐξηκόντισαν. Alia sciens praetereo.

## INDEX LECTIONUM

IN

## LITERARUM UNIVERSITATE TURICENSI

INDE

A DIE XIV. MENSIS APRILIS

USQUE

AD DIEM XVII. MENSIS AUGUSTI MDCCCLXI

HABENDARUM.

IN EST

EMENDATIONUM IN EURIPIDIS IPHIGENIAM TAURICAM

PARS III.

TURICI.

EX OFFICINA ZÜRCHERI ET FURRERI

1861.

Jam ad carmina chorica transeo nec libenter nec confidenter. Ea enim cum ita et corrupta et mutilata ad nos pervenerint, ut nec tenacissima quidem traditae scripturae superstitio mutationum conjecturarumque abnuere queat pericula, his tamen, etiamsi summa diligentia instituantur tot egregiorum virorum acumine adjuta, plerumque non altius emergi potest, nisi ut quae desiderentur sententiae, probabiliter indagetur, sed, eae quibus expressae fuerint verbis, in obscuro maneat. Verum enim vero cum tragoediae editio perpetuo commentario adornanda mihi sit, etiam ad hanc mihi progrediendum fuit provinciam, quam administrare jam animus est hoc modo, ut non eos tantum locos, in quibus novi quid meo jure intulisse mihi videor, recenseam atque pertractem — qua adhuc usus sum ratione —, sed ut, tota carmina quemadmodum ex mea quidem sententia optime restitui possint, notatis etiam aliorum, quae mihi quidem probantur, emendationibus breviter indicem. Ceterarum vero magnam conjecturarum nubem consulto praetermisi, quas si omnes enumerare studuissem, migrare multum coactus essem hujus libelli fines, quem quasi comitem scholasticae editioni ut initio destinaui ita etiam nunc habeo habendumque volo. Quare etiam, quae in commentariis meis interpretando vindicavi, hic iterum tractare nolui.

Initium igitur facio statim a primo carmine v. 123—235, quod «ex corruptissimis esse et difficillimis» jam olim Seidlerus verissime pronuntiavit: dubitatur enim non solum de singulis ejus quibusdam verbis versibusque, sed etiam de majorum ejus partium et tota sententia et Chorum inter atque Iphigeniam distributione; postremo metrum spondaico-anapaesticum, quamquam est ex simplicissimis, habet tamen et ipsum in primis a variante versuum longitudine quasdam difficultates, quas olim auxerunt Seidlerus atque Hermannus eo, quod partium quarundam responsione decepti totum carmen in strophas atque antistrophas cogere sagaciter quidem sed frustra studuerunt. Sed ab hoc quidem conatu postquam ipse postea Hermannus in editione et se et alios revocavit, jure recentiores abstiterunt omnes, nec quisquam ad pristinum errorem rediit, qui diversum singularum partium argumentum perpenderit. Sed restant bene multa, de quibus explicatius dicendum sit.

Ac primum quidem cum Aldina ipsum initium v. 123—136 Iphigeniae tribuisset — nam de codicum *BC* auctoritate hic ut alibi non satis constat —, primus Tyrwhittus contineri iis vidit Chori parodum, eumque ducem secuti sunt ceteri omnes praeter unum Seidlerum, qui cum inprimis propter voces *πόδα παρθένιον* hanc orationem Choro abjudicandam putaret constanti scilicet ex mulieribus, quibus liberi tribuantur infra v. 1071 et quae v. 1144 virgines se adhuc esse ipsae negent, rem jam ab aliis rectius judicatam nuper Kvíčala p. 22 sq. et 64 sq. profligavit ita, ut nihil dubitationis relinquatur et de his verbis Choro adsignandis et de Choro e solis virginibus composito. Ex qua disputatione unum hic attulisse satis est, quod jam Dindorfius perspexit versum illum

*μητρός πατρός τε καὶ τέκνων ὄψιν κρυεῖ*

ineptum esse τῶν ἐν δόμοισι φιλάτων interpretamentum. De altero vero versu postea dicetur.

Sed in ea Chori parodo leve primum est, quod v. 128, cum non satis simpliciter apposita quadrare videantur verba *αὐλάν, εὐστύλων νάων θριγυούς*, scripto *κεῖ εὐστύλων* copula addenda videtur. Gravius est, quod v. 130

*πόδα παρθένιον ὄσιον ὄσιος,*

si pro paroemiaco habeatur, «inelegantissimos numeros» habere jam olim Seidlerus monuit, nec quin corruptus sit nuper dubitavit Rossbachius in libri, quem cum Westphalio de re metrica scripsit, vol. III. p. 125 sq. Sed incerta medicina. Seidlerus quidem de transponendo cogitabat

*ὄσιος ὄσιον πόδα παρθένιον,*

in qua verborum collocatione genitivus initio positus atque a suo nomine male divolsus placere non potest. Sed displicet etiam cum in hac scriptura tum in volgata epithetorum ad *πόδα* adjectorum duplicatio, quae idem fere significare verba *ὄσιος κληδούχον* docent. Evitatur id Hartungi commento, qui errore scilicet inductus jam a nobis remoto

*πόδα, παρθέν, ὄσιον ὄσιος,*

scripsit, ubi, etiamsi tripodiam anapaesticam feras, allocutio displicet post sollemnem illam

*ὦ παῖ τῆς Λατοῦς  
Λίπυνην οὐρέϊα*

inter alias voces denuo illata. Quare vide, an *παρθένιον* glossema sit et poeta simpliciter scripserit

*πόδ' ὄσιον ὄσιος.*

Ultimi versus in libris sic leguntur:

*ὦ παῖ τοῦ τῆς Τροίας πύργου  
ἐλθόντος κλεινῆ ὄν κώπη  
χιλιοναῦτα μυριοτεύχους  
Ἄτρειδῶν τῶν κλειῶν,*

in quibus et *μυριοτεύχους* vocem nihili esse et post eam certe metrum hiare jam Seidlerus intellexit, qui et *μυριοτευχοῦς* scripsit referendum ad τῶν ἐλθόντος et extremi versus initio τῶν reliquit, quod Aldina et altera cod. *B* manus obtulit. Ad genitivos vero τῶν Ἄτρειδῶν τῶν κλειῶν suppleri voluit ἐνός sive potius τοῦ ἐτέρου. Quod cum fieri non possit, Dindorfius et alii γένος Ἄτρειδῶν, Schoenius σπέρμ' Ἄτρειδῶν scripserunt, provocans hic ad Soph. Antíg. 931, quod miror probatum esse ab aliis: profecto enim res prorsus alia est, illic si de Orithyia dicatur ἡ δὲ σπέρμα μὲν ἀρχαιογόνων ἔντασ' Ἐρεχθιδῶν, hic vero si Iphigenia σπέρμ' Ἄτρειδῶν appelletur, quasi vero Atreus non ipsius avus sed totius generis auctor fuisset. Multo rectius igitur Hermannus, qui simul huic Chori ad Iphigeniam allocutioni v. 137—142 respondere perspexit Orestis invocationem ab Iphigenia pronuntiatam v. 170—177, totum versum excidisse monuit talem fere:

*χιλιοναῦτα μυριοτευχοῦς  
στρατιᾶς ταγοῦ τοῦ πρεσβυγενοῦς  
τῶν Ἄτρειδῶν τῶν κλειῶν.*

Unum est, quod in mutilato loco certa sententia definiri nequit, an potius unum substantivum κώπη duo habuerit epitheta *χιλιοναῦτα μυριοτευχεῖ*, quod auctore Barnesio nuper Klotzius recepit. Facile enim potius tale quid sequi poterat:

*μεγάλου βασιλέως τοῦ πρεσβυγενοῦς.*

Contra quod Schoenius dedit *χιλιοναῦτα μυριοτευχοῦς*, id ut ad ἐλθόντος referretur, sine dubio rejiciendum fuit, quom constans poetae usus cum κώπη juncturam postulet: cfr. Androm. 106 ὁ χιλιόναυς Ἑλλάδος ὀκνῶν Ἄρης, Or. 352 de Menelao ὦ χιλιόναυ στρατὸν ὀρμήσας εἰς γῆν Ἀσίαν, Rhés. 261 de ipso Agamemnone ὅς ἐς γῆν Τροῖαν χιλιόναυ ἦλθ' ἔχων στρατείαν.

Iphigeniam v. 143 dipodia ἰὼ δμωαί respondendi initium facere, cum in libris ὦ δμωαί legatur cum *δυσθρηνήτοις* in tetrapodiam conjunctum, post Seidlerum et Hermannum omnes intellexerunt. Tum haec libri praebent:

δυσθρηνήτοις ὡς θρήνοις ἔγκειμαι  
τᾶς οὐκ εὐμούσου μολπᾶς βοᾶν  
ἀλύροις ἐλέγοις.

Quorum corruptela aequae aperta atque emendatio, cum innumerabilia tentari possint, incerta est. Sed quam plerique receperunt Heathii conjecturam *μολπαῖσι βοᾶς*, ea quidem ferri nequit et propter dativum importune genitivis interpositum et propter juncturam *οὐκ εὐμούσου βοᾶς*, qua quaesitum acumen tollitur in librorum scriptura *τᾶς οὐκ εὐμούσου μολπᾶς* non minus conspicuum quam in illo Phoen. 807 de Sphingis carmine: *ἀμουσοτάταισι σὺν ῥῥαῖς*. Propter easdem causas etiam audacius Schoenii conamen *ἔγκειμαι ἰεῖδ' οὐκ εὐμούσον μολπαῖσι βοᾶν* rejiciendum est, quamquam perse haud displicet participium simili in loco Hel. 188 *νόμον ἰεῖσα γοερόν* oblatum, quo recepto multo probabilius tentare posses *ἔγκειμαι ἰεῖδ' οὐκ εὐμούσον μολπᾶς ἰαχάν*, ita ut hujus vocis *βοᾶν*, quod ipsum in cod. *B* legitur, glossema fuerit. Verum alio ducit etymologica oppositorum ratio, quam cum modo in *δυσθρηνήτοις θρήνοις* habuerimus, eam etiam sequentibus applicatum fuisse verisimile est, ut Euripides scripsisse videatur *τᾶς οὐκ εὐμούσου μούσας μολπαῖς ἀλύροις ἐλέγοις*. Adjuvatur hoc cum iis, quae infra legimus v. 183, tum aliis quibusdam exemplis, ut Hel. 184 *οἰκτρὸν ὕμαδον ἔκλυον ἄλυρον ἔλεγον*, Phoen. 1028 *ἄλυρον ἀμφὶ μούσαν*. ibid. 784 sqq.

ὦ πολύμοχθος Ἄρης, τί ποθ' αἵματι  
καὶ θανάτῳ κατέχει Βρομίον παράμουςος ἑορταῖς:  
οὐκ ἐπὶ καλλιγόροις στεφάνοισι νεάνιδος ἔρας  
βόστρυχον ἀμπετάσας λατοῦ κατὰ πνεύματα μέλπει  
μούσαν. ἐν ᾧ χάριτες χοροποιοί.

In sequentibus omnes pro *οἰκτοῖσιν* recte *οἰκτοῖς* receperunt metro postulatum, sed male nonnulli pro nominativo *κατακλαιόμενα* ad *ἔγκειμαι* referendo dativum receperunt male de causa luctus intellecto *αἷ μοι συμβαίνουσ' ἔται*, quo membro potius *κηδεῖοι οἰκτοῖ* ut calamitates scelerum culpa contractae describuntur.

Tum v. 150

*ζωᾶς, οἶαν ἰδόμαν ὄψιν ὀνειρώων*

simul cum metro sententia claudicat. Illi tantum succurrerunt Seidlerus atque Hermannus, quorum ille *ὀνειρώων* deleri jussit prorsus necessarium ad somnii mentionem ignaro choro faciendam, hic *οἶαν* duplicavit, quod proban-

dum esset, nisi postularet aliam sibi vocem *ζωᾶς* genitivus, quem non posse ita jungi cum *σύγγονον ἀμὸν κατακλαιόμενα*, id ut significet luctum de fratris morte susceptum, recte monuit Hartungus, modo ne propter hanc ipsam causam cum Elmslejo *ζωᾶς* delendum putasset, quo deleto, quid de fratris sorte ex somnii viso conjecerit, Iphigenia prorsus reticeret. Et propter eandem jam causam etiam rejiciendum esset, quod nuper Kvíčala p. 24 conjecit *σύγγονον ἀμὸν κατακλαιόμεναι αἰάξουσ'*, si quidem hoc metri gratia ferri posset. Suo hic quidem acumine gaudere sinimus Witzschelium *σύγγονον ἀμὸν ζωᾶς* jungentem scilicet meae vitae agnatum! Ne multa: recte sine dubie vidit Schoenius post *ζωᾶς* participium quale est *ἀπλακόνθ'* excidisse, ita ut Iphigenia fratrem se lugere dicat vita privatum.

Ipsam Iphigeniae querelam v. 152—155 recte addito uno *μοι* Hermannus distinxit hoc modo:

ὀλόμαν, ὀλόμαν·  
οὐκ εἶδ' οἴκοι πατρῶοι·  
οἴμοι μοι, φροῦδος γέννα·  
φεῦ φεῦ τῶν Ἄργει μόχθων.

Sequente versu, quo libationi praefatur Iphigenia, cum in codicibus vitiose legatur *ἰὼ δαίμων*, ὃς τὸν —, optionem habemus, utrum cum Hermanno *ἰὼ δαίμων*, ὃς τὸν — an cum Fixio deletis postremis vocabulis *ἰὼ δαίμων* scribamus. Posterius cum Hartungo praetulerim etiam propterea, quod in hac quidem cantici parte v. 156—169 non tam daemon fatalis invocatur quam libationis mixtura atque ratio explicatur.

Sed ei mixturae quamquam satis copiosae tamen insuper etiam aquam additam fuisse jam mira illa docet v. 162 locutio

*πηγᾶς τ' οὐρείων ἐκ μόσχων.*

qua lactis notionem apte enuntiari nemo demonstraverit. Sensit hoc incommodum sed tollere nescivit Kirchhoffius conjiciendo *γαίας ἐννοσίους πηγᾶς οὐρείων τ' ἐκ μόσχων*, quod quibus prematur difficultatibus, dicere nihil attinet. Alio ducit ille Aeschyli Persarum locus, quem ab Euripide imitando expressum esse et eadem liquorum copia et similis verborum delectus docet v. 606 sqq., ubi Atossa dicit:

τοιγὰρ κέλευθον τήνδ' ἄνευ τ' ὀχημάτων  
χλιδῆς τε τῆς πάροιθεν ἐκ δόμων πάλιν  
ἔστειλα παιδὸς πατρὶ προεμνεῖς χοῶς

φέρουσ', ἄπερ νεκροῖσι μελικτήρια·  
 βοός τ' ἀφ' ἀγνῆς λευκὸν εὔποτον γάλα,  
 τῆς τ' ἀνθεμουργοῦ στάγμα, παμφαῆς μέλι,  
 λιβάσιν ὑδροηλαῖς παρθένου πηγῆς μέτα,  
 ἀκῆρατόν τε μητρὸς ἀγρίας ἄπο  
 ποτὸν παλαιᾶς ἀμπέλου γάνος τόδε,

quibus oleum insuper atque florea sarta adjiciuntur. Patet ex his v. 162 conflatum esse ex duobus, qui primitus hoc fere modo scripti fuerint:

πηγάς [θ' ὑδάτων κρηναίων,  
 γάλα] τ' οὐρείων ἐκ μόσχων.

Postremo v. 176 pro librorum corruptela δοκίμα Porsoni inventum δοκίμασι recte Klotzius Hermanniano δοκίματα praetulit.

Sed plurimis difficultatibus ea premuntur, quae jam v. 179 sqq. leguntur. Quorum initium, quo Chorus v. 179—185 se Iphigeniae querelis respondurum esse promittit, omnium facillime et simplicissime, itaque, ut in re perquam incerta, optime constituit Hermannus Musgravius atque Marklandi emendationibus receptis:

ἀντιψάλμους ὠδὰς ὕμνον τ'  
 Ἄσπιδαν σοι, βάρβαρον ἰαχάν,  
 δέσποιν', ἐξανδάσω, τὰν ἐν  
 θρήνοις μοῦσαν νέκυσι μελομένην.  
 τὰν ἐν μολπαῖς Ἄιδας ὕμνῃ  
 δίχα παιάνων.

Unum corrigendum reliquerat ἰαχάν altero versu positum, pro quo Nauckius recte ἀχά» scripsit. Hic idem vero quod cum aliis sequente versu δεσποίνα γ' ἐξανδάσω retinuit, jure mirari subit, cum et particula γέ ut toties ita hic quoque inportunissime intrusa sit et herae diserta allocutio desideretur nec obscure turpem interpolationem indicet ipsa librorum scriptura, de qua hoc modo retulit Kirchhoffius: «δεσποίνα τ' ἐξανδάσω (sed litteris α τ' deletis a m. sec.) B δέσποιν' ἄγ' ἐξανδάσω C sec. Furiam, δεσποίνα γ' ἐξανδάσω sec. Victorium et app. Parr.» Tum quod post νέκυσι in libris legitur μέλειον recte in μελομένην mutatum esse locus, quo usi sunt, consimilis docet in Phoen. 1301 sqq. βοῶν βαρβάρων ἰαχάν στενακτὰν μελομένην νεκροῖς δάκρυσι θρηνήσω. Schoeniū quidem ex Alc. v. 453 τοῖαν ἔλιπε θανούσα μολπὰν με-

λέων ἀοιδοῖς hic quoque μελέων pro μέλειον scripsit, sed quis hanc ferat contortam synonymorum cumulationem: νέκυσι μελέων τὰν ἐν μολπαῖς Ἄιδας ὕμνῃ δίχα παιάνων hoc sensu: «den Trauergesang, welchen der Hades in Tönen von Liedern ohne Pānen für die Todten anstimmt.» Hoc recte qui improbat Kvíčala p. 25 haud melius profecto νέκυσι μεδέων scripsit, et verborum conjunctione non minus dura et ipsi mortuorum regi insolita cantoris provincia data, cum potius haec sit audacioris metaphorae sententia, funebrem Musam mortuis atque Orco propriam esse. Melius fecissent critici, si de verbis ἐν μολπαῖς amplius quaesivissent, quae quamquam intelligi possunt tamen haud injuria suspicionem Hartungo moverunt, ut ea cum antecedente τὰν ut dittographiam priorum τὰν ἐν θρήνοις tollenda judicaret atque ab his ipsis uno tenore omnia usque ad δίχα παιάνων dedderet:

— — — — τὰν ἐν  
 θρήνοις μοῦσαν, νέκυσι μελομένην,  
 Ἄιδας ὕμνῃ δίχα παιάνων.

Ferri hoc posse quis negaverit? Sed omnino in loco versamur, qui variis modis adornari possit. Licet igitur aliam apposuisse conjecturam. Vide enim, num Euripides dederit:

τὰν ἐν μολπαῖς μούναν μοῦσαν  
 νέκυσι μελομένην,  
 τὰν ἐν θρήνοις Ἄιδας ὕμνῃ  
 δίχα παιάνων.

Sollemnem θρήνων atque παιάνων oppositionem nemo ignorat, ut transpositio certe perquam probabilis videatur.

Sed hi versus, quomocumque scribuntur, tamen nec qualem sententiam habeant nec a quo recitati sint, in obscuro situm est. Multo peior est sequentium inde a v. 186 conditio, ubi non solum de singulorum verborum et scriptura et interpretatione magna est controversia, sed etiam utrum Choro an Iphigeniae adscribendi sint, adhuc ambigitur. Libri quidem quae sequuntur omnia Iphigeniae tribuunt, sed editores inde ab Elmslejo et Hermannō v. 186—202 οἱμοι — ἐπὶ σοι δαίμων Choro reliquerunt, cui Iphigeniam inde a v. 203 ἐξ ἀρχᾶς μοι etc. respondentem faciunt, postquam jam Musgravius, quoniam «quod promisisset Chorus, se lamentis dominae ἀντιψάλμους ὠδὰς redditurum, nuspiam praestiterit,» certe verba οἱμοι, τῶν Ἀτρειδῶν δόμων ἔρρει φῶς (sic libri!) σκήπτρων eidem adsignavit. Contradixit his

nuper Kvíčala p. 25 sq. etiam aliis interdum locis promisso ejusmodi Chorum non stare ratus. Quod quamquam Klotzio persuasit, horum tamen locorum longe alia est ratio. Nam in Aeschyli Persis v. 898 sqq. quam promittit Chorus *κακοφάτιδα βοάν*, ea dubitari non potest quin contineri putanda sit repetito fortasse *οιοιοῖ* lamento, quo percontationi de singulorum ducum sorte praeferatur v. 916 et 928, quamquam hanc ipsam percontationem interruptorum lamentorum causam esse non minus sonticam quivis concedet quam Creontis adventum in Phoen. v. 1307, quo animadverso Chorus se ab incepta jam naenia ipse revocat disertis verbis:

*ἀλλὰ γὰρ Κρέοντα λεύσω τόνδε δεῦρο συννεφῆ  
πρὸς δόμους στείχοντα, παύσω τοὺς παρεστῶτας γόους.*

In Sophoclis Trachiniis verò cum Chorus v. 210 sq. verbis

*ὁμοῦ δὲ παιᾶνα, παιᾶνα  
ἀνάγει ὦ πάροθενοι*

paenam indicavit, hunc ipsum sollemni epiphonemate *ἰὼ, ἰὼ παιᾶν* v. 221 contineri non est quod ambigas. Longe alia est nostri loci ratio, ubi, si librorum auctoritatem sequaris, post indicatam et descriptam sex versibus cantus funebri responsionem ipsa Iphigenia v. 186—191 earum, quas supra jam v. 152—155 effudit, querelarum et verbis et sententia simillimas repetit. Hoc vero absonum esse imo hanc ipsam repetitionem a Choro necessario pronuntiarum tam aperte primo ejus verbo *ἀντιψάλμους ᾠδὰς* indicatur, ut ad hanc quidem rem conficiendam ne Hesychiana quidem glossa opus sit: *ἀντιψάλμους· ἀντιστροφούς. Εὐριπίδης Ἰφιγενεία τῇ ἐν Ταύροις.* Cui glossae, qua ad demonstrandam totius parodi strophicam rationem olim abusi sunt, quamquam certe non hoc inest, quod illi voluerunt, potest tamen inesse indicium Chori naeniam accurate istis Iphigeniae querelis respondisse, cujus rei etiam signa habemus in iisdem verbis repetitis *οἶμοι, Ἄργει, μόχθων*, ut de *πατροφῶν οἴκων* taceamus, quod Kvíčala perperam pro argumento habuit haec ab Iphigenia cantata esse, quamquam et Hermannus et Hartungus suo quisque modo hunc scrupulum exemerant, ille *τῶν σῶν* praemittendo, hic verba ut ex v. 154 desumpta delendo. Neutrum sine probabilitate, ut in tanta responsionis incertitudine, quid verum sit, discerni nequeat.

Incertainior etiam est sequentis membri emendatio, quod in libris ita legitur:

*τὶν' ἐκ τῶν εὐόλων Ἄργει  
βασιλέων ἀρχά,*

ubi quod Hermannus scripsit *τὶς ἔτ' ἐκ* importune interrogationem infert ab ejusmodi exclamationibus alienam, Badhamianum vero *τίνος ἐκ*, quod recepit Klotzius, me non intelligere fateor. Proxime ad litterarum ductum accedit neque a sensu abhorret, quod olim Musgravius conjectum postea rejecit, nuper Hartungus de prosodia securus pro *τίν' ἐκ* intulit, *φθίνει*. Sed in eo nec praesens placet imperfecto adjunctum amatque in his ejusdem vocis repetitionem Euripides, ut, verbum si posuisset, idem quod antecedente versu posuisset, *ἔρρει*. Quod cum nimis a litterarum vestigiis recedat, in editione reposui *οὐκέτι τῶν εὐόλων*, quod certe Euripideum esse cum alii loci evincunt, tum Andromachae v. 1222 sq.

*οὐκέτι ἔστι μοι πόλις,  
σκηπτρά τ' ἔρρει τῶν τάδε.*

Postrema verba

*μόχθος δ' ἐκ μόχθων ἕσσει*

praeter Seidlerum nemo editorum sollicitavit, tantum de eo, utrum cum sequentibus arcte jungenda an plena distinctione ab iis separanda essent, dissenserunt. Mihi quidem, quin postrema ratio unice vera sit, prorsus indubium videtur et propter absolutum vibrantis sententiae orbem et propter scabrae contortamque constructionem, quae ortura est, si illud *μόχθος δ' ἐκ μόχθων ἕσσει* cum dativis *δινενοῦσσις ἵπποις* et quaecumque iis adhaerent conglutinetur, postremo etiam propter accuratam antistrophici versus responsionem

*φεῦ φεῦ τῶν Ἄργει μόχθων.*

Nam, uti jam dixi, mihi quidem et propter *ἀντιψάλμους ᾠδὰς* diserte nominatas et propter argumenti verborumque similitudinem perquam probabile videtur Iphigeniae querelis Choricam naeniam ad verbum olim respondisse. Sed hoc suspicari licet, restituere non licet nisi ludendo.

Venio ad sequentia, de quibus dici non potest quantae controversiae agitatae sint a criticis. Ex quibus hic quidem unus Hartungus optime monstravit eo, quod aliorum Euripidis locorum eundem de solis conversione atque aureo agno invento mythum tractantium diligentiorum quam ceteri rationem habuit. Ab his igitur locis, ut in lubrica via certum nobis paremus solum, nos quoque exordiamur. Quoniam autem ut alii poëtae, ita etiam Euripides easdem in diversis tragoediis fabulas diverso modo tractavit, commode accidit, quod in hac ipsa tragoedia infra v. 812 sqq. Orestes, ut se sorori fratrem esse comprobet, easdem illas communis gentis antiquitates commemorat:

- OP. Ἀτρείως Θυέστου τ' οἶσθα γενομένην ἔριν;  
 IΦ. ἤκουσα, χρυσῆς ἀρνὸς ἤνικ' ἦν πέρι.  
 OP. ταῦτ' οὖν ὑφῆρασ' οἶσθ' ἐν εὐπῆνοις ὑφαῖς;  
 IΦ. ὦ φίλτατ', ἐγγὺς τῶν ἐμῶν κάμπταις φρενῶν.  
 OP. εἰκώ τ' ἐν ἰστοῖς ἡλίου μετάστασιν;  
 IΦ. ὕφηναι καὶ τόδ' εἶδος εὐμίτοις πλοκαῖς.

Totum adscripsi locum, ex quo appareret arctissime fatale fratrum de aureo agno certamen eum solis conversione conjunctum fuisse. Tractantur tum hae res, quae Euripidi propriae fuisse videntur, pluribus Orestis et Electrae locis, quos locos, quoniam non solum scholiastae sed etiam recentiores interpretes aliena quamquam Euripidea et ipsa scilicet ex Cressis sive Thyeste petita admiscuerunt, paulo accuratius excutere placet, ut, quae in nostro Chorico poetae mens fuerit, emendaturo interpreti pateat. Initium facimus ab Orestis prologo, in quo v. 14 sq. Electra haec refert de Atreo:

ὧ στέμματα ξήνας' ἐπέκλωσεν θεὰ  
 ἔριν, Θυέστη πόλεμον ὄντι συγγόνῳ  
 θέσθαι· τί τάρρητ' ἀναμετρούσασθαι με δεῖ;  
 ἔδαισε δ' οὖν νῦν τέκν' ἀποκτείνας Ἀτρεύς.

Quae recte hoc modo interpretati sunt: cui stamina nens dea adsignavit certamen, ut bellum Thyesti quamvis fratri inferret, cum jam scholiastae insolita vocis στέμματα, pro qua fortasse νήματα scribendum, significatione permoti θεὰ Ἐρις scriberent locumque ita explicarent: ὧ τὴν βασιλείαν περιποιησαμένη ἢ θεὰ Ἐρις ἐπέκλωσε πόλεμον Θυέστη θέσθαι, a quibus scripturam mutuatus Hartungus, vulgarem verborum στέμματα ξήναςα dum retinet sententiam, Eridem nobis propinat fatalia stamina nentem, scilicet quia Euripides Parcas hoc munere fungentes ignoraverit, quas quivis ex Homero suo novit: Μοῖρα κραιαῖη — γεινομένην ἐπένησε λίνῳ Ω 209, Λῖσα κατακλώθεις τε βαρεῖαι γεινομένην νήσαντο λίνῳ η 197! Contra quod certamen Parca Atreo et Thyesti adsignaverit, ex iis intelligere licet, quae infra v. 807 sqq. Chorus de fatalibus malis Tantalidum domum vastantibus conqueritur:

ὁ μέγας ὄλβος ἄ τ' ἀρετὰ  
 μέγα φρονοῦσ' ἀν' Ἑλλάδα καὶ  
 παρὰ Σιμωντίους ὀχετοῖς  
 810 πάλιν ἀνήλθ' ἐξ εὐτυχίας Ἀτρείδαις  
 πάλιν παλαιᾶς ἐπὶ συμφορᾶς δόμων,

ὁπότε χρυσείας ἔρις ἀρνὸς  
 ἤλυθε Τανταλίδαις,  
 οἰκτρότατα θοινάματα καὶ  
 815 σφάγια γενναίων τεκνῶν,  
 ὄθεν φόνῳ φόνος ἐξαμεί-  
 βων δι' αἵματος οὐ προλεί-  
 πει δισσοῖσιν Ἀτρείδαις.

V. 811 volgo quidem legitur πάλαι παλαιᾶς ἀπὸ συμφορᾶς δόμων, sed pro postremis restituendum esse, quod supra posui, ex uno scholiastarum post Hermannum Hartungus demonstravit, qui primus insuper πάλιν scripsit. Tum aliquid vitii subesse in v. 813 et antistrophica

θανάτου γὰρ ἀμφὶ φόβῳ

et scholiorum notationes — ἐκείνη γὰρ ἡ ἔρις ἢ περὶ τοῦ χρυσομαλλοῦ ἀρνοῦ εἰργάσατο ἔλεεινὰ βρώματα et ἦτις αὐτοῖς προὔξενισε — τῶν οἰκτροτάτων παίδων — indicare videntur, sed medicina incertissima, nec ea utrum strophicis an antistrophicis applicanda sit, certo pronuntiarī potest. Nobis quidem, quomodocunque scribitur, res eodem redit: certamen illud inter fratres de aureo agno agitatum non solum nefandarum epularum sed omnium omnino mutuarum caedium in Tantalidum domo causam et initium fuisse certissime edocemur. Sed id ipsum arietis portentum unde oriundum fuerit, sequente ipsa Electra declarat cantico, quo postquam optavit ut coram Tantalō gentis auctore lamentari sibi liceret, ita pergit v. 986 sqq.

ὅς ἔτεκεν ἔτεκε γενέτορας ἐμέθεν δόμων,  
 οἱ κατεῖδον ἄτας,  
 ποτανὸν μὲν δίωγμα πάλων  
 τεθριπποβάμονι στόλῳ Πέλοψ ὅτε  
 990 πελάγεσι διεδίφρευσε, Μυρτίλου φόνον  
 δικῶν ἐς οἶδμα πόντου  
 — — — — —  
 995 ὄθεν δόμοισι τοῖς ἐμοῖς  
 ἦλθ' ἀρὰ πολύστονος,  
 λόχενμα ποιμνίοισι Μαιάδος τόκου,  
 τὸ χρυσόμαλλον ἀρνὸς ὁπότε  
 ἐγένετο τέρας ὀλοῦν ὀλοῦν  
 1000 Ἀτρείος ἵπποβότα·



ὄθεν ἔρις τό τε πτερωτὸν  
ἀλίου μετέβαλεν ἄρμα,  
τὰν πρὸς ἐσπέραν κέλευθον  
οὐρανοῦ προσαρμόσασα  
μονόπωλον ἐς ἅω,

1005 ἑπταπόρον τε δρόμημα Πελειάδος  
εἰς ὁδὸν ἄλλαν Ζεὺς μεταβάλλει,  
τῶνδ' ἑὶ ἀμείβει θανάτους θανάτων  
τά τ' ἐπάνωμα δαίτνα Θυέστου  
λέκτρα τε Κρήσας Ἀερόπας δολί-  
1010 ας δολίοισι γάμοις, τὰ πανύστατα δ'  
εἰς ἐμὲ καὶ γενέταν ἐμὸν ἦλυθε  
δόμων πολυστόνοις ἀνάγκαις.

A Mercurio igitur, cujus filius Myrtilus a Pelope olim in mare praecipitatus esset, aureus ille agnus Atrei gregibus immissus est, de quo ut de regni fatali signo cum certamen eum inter atque fratrem Thyestem ortum esset nefandis sceleribus ut adulterae Aëropae perfidia atque Thyesteorum puerorum mac-tatione conspicuum, Jovis numine solis currus retro cessit ab occidente ad orientem conversus nec Pleiades suum cursum tenuerunt, ad indicandam scilicet perpetuam malorum seriem tunc postremo in ipsam Electram ejusque patrem ingruentium.

Accuratius etiam haec carmine exponuntur, quod Chorus in Electra v. 699 sqq. canit. Ibi postquam aurei agni prodigium a Pane Mercurii filio gregibus immissum praeconis elogio atque totius populi choreis sacrificiisque exceptum narravit, ita pergit de Thyeste agni raptore v. 720 sqq.:

720 κρυφαῖς γὰρ εἰναῖς  
πίσας ἄλοχον φίλαν  
Ἀτρείως τέρας ἐκκομίζει πρὸς  
δάματα· νεόμενος δ' εἰς ἀγρόρους ἀντεῖ  
τὰν κερύεσσαν ἔ-

725 χεῖν χρυσομαλλὸν κατὰ δῶμα ποιίμαν.  
τότε δὴ τότε φαεινὰς  
ἄστρον μετέβασ' ὁδοῦς  
Ζεὺς καὶ φέγγος ἀελίου  
λευκὸν τε πρόσωπον αὐτοῦ,

quae solis siderumque conversio quemnam effectum in plagarum tempera-tura habuerit, pluribus persecutus postremo v. 737 sqq. haec addit:

λέγεται, τὰν δὲ πίστιν  
σμικρὰν παρ' ἔμοιγ' ἔχει,  
στρέψαι θεομὰν ἀέλιον  
740 χρυσοπὸν ἔδραν ἀλλάξαν-  
τα δυστυχίᾳ βροτείῳ  
θείας (sic!) ἔνεκεν δίκας.

Patet igitur etiam ex h. l. illam solis conversionem et statim post aurei agni immissionem certamenque ejus gratia exortum et divinae vindictae in mortales exercendae causa factam esse.

Consulto haec omnia transscripsi, quoniam plurimum faciunt ad eum Iphigeniae locum, a quo progressi sumus, recte et intelligendum et consti-tuendum. Hoc igitur jam agamus. Ac primum quidem patet *δινευούσαις ἵπποις πιναῖς* equos designari non Pelopis sive Oenomao sive Myrtilo fatales, quae adeo Hermanni atque Schoenii fuit sententia, sed ipsius Solis, qui in Orphico hymno, quem recte in eam rem jam Musgravius attulit, audit

ἑόμβον ἀπειρεσίου δινεύμασιν οἶμον ἐλαύνων.

Id epitheton quomodo in Pelopis equos, quibus Myrtilum in mare praecipitaverit, quadrari possit, nemo demonstrare poterit. Una, qua de illis equis intelligatur, restat ratio ea, quam indicavit sed ipse rejecit Hermannus, ut cum Pausania VI, 20 de certamine cogitemus inter Pelopem atque Oenomaum in ipso Olympiacae hippodromo instituto. Sed profecto quam vitiosam multis nominibus tum nanciscamur orationem, vide: *μόχθος δ' ἐκ μόχθων ἕσσει δινευούσαις ἵπποις πιναῖς· ἀλλάξας δ' ἐξ ἔδρας* et quae sequuntur. Primum equi commemorantur tamquam omnium calamitatum fons, nescimus qui et qua ratione, quod longe aliter est in illo quem supra adscripsi Orestis loco et in consimili Sophocleo Electrae v. 504 sqq.

ὦ Πέλοπος ἂ πρόσθεν  
505 πολύπονος ἵππεῖα,  
ὡς ἔμολες αἰανὴ  
τῆδε γὰρ·  
εὔτε γὰρ ὁ ποντισθεὶς  
Μυρτίλος ἐκοιμάθη

510 παγχρυσέων δίφρων  
 δυστάνοις αικίαις  
 πρόρριζος ἐκρυφθείς,  
 οὐ τί πω  
 ἔλιπεν ἐκ τοῦδ' οἴκου  
 515 πολυπάμονας αἰκία.

Deinde nota illa solis conversio adnectitur, nescimus, quo jure, quom eam nec ad Oenomai nec ad Myrtili caedes a Pelope perpetratas, sed potius ad arietis aurei Atreo et Thyesti fatalis tempora pertinuisse et ceteri loci doceant et hic ipse sequentibus verbis quamvis mutilatis haud obscure indicet. Solem vero non tantum oculorum aciem πανδεκία sed ipsum radiantem currum scilicet alatis equis junctum ἐξ ἔδρας h. e. e consueto cursu avertisse cum haec ipsa locutio docet ex Electrae v. 740, cui concinit Herod. VII, 37 ab Hartungo allatus: ὠρμημένω δὲ οἱ ὁ ἥλιος ἐκλιπὼν τὴν ἐκ τοῦ οὐρανοῦ ἔδρην ἀφανῆς ἦν, pro Aldinae ἐξέδρασ — nam de ipsis libris non constat! — certissime reposita, tum illi iidem loci modo adscripti. Unde nemo non videt equos supra dominoque jugoque carentes Soli aurigae ejusque non oculo sed currui adjungendos esse, quem currum facile revehemus suo splendore ornatum, si pro ἱερὸν ὄμ' ἀγᾶς etiam metrum pervertente rescripserimus ἱερᾶν ἄρμ' ἀγᾶν. Tum sequentia ἄλλοις δ' ἄλλα προσέβα longe aliter, atque adhuc factum est, tractanda esse itidem ex locis supra adscriptis apparet, ut solus jam perspexit Hartungus, qui, cum ceteri omnes Seidlerum secuti mutato ἄλλοις in ἄλλαις contenti fuissent, quo posito aureus aries «belli illa teterrima causa» male tamquam aliarum calamitatum appendix designaretur, verissime ἄλλα προσέβαλεν scripsit, expuncto ἄλλοις, quod haud improbabiler pro dittographia antecedentis ΑΙΙΟΣ habet, nisi forte ortum est ex ἄλλοσε, quae aut glossa fuit aut varietas genuini ἄλλα. Eo pejus idem criticus in postremis lapsus est, quae ὀδύνα dativo posito ita interpretari sustinuit, ut ille ipse scilicet causae dativus a μετέβαλε, ἀρνός vero genitivus ab ἄλλα penderet:

«Und wandte des heiligen Strahls Blick  
 Verschwindend hinweg

Aus Schmerz vom goldenen Lamm im Palast.»

Refutare haec eo minus opus est, quoniam hic quoque loci modo adscripti, quomodo probabili nonnullarum syllabarum supplemento aurei arietis adventus

cum solis conversione jungendus sit, satis aperte produnt. Ne multa, totus locus, donec meliores libri detegantur, hac facillima ratione restitui et potest et debet:

δινευούσαις  
 ἵπποις πταναῖς ἀλλάξας  
 ἐξ ἔδρας ἱερᾶν ἄρμ' ἀγᾶν  
 ἥλιος ἄλλα προσέβαλεν, ὅτ' ἔβα  
 χρυσείας ἀρνός μελάθροισ ὀδύνα,  
 φόνος ἐπὶ φόνω, ἄχεά τ' ἄχεσον.

Postremum versum male pro spurio habet Hartungus, cum is versus prorsus quidem necessarius cum ipsius agni commemoratione malorum inde oriundorum molem statim eodem modo conjungat atque in chorico Orestis cantico factum est supra p. 13 adscripto:

ὅποτε χρυσείας ἕρις ἀρνός  
 ἦλυθε Τανταλίδαις,  
 οἰκτρότατα θουάματα καὶ  
 σφάγια γενναίων τεκέων.

Cum iis vero, quibus modo p. 14 Electram querelas suas concludentem legimus, quam accurate consentiant quae hic sequuntur, vide:

ἔνθεν τῶν πρόσθεν δμαθέντων  
 Τανταλιδᾶν ἐκβαίνει ποινά γ'  
 εἰς οἶκους· σπύδει δ' ἀσπούδαστ'  
 ἐπὶ σοι δαίμων.

Inde igitur, h. e. ex ista scelerum calamitatumque serie, Tantalidum olim peremptorum vindex poena domum invadit, quibus verbis ipsam, in qua sola totus hic locus versatur, Orestis mortem indicari cum apertum sit, ut in altero loco Electra patrem memorat, mirum profecto est, quod nec ille aeque diserte memoratur atque in altero loco ab Electra pater, et statim, ut quidem volunt, Chorus ad Iphigeniam convertitur verbis ejusmodi, quae huic quidem haud satis, optime vero Oresti convenire immatura nece abrepto recte demonstravit Kvíčala p. 27. Jam si meminimus in libris omnia inde a v. 186 Iphigeniae, non Choro tribui, illius personam non post XVI. demum sed jam post VI. versus ante δινευούσαις reducendam esse eo certius pronuntiabimus, quoniam Choro quidem, quem querela v. 186—191 profusa promisso suo satisfacisse supra vidimus, quom

nec ex Argivis solummodo compositus sit mulieribus et famularum non amicarum munere fungatur, multo minus conveniat scelerum poenarumque in Tantalidum domo vices et accurate scire et aperte memorare, quam ipsi Iphigeniae haec omnia postremo primum ad Orestis mortem tum ad suam sortem referenti eodem plane modo, quo eadem supra Electram vidimus cum suis atque paternis casibus jungentem.

Quod si verum est, in *ποινα γ'*, quod Badhamus in *ποινα μ'* mutabat, importuna particula in copulam mutanda eademque haec post *σπεύδει* pro adversativa conjunctione inferenda erit, ut extrema addito ipsius fratris nomine ita scripserit Euripides:

ἔνθεν τῶν πρόσθεν διαθέντων  
 Τανταλιδᾶν ἐκβαίνει ποίνα τ'  
 εἰς οἴκους, σπεύδει τ' ἀσπούδαστ',  
 ἐπὶ σοὶ δαίμων [φίλ' Ὀρέστα].

Nunc demum Iphigenia pluribus demonstravit, quod v. 147 sq.

ἔξ ἐν κηδεῖσις οἴκοις,  
 αἷ μοι συμβαίνουσ' ἔται

eam breviter indicasse supra p. 6 vidimus!

Respirare nobis videmur, cum ex hisce tenebris in postremam hujus cantici partem emergimus. Quae quamquam et ipsa locos controversos haud paucos continet, hi tamen nec nimia sensus certe obscuritate laborant et partim saltem ab interpretibus expediti sunt. Ita statim initio quin v. 206 pro librorum scriptura *λοχείαν* recte Hermannus *λόχιαι* scripserit a Schoenio et Nauckio receptum, dubitari nequit; recte etiam v. 208

ἃ μναστευθεῖς' ἐξ Ἑλλάνων

alieno loco positum et animadvertit et suo loco post v. 220

ἄγαμος, ἄτεκνος, ἄπολις, ἄφιλος

reddidit Scaliger, cui adstipulati sunt plerique nec debebat obloqui Klotzius, qui cum versus tradita in sede relictum cum sequentibus junxit et ad Clytaemnestram retulit a multis Graecis in connubium expetitam, non cogitavit hoc quidem nec inesse posse in verbis *ἃ μναστευθεῖς' ἐξ Ἑλλάνων* et, si posset inesse, Clytaemnestrae ut *πολυμνήστης βασιλείας* — si quidem unquam fuit, quod Klotzius ex Orestis v. 20 sq. conclusit, non certa fabula demonstravit — mentionem ab h. l. ad Iphigeniam omnia referente omnino alienam esse et perquam importune vero relativi membri initio

ἂν πρωτόγονον θάλος ἐν θαλάμοις  
 Αἴδας ἃ τλάμων κούρα

praetrudi, qua scilicet amplissima subjecti notatione media quasi dividitur «fortissima Tyndaridarum!» Sed id ipsum quomodo de Iphigenia dicatur, monendum est Hartungi gratia, qui post eum, de quo agimus, versus excidisse alterum suspicatus est, quo diceretur Iphigenia a primis omnium Graecorum heroibus in connubium expetita. Multum ille fallitur: hoc enim nec alibi usquam traditur et ab ipsa hic Iphigenia diserte negatur, dum se appellat

νύμφαν, οἷμοι, δύσνυμφον  
 τῷ τᾶς Νηρέως κούρας.

Potius huic se quasi totius exercitus auctoritate et voluntate uxorem expetitam esse dicit, quod jure faciat, ex Iphig. Aulid. v. 98 sqq. intelligere licet, ubi ipse Agamemnon refert:

— — — κἂν δέλτον πυχᾶϊς  
 γράψας ἔπεμψα πρὸς δάμαρτα τὴν ἐμὴν  
 πέμπειν Ἀχιλλεῖ θυγατέρ' ὡς γαμουμένην,  
 τό τ' ἄξιωμα τάνδρὸς ἐγκρανοῦμενος,  
 συμπλεῖν τ' Ἀχαιοῖς οὔνεκ' οὐ θέλοι λέγων,  
 εἰ μὴ παρ' ἡμῶν εἴσιν εἰς Φθίαν λέχος·  
 πεῖθ' ὃ γὰρ εἶχον τήνδε πρὸς δάμαρτ' ἐμὴν,  
 ψευδῆ συνάψας ἀμφὶ παρθένου γάμον.

Ita si ille versus intelligitur, jam majore etiam alterum, qui antecedit, veritate ei oppositum esse patet:

ἄγαμος ἄτεκνος ἄπολις ἄφιλος.

Recte etiam in sequentibus v. 215 Cantero auctore Schoenius Nauckius Hartungus *ἐπιβᾶσαν* scripserunt pro librorum scriptura *ἐπέβασαν*, quam retinuisse Hermannum et Klotzium — illum quidem *εὔτ'* ante, hunc vero *δ'* post *εὐκταίαν* addentem — paullulum mireris, cum et activus ille aoristi primi usus a tragicorum consuetudine abhorreat et miram eo nanciscamur de dolosis paranympheis notationem, quasi ii curru advectam sponsam Aulidis harenac imposuerint, quemadmodum Ulixes in Homero, quem Klotzius adduxit, loco η 223 ad Phaeaces conversus precatur:

ὣς κ' ἐμὲ τὸν δύστηνον ἐμῆς ἐπιβήσετε πάτρης.

Ceterum Hermannum maxime id movisse videtur, quod sane in v. 205 syllaba desideratur, quae cum varie suppleri possit, mihi quidem maxime probabile videtur Euripidem scripsisse:

καὶ θῦμ' οὐκ εὐγάθητον  
ἔτεκεν ἔτρεφεν εὐκταίον, τὰν  
ἱππίοις ἐν δίφροισιν  
ψαμάθων Ἀυλίδος ἐπιβάσαν  
νύμφαν, οἴμοι, δύσνυμφον  
τῷ τᾶς Νηρηίδος κούρω.

Ita enim ultima scribenda censeo, cum in libris *νύμφαιον* et *Νηρείως κούρας* legatur. Et illud quidem jam Scaliger correxerat, cum Musgravius *νυμφεῖόν γ'* conjiceret, quod a quibusdam etiam ab Hermanno adoptatum video, perperam: nam nec particula placere potest et, num *νυμφεῖον* singulari numero de ipsa sponsa dictum fuerit, magnopere dubito. Alia enim in ejusmodi vocibus pluralis est ratio, ut in Soph. Ant. 568 *πενεῖς νυμφεῖα*, in Eurip. Troad. 252 *σκότια νυμφευτήρια* et Andr. 1273 *γενναῖα συγχοιμήματα*.

Postrema vero propterea mutavi, quod saepissime quidem omissum patris matrisve nomen, numquam tamen omissum vidi ibi, ubi qui ex ea ellipsi pendet genitivus inutiliter circumlocutione continetur. Ita h. l. nec in *τῷ τᾶς Νηρηίδος* offenderem nec in *τῷ τᾶς Νηρείως κούρας κούρω*. Quod ipsum si quis nostro loco inserere voluerit, recte jam monuit Hermannus, si praecedens versus admissio *νύμφαν* catalecticis sit, hunc quoque eo metro esse debere. Sed eadem de causa a nobis admitti nequit, quod Hermannus recepto *νυμφεῖόν γ'* admittere poterat,

τῷ τᾶς Νηρείως κούρας, αἰαί,

hic quidem adnexa particula, quae in libris sequenti versui praemittitur, sed optime profecto cum Seidlero inter praeteritae atque praesentis vitae descriptionem a metro separata interponitur. Nostrae conjecturae etiam ceteri Euripidis loci, in quibus Achilles a matre denominatur, conveniunt ut *Νηρηίδος παῖς* infra v. 537, Iph. Aul. 819, 836 — *γένος* in Iphig. Aul. 626, et — *τέκνον* ibid. 896. Nec aliter Theonoa in Hel. v. 318 *τῆς ποτιᾶς Νηρηίδος* et ibid. 1646 *θεᾶς Νηρηίδος ἔκγονος κόρη* appellatur. Eo facilius autem *Νηρηίδος κούρω* intrusa prioris vocis glossa *Νηρείως κούρας* exturbari poterat, quoniam et sollemnis haec est omnium Nereidum et haud rara ipsius Thetidis denominatio: vid. Eurip. Androm. 1224. Iph. Aul. 701.

Sed insuper quaedam emendanda restant, de quibus jam dicendum. Ac primum quidem v. 208 ab Euripide hoc modo scriptum arbitror

Μοῖραί μοι συντείνουσι θεαί,

quo pronomine et metri scabrities abstergitur et relativum, quod sequitur, membrum commodius introducitur.

Tum v. 219 recte offendit Hartungus in voce *δυσχόροτος* nec alibi obvia et miro modo cum *οἴκος* conjuncta. Seidlerus, «*οἴκος δυσχόροτος*», inquit, «interpretor steriles, omnis amoenitatis expertes.» Hoc si fieri posset, ne aedes quidem, sed tantum campi ita dicerentur, verum nec fieri potest: *δυσχόροτος*, si ex usu Euripideo explicatur, quo *χόροτος* equorum pabulum denotat Alc. 495 et Rhés. 771 et in Cycl. 507 a Polyphemo comica translatione — *χόροτος εὐφρων* — ad suum cibum transfertur, nihil aliud significare potest nisi: pabuli inopia aut mala conditione laborans, sin Homericis exemplo *Α* 774 et *Ω* 640 *ἀλλῆς ἐν χόρω* vel *χόροισι*, quod secutus Euripides supra v. 134 *χόρων εὐδένδρων* de arbustis dixit septo cinctis, intelligitur, aedes significat malo septo sive stabulo instructas. Sive hac sive illa ratione interpretamur, vaccae tum non virginis nomine et sensu conqueri sacerdotem rustice sed haud injuria monuit Hartungus. Ipse quod scripsit *δυσχαρίτους*, et a forma aliquid offensionis habet nec quod sententiam attinet dubitatione caret. Propius accederet probumque sensum praeberet *δυσχάροτος*, quamquam nec hoc alibi invenitur. Ne multa: Euripides hic quoque consuetum *συγχοροτος* scripsit, quod Aeschylus Suppl. 6 *χθόνα σύγχοροτον Συρία* dativo, Euripides Herc. fur. 371 *σύγχοροτοί δ' Ὀμόλες Ἴναυλοι* et Androm. 16 sq. *Φθίας δὲ τῆσδε καὶ πόλεως Φαρσαλλίας σύγχοροτα πεδία ναῖω* genitivo junxit.

Frustra denique defendere et explicare studuerunt haec v. 224 sqq.

αἰμόρραντον δυσφόρμιγγα  
ξείνων αἰμάσσουσ' ἄταν βωμούς,

ubi aliquid peccatum esse jam metrum ostendit una duabusve syllabis oneratum. Quo minus enim cum libris, quos Hermannus alii que secuti sunt, *βωμούς* ad sequentia trahamus, trium qui sequuntur versuum absoluta cum metro sententia

οἰκτρὸν τ' αἰαζόντων ἀδᾶν  
οἰκτρὸν τ' ἐβαλλόντων δάκρνον·  
καὶ νῦν κείνων μὲν μοι λάθα,

tam aperte clamat, ut de horum quidem mutanda distinctione hodie neminem amplius cogitaturum arbitrer. Nec minorem dubitationem illa verbi *αἰμάσσειν* cum duplici accusativo *ξείνων ἄταν* et *βωμούς* conjunctio facit, ad quam firmandam quae allata sunt exempla quantopere differant, non latuit Seidlerum cate haec adnotantem: «nostri loci difficultatem auget minus usitatus verborum ordo. Praecedere enim debebat *βωμούς*, postponi *ἄταν*.» Scilicet cum suis epithetis! Unum adscribere sufficit in re aperta locum simillimum ex Oreste v. 960 sqq.

κατάρχομαι στεναγμόν, ὦ Πελασγία,  
τιθεῖσα λευκὸν ὄνυχά διὰ παρηγίδων,  
αἱματηρὸν ἄταν.

Itaque suo profecto jure Hartungus *βωμούς* delevit scilicet a quodam interpolatore profectum, qui insolitum illud sed aliis locis ut Phoen. 1299 *πέσσα δάι' — αἰμάξετον*, Ion. 168 sq. *αἰμάξεις τὰς καλλιφθόγγους φῶδας*, El. 573 sq. *οὐλὴν — ἡμάχθη* satis defensum *αἰμάσσειν* ἄταν repositis simul dativis hoc modo emendare studuerit: *δυσφόρμιγγι ξείνων αἰμάσσειν ἄτα βωμούς*.

Et accedunt alia, quamquam a nemine dum animadversa. Ac primum quidem, qui non solum tragicorum sed omnium poëtarum constantem usum bene noverit, non poterit non in vitiosa ejusdem etymi repetitione — *αἰμόρραντον αἰμάσσειν* ἄταν — offendere, pro qua poëta *αἰμόρραντον φοινίσσειν* ἄταν certissime scripsisset, quam repetitionem minime mitiges redeundo ad librorum scripturam *αἰμορράντων*, quam cum accusativo commutandam esse jam Canterus olim intellexit. Et nimium profecto hic est profusi sanguinis, ut fere in lepido illo insulsi cujusdam antiquarum tragoediarum simii cantico, quo homo ignavus sic a sanguinario socio increpatur:

«So vergossest du nie Blut Blut Blut Blut,  
Und säbeltest nur  
Der Gefallenen stumme Gebeine!»

Verum Iphigenia sua manu sanguinem ipsa numquam profudit sed mactandos tantum sacra aqua adpersa initiari solet, quod ipsum, scilicet ne sanctissima virgo teterrimo sacrificio maculata introducatur, pluribus locis disertisque verbis inculcatur, ut statim initio v. 40

κατάρχομαι μὲν, σφάγια δ' ἄλλοισιν μέλει.  
v. 53 sq. κἀγὼ τέχνην τήνδ' ἦν ἔχω ξενοκτόνον  
τιμῶς ὑδραίνειν αὐτὸν ὡς θανούμενον.

Et cfr. 244 sq. 617—624. Eo minus igitur de se *αἰμάσσειν* ἄταν hic quoque dicere potuit, sed aliud potius ponere debuit verbum humectandi vel irrigandi notionem continens, quod ipsum *ὑδραίνουσ'* fuisse aliquis ex loco modo allato haud inepte conjiceret, nisi et additi vocabuli *βωμούς* ratio habenda esset et probabilius etiam foret verbum id fuisse ejusmodi, quod facile ab inepto glossatore per *αἰμάσσειν* explicari potuerit. Quae cum ita sint, mihi quidem Euripides scripsisse videtur:

ξείνων τέργγοισ' ἄταν βωμοῖς.

Postremo in v. 222 sqq.

τὸν δ' Ἄργει δμαθέντα κλαίω  
σύγγονον, ὃν ἔλιπον ἐπιμαστίδιον  
ἔτι βρέφος ἔτι νέον ἔτι θάλος

aliquid turbatum esse jam metrum clare indicat, cui nemo addita post *ἐπιμαστίδιον* particula *γέ* satis prospectum esse Schoenio crediderit. Nec quisquam Rossbachio Westphalioque fidem habebit, qui neglecto *σύγγονον* hunc incredibilem nobis l. c. p. 124 propinaverunt tetrametrum trochaicum:

ὃν ἔλιπον ἐπιμαστίδιον ἔ | τι βρέφος, ἔτι νέον, ἔτι θάλος  
~~~~~

Accedit, quod jam Seidlerus animadvertit probante Hermanno *νέον* a *θάλος* non disjungendum esse, quoniam nec hoc solum per se puerum infantem denotare potest et illud post *βρέφος*, quod multo significantius est, illatum mirifice languet. Recte etiam iidem ex consimili loco v. 819

τότε σε τότε' ἔτι βρέφος ἔλιπον ἀγκάλαι-  
σι νεαρὸν τροφῶν, νεαρὸν ἐν δόμοις,

qui, quomodocunque scribitur, initio particulas *τότε* et *ἔτι* conjunctas certissime habuit, hic quoque priorem inferendam esse viderunt. Sed cetera quomodo adornanda sint, in diversorum remediorum multitudine difficile dictu est. Et Seidleri quidem ratio

τότ' ἔτι βρέφος, ἔτι νέον ἔτι θάλος ἐν  
χερσὶν ματρὸς πρὸς στέρνοισιν τ',

quibus prematur incommodis, optime explicuit Hermannus, qui quod ipse scripsit

κλαίω σύγγονον, ὃν ἔλιπον ἔτι βρέφος  
ἐπιμαστίδιον τότε, νέον ἔτι θάλος,

jam propter pravam antecedentium versuum distinctionem, de qua modo diximus, ferri nequit. Aut βρέφος pro glossemate vocis ἐπιμαστίδιος habendum est, quom etiam Aeschylus in Sept. v. 331 βλαχὰ δ' αἵματόεσσα τῶν ἐπιμαστίδιων hanc vocem substantivi vice usurpaverit, ut scribendum sit:

*σύγγονον, ὃν ἔλιπον*

*ἐπιμαστίδιον τότε, νέον ἔτι θάλος,*

aut e contrario plura etiam olim hic posita fuerunt, quod cum loco in Orestis illa pristina conditione luxurianti magis convenire videatur, supplementorum tamen licentia indubitata excludit emendationem. Ita haud inepte aliquis conjecerit Euripidem scripsisse:

*σύγγονον, ὃν ἔλιπον ἐπιμαστίδιον*

*τότε βρέφος ἔτι, τότε νεόγονον ἔτι θάλος.*

Sed collato v. 149 ut facillimum atque omni offensione vacuum restituendum duxi:

*σύγγονον ἄμῶν, τὸν ἔλιπον ἔτι βρέφος*

*ἐπιμαστίδιον τότε, νέον ἔτι θάλος.*

## INDEX LECTIONUM

IN

## LITERARUM UNIVERSITATE TURICENSI

INDE

A DIE XIV. MENSIS OCTOBRIS MDCCCLXI

USQUE

AD DIEM XVII. MENSIS MARTII MDCCCLXII

HABENDARUM.

IN EST

EMENDATIONUM IN EURIPIDIS IPHIGENIAM TAURICAM

PARS IV.

TURICI,

EX OFFICINA ZÜRCHERI ET FURRERI

1861.

Vitiorum, quibus scetet primum stasimum v. 392—455, majorem partem jam priorum editorum sustulit industria: eorum quae aut leviora sunt aut ita certa, ut ab omnibus deinceps recepta sint, denuo examinare nihil attinet, de his vero, quae aut dubitandi materiam praebent aut a me demum remota sunt, paucis dicendum videtur.

Et initio quidem cum Hermanno scribendum fuit

κνάειαι, κνάειαι σύνοδοι θαλάσσας,  
ἴν' οἶστρος ὁ ποτώμενος Ἀργόθεν  
ἄξενον ἐπ' οἶδμα διεπέρασεν Ἴοῦς,

ubi cum in *B* mutilato metro tantum *διεπέρασεν* extaret, defectum vario modo explere studuerunt. Quorum chororum *C* et Aldina ducunt exhibendo *διεπέρασέν ποτε*, quod vitiosum et ipsum cum ex aperta correctione profectum sit, nihil inde auctoritatis trahunt conjecturae litteris ejus additamenti accommodatae, quales fecerunt Schoenius *διεπέρασε πόντου* et Bergkiius *διεπέρασε πόρτιν* scribendo, sed alia circumspectanda sunt indicia, ex quibus quid ipse poeta dederit perspiciatur. Quorum primum eo continetur, quod Ionem aut nominari aut diserte innui necesse erat, quoniam *οἶστρος ὁ ποτώμενος Ἀργόθεν* sive proprio sive translato sensu intellegendus ad eam rem non sufficiebat. Rejiciendum igitur eam ob causam Schoenianum *πόντου* otiosum insuper propter antecedens *θαλάσσας*. Alia causa Bergkiano *πόρτιν* obstat, constans apud Euripidem verbi *διαπερᾶν* usus, quo illi per accusativum semper res ipsa, quae trajiciatur, additur, sive regio est, quam quis transeat aut permeet, ut infra v. 1392 *στόμια*, Troad. 1151 *Σκαμανθρίους ἰοάς*, Suppl. 117 *Ἑλλάδα*, sive vita ipsa, quam quis transigat, ut Herc. fur. 504 coll. ib. 830 *μόχθους*, sive corpus, quod telo transverberetur, ut Phoen. 1394 *κνήμην τε διεπέρασεν Ἀργεῖον δόρυ*, ubi male recentiores ex *A* *κνήμης* ediderunt. Sin vero *διαπερᾶν* ex prosaicorum consuetudine activo sensu cum accusativo personae jungeretur, quae alterius opera ex alio in alium locum transferretur, poterat id quidem de portitore dici Ionem «super alta celeri rate maria» trajiciente, nec vero de oestro stimulis eam incitante, ut ipsa fretum transnaret. Ita una restat certissima Erfurdii emendatio *διεπέρασεν Ἴοῦς* jam a

Seidlero Hermanno Dindorfio Hartungo recepta, quam a Kirchoffio in Ἰώ detortam esse mireris.

Deinde v. 399 insolentior formam *δονακόχλοα*, quam Musgravius ex Nicandro Ther. 676 *ἔγγλοα φλοίων* et 885 *ἔγγλοα ῥίξαν* adstruxit, cum Elmslejo in consuetam *δονακόχλοον* eo confidentius mutandam esse, quoniam eandem accurata antistrophae responsio reddi sibi postulet, recte jam observavit Hartungus. Nec hoc nec, quod deinde eundem Elmslejum aliosque secutus *ἔνθα κούρα | Δίε τέγγει | βωμοῦς καὶ περικίονας | ναοῦς αἶμα βρότειον* scripsi, quemquam improbatum arbitror.

Primae antistrophae initium volgo sic editur:

ἢ ῥοθίοις εἰλατίνοις δικροτόισι κόπαις  
ἔπλευσαν ἐπὶ πόντια κύματα  
νάιον ὄχημα λινοπόροισιν αὔραις,

levioribus mendis abstersis, cum in libris ἢ — *εἰλατίνοις* — *λινοπόροισ* legatur. Sed de gravioribus adhuc sub iudice lis est. Ac primum quidem jure jam priores editores in illo *ἔπλευσαν νάιον ὄχημα* offenderunt, quod frustra defendere studuerunt detorquendo aut verbi *ἔπλευσαν* aut nominis *ὄχημα* notionem. Et illam sane rationem, qua Reiskius olim *ἔπλευσαν* pro *πλεῖν ἐποίησαν* accepit hoc sensu «in cursum navalem adegerunt», nemo probavit, Hermanni vero opinionem *ὄχημα* vectionem significare putantis integram repetiit Schoenius, verborum ambagibus paullulum immutatam retinuit Klotzius *ὄχημα νάιον* non quidem «plane vectionem denotare», sed «vi ac potestate ita accedere ad nomen vecturae, ut fere ipsam navigandi actionem denotare videatur» miro quodam acumine demonstrans, cui intellegendo imparem me esse ingenue fateor. Recte igitur has machinas sprevit Kvičala p. 38 sq., qui tamen meliora ipse afferre non potuit: quis enim cum eo *νάιον ὄχημα* aut pro appositione habeat subjecti verbo *ἔπλευσαν* inclusi aut ad ipsum subjecti gradum efferat scribendo *ἔπλευσαν* vel adeo *ἔπλευσαν ἄρ'*, ad quod subjectum pluralis *αὔξοντες* ut appositio pertineat? Quale hoc loco verbum desideretur, perspexit Guilielmus Dindorfius, qui *πόρευσαν* scribendum esse censuit, quod quamquam et ipse olim mihi adnotavi, nunc tamen non magis placet, quam quod Rauchensteinius p. VIII. proponere videtur *ἔστειλαν*. Contra ab omni parte commendari videbatur ejusdem *ἔπεψαν*, quod idem postea invenit privatimque mecum communicavit. Itaque recepi.

Restat in hoc membro adjectivum *λινοπόροισ*, quod de ventis vela transeuntibus vel intrantibus itaque promoventibus intellegere solent, nova profecto mira que ratione. Nec ad defendendum aut explicandum illud adjectivum quidquam valere quas citant locutiones *πλάτας ναυσιπόρους* Iphig. Aul. 172 et *ναυπόρω ἄγειν πλάτη* Troad. 877 cuius patet. Itaque cum emendatio circumspecta sit, primum in disceptationem venit Musgravianum *λινοφόροισ*, quod tamen et exemplo caret nec satis apte formatum est. Nihil contra offensionis habet quod Rauchensteinius invenit *λινοτόνοισ*, quamquam et ipsum *ἄπαξ λεγόμενον* est. Unum tamen restat, de quo amplius dicendum sit. Metro tantum respecto cum fere *λινοπόροισιν αὔραις* edidissent, Marklandus primus copulam deesse conjungendam cum *κόπαις* suspicatus est, quem post editorem Cantabrigiensem secutus Rauchensteinius *λινοτόνοισί τ' αὔραις* scripsit. Mihi vero ventorum mentio non tam conjungenda cum remis, quam ab iis distinguenda esse videtur, ut hic quoque eandem praepositionem, quam infra v. 418 recte ex *C* receperunt *αὔραις ἐν Νοτίαις*, ab Euripide profectam arbitrer. Itaque *λινοτόνοισ ἐν αὔραις* scripsi.

In sequentibus

φίλα γὰρ ἐλπίς ἐγένετ' ἐπὶ πῆμασι βροτῶν  
ἄπληστος ἀνθρώποις

intolerabile esse *βροτῶν* Musgravius et Hartungus intellexerunt ceteris silentibus. Sed illorum remedia malo vix meliora: Musgravius *βιότων* legendum dicit, Hartungus vero deleto *βροτῶν* adeo *ἐλπίς ἐξάγονσ' ἐπὶ πῆμασιν* scripsit, ubi — ut cetera taceam — verbum finitum aegre desideratur. Latere in eo genitivo notionem apte cum *ἄπληστος* conjungendam vix dubium videtur, nec aliud ejus notionis vocabulum inveniri posse quam *πόρων* arbitror, quod, quamquam fere pedestris orationis esse solet, tamen ut hujuscemodi alia ab Euripidis usu non alienum fuisse docet illud Suppl. 977 *χημάτων δ' εἶσιν πόροι*, hic vero absolute poni post *φιλόπλουτον ἄμιλλαν* nemo, opinor, mirabitur.

Ad alteram stropham transeo. Ubi cum, quae v. 427 sqq. in *B* legitur scriptura, non congruat cum antistrophicis

|                       |                          |
|-----------------------|--------------------------|
| ὄπου πεντήκοντα κορῶν | ἐλιχθεῖσα λαιμοτόμῳ      |
| Νηρηίδων χοροὶ        | δεσποίνης χειρὶ θάνη     |
| μέλπουσιν ἐγκυκλίους  | ποινὰς δοῦσ' ἀντιπάλους, |

jam dudum Hermannus verum invenerat post *Νηρηίδων* (sic!) inserendo *ποσί*,



quod quam egregie etiam a sensu antistrophico *χερί* respondeat, neminem latet. Recentiores tamen recepto ex *C τῶν* ante *Νηρηίδων* metri vitium obiter obtegere, deinde autem *ἐγκυκλίους* aut cum Heathio in *ἐγκύκλιοι* mutare aut pejus etiam recepto ex Aldina — nam de *C* dubitatur — καὶ ante *πλησιστίοις* *πνοαῖς* cum his ipsis vocabulis conjungere maluerunt.

Sequentibus cum secundus ventus memoretur, quo juvante Graeca navis periculosum a Bosporo ad Tauricam usque iter confecerit, is ventus utrum Notus fuerit an Zephyrus, quodammodo dubitari eo minus potest, quoniam neuter eorum fuit sed potius is, qui mediam inter utrumque regionem tenet, quem ventum Africum dixere Latini. Id ipsum igitur ut debuit ita potuit indicari scribendo *αὔραις ἐν Νοτίαις καὶ πνεύμασι Ζεφύρου*.

In altera antistrophā magnopere offendit quod legitur v. 444 sqq.

— — ἴν' ἀμφὶ χαίταν  
 δρόσον αἵματηρὰν  
 ἐλιχθεῖσα λαιμοτόμῳ  
 δεσποίνης χερὶ θάνη.

Cum priores editores in Marklandi interpretatione acquievisent, qui participium *ἐλιχθεῖσα* (pro quo *ἐίλιχθεῖσα* habet *B*) «circumspersa» vertit, — ut etiam Schoenius hac nota adscripta: «*ἐλιχθ. vom Weihwasser umwunden, d. h. rings besprengt*»; — laudandi sunt Kirchhoffius et Nauckius, quorum ille «voce corruptam» esse pronuntiavit, hic notionem conspergendi requiri recte monuit. Kvičala tamen, ut fere solet, hic quoque p. 39 inauditae significationis tutelam suscepit his verbis: «*ἐίλισσεσθαι bedeutet auch zuweilen «umgeben, umringt werden», so Orest. 350 f. κύκλω γὰρ ἐίλιχθεῖσαν ἀθλίους κακοῖς οὐπόποτ' ἄλλην μᾶλλον εἶδον ἐστίαν. Es bedeutet an unserer Stelle nicht «bespritzt», sondern «rings herum mit einem Wasserstrahl (χρή) begossen»; das auf das Opfer ausgegossene Wasser bildete eine Kreislinie und darum ist ἐίλιχθεῖσα gerade sehr bezeichnend.*» Haec quam temere proposita sint, vide. Verbum *ἐίλισσειν* enim ut in solo Orestis loco solitam suam abjecerit significationem tantum abest ut translatum habeat eundem sensum, quo proprio ut alibi ita in Herc. fur. v. 926 sq. *ἐν κύκλω δ' ἤδη κανοῦν | εἴλικτο βωμοῦ* dictum est: domus intellegitur malorum tempestate vehementissime agitata et quasi in orbem jactata. Deinde etiamsi circumdandi sive circumveniendi notionem accipere illud verbum potuisset ita, ut *κύκλω ἐίλιχθεῖσα κακοῖς ἐστία* diceretur de domo undequaque malis cincta, inde

tamen minime efficeretur, ut recte diceretur *ἀμφὶ χαίταν δρόσον αἵματηρὰν ἐλιχθεῖσα* Helena ipsa, cujus scilicet circa comam in orbem circumfusa esset aqua lustralis! Et, ut a verbo ad rem transeamus, haec ipsa res, qualem luculenter nobis descripsit Kvičala, tam portentosa est, ut, ejus perficiendae si auctor ille periculum fecisset, intellexisset haud dubie ipse rem, quae fieri nequeat, verbis, quae eam significare nequeant, designari falso sese putasse. Suo jure igitur Rauchensteinus Nauckii desiderium amplexus p. IX *εὖ θανθεῖσα* coniecit, quamquam eum Euripidis manum non restituisse vel adverbium *εὖ* arguit, quod vir amicissimus acutius quam verius ita explicare studuit, ut eo doceri moneat «animos feminarum exacerbatos ultionisque sitientes cupere, ut Helena aqua funesta pro be conspergatur.» Nec alia conspergendi aut irrigandi verba ullis hic machinis inferri possunt, nisi unum illud, quod proprium est de hac re, *ἀγνισθεῖσα*. Id igitur quin scripserit Euripides, dubitari plane non potest: vid. infra v. 704 sq.

ἄγγελλε δ', ὡς ὄλωλ' ὑπ' Ἀργείας τινὸς  
 γυναικὸς ἀμφὶ βωμὸν ἀγνισθεῖς φόνω.

Et cfr. Alc. 74. sqq. ubi Thanatus dicit:

στείχω δ' ἐπ' αὐτήν, ὡς κατάρξωμαι ξίφει·  
 ἱερὸς γὰρ οὗτος τῶν κατὰ χθονὸς θεῶν,  
 ὅτου τόδ' ἔγγος κρατὸς ἀγνίσῃ τρίχα.

Similiter de sacra facturis dicitur El. 793 sq.

— — — ἡγνίσμεθα

λουτροῖσι καθαροῖς ποταμίων ῥείθρων ἄπο.

Utrum vero *ἀμφὶ χαίταν*, quod et Aldina habet et *C* habere putatur, an *ἀμφὶ χαίτα* secundum *B*, qui *ἀμφὶ χαίτα* praebet, scribendum sit, certo definiri nequit: equidem propter v. 622 *χαίτην ἀμφὶ σὴν χερνίφομαι* accusativum praetuli.

Venimus jam ad difficillimam hujus carminis clausulam, quae v. 452 sqq. in *B* sic legitur: *γὰρ οὐείρασι συμβαίην δόμοις πόλει τε πατρώα τεραπνῶν ὕμνων ἀπόλανσιν κόναν χάριν ὄλβα*. Ex his unum incertum est num legatur in codice *δόμοις*, quod sane habet *C*, sed illato propter metrum *οἴκοις* expulit Musurus. Deinde pro ultima voce *C ὄλβα* habet, qui an cum Aldina et initio *καὶ ante γάρ* addat et deinde *ἀπολαύειν* habeat pro *ἀπόλανσιν*, rursus nescitur! Quamquam quid praebet, non multum refert in tot tantisque difficultatibus. Quarum prima cum posita esset in «verbis nec sen-

tentiae nec metro aptis» *ὄνειρασι συμβαίην*, quae frustra conatus est defendere Seidlerus cum aliis, qui prorsus alieni sunt, locis tum Aristophaneo illo Ran. 807

*οὔτε γὰρ Ἀθηναίοισι συνέβαιν' Αἰσχύλος,*

Hermannus Euripidem scripsisse pronuntiavit καὶ γὰρ ὄνειροις ἐπιβαίην, quo chorum optantem fecerit, ut vel in somnis sibi videretur pedem ponere in patria. Eandem sententiam intulit Hartungus legendo καὶ γὰρ ὄνειροισί μοι εἴη ἔν δόμοις. Fortunatos profecto mortales, qui nunquam, Ovidianum illud —

«nescio, qua natale solum dulcedine cunctos  
ducit et immemores non sinit esse sui»

— quam vim habeat in exsulum animis, ipsi experti sunt! Scirent alioquin iis, qui sive caeca fatorum iniquitate sive maligno inimicorum odio per longam annorum seriem erepti sint *Γῆ μητρὶ, φιλικτῆ τροφῶ*, non necesse esse optare somnia vano dulcis imaginis blandimento in patriam ipsos reducentia, quippe quae optato frequentius iis superveniant acriores desiderii stimulos expergefactis relictura. Hermannus vero fausta haec ignoratio majori etiam fraudi fuit: ad somnia enim chori vota spectare cum semel sibi persuasisset, consequens erat, ut absurdum ei videretur optare eum esse in patria ut hymnos canat, quia non sequatur, ut, qui se in patria esse somniet, somniet etiam se canere. Hinc scripto *ὑπνων* pro *ὑμνων* hanc portentosam procedit sententiam: utinam vel somnio pedem ponam in domo et patria urbe, ut ex suavi somno communi cum felicibus fruar gaudio. Quam sententiam pluribus si refellerem, injuriam mihi inferre viderer summi viri Manibus, cujus pia numquam animo meo excidet memoria.

Quid potius necessario h. l. desideretur, unus optime perspexit Kvíčala p. 40 sq., qui *εἰ γὰρ ὄνειροι συμβαῖεν* scripto rectissime in universum haec interpretatus est ita: «*o wenn doch die Träume in Erfüllung gingen, auf dass ich in der Heimat der süßen Gesänge mich freuen könnte.*» Virginibus Graecis autem nihil in vita aut splendidius fuisse aut jucundius quam choreas ab ipsis saltando cantandoque in festis deorum diebus ductas itaque has potissimum delicias earum animis patriae desiderio sauciis obversari jam ante Kvíčalam recte notaverat Hartungus: neuter tamen memor fuit Euripidem ipsum infra v. 1143—1152 chorum fecisse idem hoc optatum pluribus etiam verbis repetentem. Verum, ut ad Kvíčalae conjec-

turam revertar, nec quomodo metro ea conveniat ostendit auctor, et aliud in sequentibus restat incommodum, quod Chorus domi ut pulchris hymnis fruatur optat, quos in publico cantatos esse inter omnes constat. Utrique malo satis probabili medicina mederi mihi videor emendando

*εἰ γὰρ ὄνειροις ἴσα συμ-  
βαίη μοι πόλι πατροφ-  
α τερπνῶν ὕμνων ἀπολαύ-  
ειν, κουνᾶν χάριν ἔλβου,*

quam scripturam pluribus in editione scholastica enarravi. De genetivo, quem pro dativo adscivi, nemo, opinor, erit qui adversetur.

V. 657 sqq. Chorus, postquam ex Pyladis responso v. 650 *ἄζηλά τοι φίλοισι θνησκόντων φίλων* cognovit eum ex amici morte multo plus doloris quam ex sua salute delectationis capere, jam ambiguum animi sensum prodit dicens:

*πότερος ὁ μέλλων;  
ἔτι γὰρ ἀμφίλογα δίδυμα μέμονε φρήν,  
σὲ πάρος ἢ σ' ἀνασθενάξω γόοις.*

Ubi ineptum esse illud *ὁ μέλλων*, quod intellegendo *διόλλυσθαι* ex antecedente versu 652 explicare solent, jam Hermannus satis demonstravit, qui quod reposuit *πότερος ὁ μάλλον* scil. *διολλύμενος* jam a Musgravio inventum, id ipsum simili aut majore etiam laborat incommodo, quod et per se durius est ad articulum illum suppleri ex infinitivo participium et augetur scrupulus eo, quod participium diverso sensu, atque supra infinitivus dictus erat de vero interitu, hic intellegendum esset latiore sensu de perdita utriusque adolescentis conditione. Hoc qui perspexit Hartungus longius ex more progressus est conjungendo haec cum antecedentibus sic mutatis:

*διολλύμενος, αἰαῖ,  
πότερος ὁ μάλλον αὖ;*

Infeliciter profecto. Nam, alia ut taceam, quis tam perversum ferat verborum ordinem? Aliam viam sed iisdem salebris obsitam ingressus Schoenius *πότερος ὁ μὴ μέλλων* scripsit hac addita explicatione: «*ach, ach, welcher von Beiden wäre als nicht dazu bestimmt (μέλλων sc. διόλλυσθαι) anzusehn? D. h. Beider Lage ist der Art, dass man von keinem allein sagen kann, er sei der dem Untergang Verfallene.*» Sententia ab omnibus quaesita genera-

lioris significationis verbo, quod ad utrumque commode referretur, exprimenda fuit, quod verbum non dubito quin fuerit *πότερος ὁ μέλεος ὦν*.

V. 834 sq. in libris sic leguntur:

τὸ δέ τι βρέφος ἔλιπον ἀγκάλαι-  
σι νεαρὸν τροφοῦ νεαρὸν ἐν δόμοις,

et metro prioris versus et sensu pessumdato. Primis verbis latere *τότ' ἔτι* recte jam dudum intellectum est, nec Hermannō pronomen *σέ* deesse pronuntiantī quisquam contradixit. In ceteris vero ita discesserunt critici, ut Klotzium « incerta paene omnia videri » dicentem nec mireris nec improbes. Profecto enim, num Hermannō duce *τότε σε, τότ' ἔτι βρέφος* scribendum, an aut cum Schoenio *τότ' ἔτι, τότε βρέφος σ' ἔλιπον* aut cum Nauckio *τότ' ἔτι βρέφος ἔλιπον ἔλιπον ἀγκάλαις σ' νεαρὸν* praefendum, an adeo Kirchoffianum *τότε σ' ἔτι βρέφος ἔλιπον ἐν ἀγκάλαισι* recipiendum sit, non tam « sub iudice lis » videtur esse quam aleae periculum, nisi quod in his omnibus particula *τότε* merito displicet primum locum sine ulla causa onerans. Verum ad antecedentia, quibus adnectitur Iphigeniae oratio, si attendissent interpretes, facile, quid ejus orationis initio desideretur, perspexissent, qua cum illa — *ἔχω σ' ὄρεστα τηλόγετον ἐτὶ καὶ σὲ τὴν θανούσαν* — continuantur, patet hoc modo incohatae olim fuisse: *σέ, τὸν τότ' ἔτι βρέφος*, similiter atque supra v. 230 sqq. Iphigenia *κλαίω*, dixit, *σύγγονον ἀμόν, τὸν ἔλιπον ἔτι βρέφος | ἐπιμαστίδιον τότε, νέον ἔτι θάλας*, quibus de verbis expositum est in dissertatione III, p. 23 sq.

Multo difficiliora sunt, quae statim sequuntur in cod. *B* corruptissime sic scripta:

ὃ κρεῖσσον ἢ λόγοισιν εὐτυχῶν ἐμοῦ  
ψυχᾷ. OP. τί φῶ; IP. θαυμάτων  
πέρα καὶ λόγου πρόσω τὰδ' ἐπέβα.

Paullo melius in *C* ceterisque libris, quos editores secuti sunt, omnia Iphigeniae continuantur, malam correctionem sapit, quod in iisdem *εὐτυχῶν* (sic?) *ἐμοῦ ψυχᾷ* legitur. Nec melius rem gesserunt, qui interpretando contenti fuerunt, Seidlerus atque Klotzius, quorum ille versus *ὃ κρεῖσσον ἢ λόγοισιν εὐτυχῶν ἐμοῦ* Orestis dati hunc sensum esse voluit: o magis me felicem, quam in verbis meis, i. e. quam verbis declarare possum, ubi vel *ἐμοῦ* aptum illud ex *λόγοισιν* ferri nullo pacto potest; Klotzius vero, cum relicto Iphigeniae versu eam Orestis dicentem fingit: o plus quam pro ratiocina-

tionibus meis fortuna valens, qua fortuna fortunam intulerit, nescire me fateor. Nec emendando plus profecerunt, ex quibus plerique Elmsleji vestigia secuti sunt, qui deletō *ἐμοῦ* ut glossemate retenti *εὐτυχῶν*, quem genetivum pluralis esse voluit, pro *ψυχᾷ* primum *τύχαι* tum postea *τύχα* proposuit. Ejus emendationem perficere sibi visus est Hermannus scribendo *κρεῖσσον ἢ λόγοισιν εὐτυχῶν τυχάν*, quod cohaerere cum praecedentibus ipse voluit, Hartungus vero, qui illud quamquam perpetuus Hermannomastix recipere non dubitavit, pro accusativo exclamativo habuit. Displicet in his praeter aptissimum *ψυχᾷ* praeter necessitatem mutatum genetivus *εὐτυχῶν* nimis generaliter positus, quam ut ad Iphigeniae fratris adventu recuperatam beatitudinem commode referri possit. Hanc enim ab ipsa diserte praedicari ex fratris responso patet, quo is, ut illa beatitudo utriusque communis servetur, subtimide optat:

τὸ λοιπὸν εὐτυχοῦμεν ἀλλήλων μετὰ.

Ex quo responso simul intellegitur in illo *εὐτυχῶν* sive *εὐτυχῶν* non adjectivum sed verbum latere. Hinc magis etiam improbandus est Schoenius, qui *ὃ κρεῖσσον ἢ λόγοισιν ἐντυχῶν ἐμοῦ* scripsit, quod vernaculis verbis interpretatus est his: « *o der du glücklicher, als mit Worten beschrieben werden kann, mich aufgefunden hast* »; in qua scriptura nec *κρεῖσσον* recte dictum esse quivis videt. Nec quisquam accuratius re pensata illud ἢ *λόγοισιν* probabit a ceteris silentio transmissum, a Klotzio locutione ἢ *κατὰ λόγους* explicatum non vindicatum. Sed hic quidem verum feliciter invenit Hartungus scribendo ἢ *λέγοι τις* ex Hippol. v. 1186 *καὶ θᾶσσον ἢ λέγοι τις ἐξηστυμέναις | πάλοισι παρ' αὐτὸν δεσπότην ἐστήσαμεν*, et Bacch. v. 746 sq. *θᾶσσον δὲ διεφοροῦντο σαρκὸς ἐνδυνά, | ἢ σὺ ξυνάψαις βλέφαρα*, pro quo quod in *C* legitur ἢ *σὲ ξυνάψαι* ferri et ipsum potest, quemadmodum in alio loco nostri simillimo Suppl. v. 844 sq. *εἶδον γὰρ αὐτῶν κρεῖσσον ἢ λέξαι λόγῳ | τολμήμαθ', οἷς ἤλιπον αἰρήσειν πόλιν* scripsit. Hartungiano igitur recepto si versus ad Orestis responsum accommodare refingere voluerimus, quid aliud excogitari possit non video nisi hoc:

ὃ κρεῖσσον, ἢ λέγοι τις, εὐτυχεῖν ἐμέ.

V. 857 sq. in libris quae leguntur:

ἀνυμέναιος, σύγγον', Ἀχιλλέως  
εἰς κλισίαν λέκτρων δολίαν ὄτ' ἀγόμεαν,

quatuor dochmiis constare recentiores intellexerunt omnes. Quorum doch-

miorum primum adjecto ᾧ ante vocativum recte jam restituit Seidlerus, postremum Hermannus scribendo δόλι' ὄτ' ἀγόμην sanare et sibi visus est et iis, qui eum secuti sunt, editoribus. Verum enim vero et praemissa fratris allocutio et ea, quam libri praebent, conjunctionis ὅτε positura ante ultimum longioris membri vocabulum rejecta et ipsum hujus membri argumentum satis clare ostendunt, non tam recordationem illam ἐγὼ δὴ μέλεος οἶδ', ὅτε φάσγανον | δέρεθ' ἤκέ μοι μελεόφρων πατήρ perturbato rerum ordine continuari, quam justam summae rei narrationem fratri referri. Quapropter deleto ὄτ' simpliciter δόλιον ἀγόμην scribendum est, quod ab Hartungo occupatum video.

De v. 864, qui in libris sic legitur:

ἀπάτορ' ἀπάτορα πότμον ἔλαχον,

is bene meruit, qui pro duobus primis vocabulis scripsit πατέρ' ἀπάτορα, quamquam improbatus ab Hermanno. Qui quod eandem sententiam eamque multo elegantius dictam contineri dixit librorum scriptura, id assequi studuit Schoenius ita, ut ἀπάτορα πότμον interpretaretur sortem haud paterno modo i. e. facinore non paterno paratam. Quod nemini probatum iri confido. Imo ἀπάτορα πότμον nihil nisi orbitatis sortem designare posse recte monuit Hartungus, qui emendationem illam consummavit addito ἄποτμον post πότμον, sed initio ἀπάτορα male praemisso ante πατέρα versum ex duobus dochmiis constare voluit, sequentia ἔλλα — τινός uni Orestii tribuenda ratus. Quod quibus de causis ferri nequeat, dicere supervacaneum. Mihi potius propter apertam versuum ἔλλα δ' ἐξ ἔλλων κρηεῖ — δαίμονος τύχη τινός responsionem cum Hermanno faciendum videtur, qui «apertissimum esse» pronuntiavit versum esse trimetrum iambicum. Itaque tale quid Euripidem dedisse arbitror:

πατέρ' ἀπάτορα πότμον ἄποτμον ἔλαχον τότε.

Aliam viam iniiit Rauchenstein. p. XIV, qui ἀπατόρα πατέρα πότμω ἔλαχον scripsit, ut dochmius existat cum cretico, in quo πότμω mirum quantum languet.

V. 875 sqq. τίνα σοι πόρον εὐρομένα  
πάλιν ἀπὸ πόλεως, ἀπὸ φόνου πέμψω  
πατρίδ' ἐς Ἀργείαν.

Neminem offendisse mirum est in ἀπὸ πόλεως, cui certe pronomen demonstrativum necessario addendum fuisse ipsae editorum interpretationes docent. Sed potius adjectivum desiderari, quo peregrinae sive longinquae non

tam urbis quam terrae notio contineatur, ex oppositis πατρίδ' ἐς Ἀργείαν apparet. Hinc non dubito, quin Euripides ἀπὸ ξένας scripserit, cui quod explicandi gratia male adscriptum est πόλεως genuinam lectionem expulit.

Difficillimus est ad restituenda verba Euripidis locus v. 895—899, quamquam quae ejus sententia sit dubitari nequit. Is in cod. B hoc modo legitur:

τίς ἂν οὖν τάδ' ἂν ἢ θεὸς ἢ βροτὸς ἢ  
τί τῶν ἀδοκῆτων  
πόρον ἄπορον ἐξανύσας  
δυοῖν τοῖν μόνου  
Ἀτρεΐδαιν κακῶν ἔκλυσιν;

Verbum finitum, quod desideratur, Aldina addit φανεῖ post Ἀτρεΐδαιν, quod etiam in cod. C legi ex apographis Parisiensibus haud satis certo concludunt. Qua incertitudine omne certae emendationis fundamentum subtrahi hic ut multis aliis locis magnopere doleas. Kirchhoffius quidem illud φανεῖ interpolationem esse ratus probabiliter ἐξανύσαι reposuit, quo recepto certe unum ἔν in antecedente versu servari poterit, quod cum φανεῖ conjungi posse hodie quidem nemo amplius contortarum explicationum machinis persuaderi sibi patietur. Initio vero quin recte Nauckius Badhamum secutus τίς ἄρ' οὖν restituerit, non magis dubitandum est, quam quin Hermannus pro πόρον ἄπορον, quod falsum esse et sensu et metro evincitur, verum invenerit scribendo πόρον εὐπορον. Cui et alterum, quod proposuit, ἀπόρων πόρον et Blomfieldianum πόρον ἐξ ἀπόρων posthabendum esse ex antecedentibus verbis τῶν ἀδοκῆτων apparet, quae necessario cum πόρον conjungenda esse non dubitaturum, qui meminerit Euripidei illius τῶν ἀδοκῆτων πόρον εὐρε θεός, suo jure pronuntiavit Seidlerus. Contradixit quidem Hermannus, quoniam «istis verbis significari deum afferre inopinata altera pars sententiae doceat τὰ δοκηθέντ' οὐκ ἐτελέσθη.» Sed quidni eodem modo Iphigenia desperans interrogare poterit: «quis igitur aut deus aut mortalis ut inopinata felicem exitum habeant invenerit?» Eo magis autem haec verborum junctura probari debet, quod post ἢ θεὸς ἢ βροτὸς nullo pacto tamquam tertium, de quo cogitari possit, auxilium inferri potest ἢ τί τῶν ἀδοκῆτων, id quod recte jam indicavit Seidlerus. Fallitur enim Hermannus nec mirum nec difficile intellectu in hoc inesse putans: «Quis vel deus vel homo vel quae rerum inopinatarum nos ex his malis expe-

diet?» Nullus enim post conjunctam deorum atque mortalium mentionem aut aliquo casui aut fortunae relinquatur locus — nam οὐκ ἔστιν οὐδὲν χωρὶς ἀνθρώπων θεοῦ —, ita ut etiam Seidleri commentum ἢ τύχα suadentis rejiciendum sit. Placet quaedam, ut commode succurrunt, adscripsisse: εἴτ' οὖν θεὸς εἴτε βροτῶν ἦν ὁ ταῦτα πράσσειν Soph. El. 199 sq., ἰκετεύομέν σε — ἀλκὴν τιν' εὐρεῖν ἡμῖν, εἴτε τοῦ θεῶν | φήμην ἀκούσας, εἴτ' ἀπ' ἀνδρὸς οἴσθ' ἄ ποῦ id. Oed. R. 41—43, μὴ — ἀπολίσητ' Ὀδυσσεῖα | ὑπ' ἀνδρὸς, ᾧ θεῶν οὐδὲν ἢ βροτῶν μέλει Eurip. Cycl. 604 sq. Itaque non dubito, quin illud ἢ τί fortasse ortum ex εἴτε ad alterum ἢ adscripto simpliciter delendum sit.

Unum jam restat, de quo dicatur, unde pendeat τάδε. Posse id simul cum πόρον et sequente ἔκλυθαι referri ad ἐξανύσαι non negaverim, sed tamen in hac cumulatorum accusatorum multitudine, cum nec metrum satis quidem incertum prono cursu labi videatur, idem, quod jam novimus, consuetum verbum hic quoque ad πόρον additum fuisse arbitror, ita ut totus locus hoc modo scribendus videatur:

τίς ἄρ' οὖν τάδ' ἄν ἢ θεὸς εἴτε βροτὸς  
τῶν ἀδοκίτων  
εὐπορον εὐρὼν πόρον ἐξανύσαι,  
δυοῖν τοῖν μόνοις  
Ἀτρεΐδαι κακῶν ἔκλυθαι.

Si quis vero φανεῖ incerta auctoritate oblatum retinere praetulerit, ei etiam in τάδ' ἄν particula celeberrima removenda est. Fecit hoc Nauckius ex Badhami conjectura τάλαν reponendo, infeliciter, si quid video: quis enim post τάλαινα, τάλαινα illatum stirpis ejusdem masculinum ferat? Quare hoc ipsum qui improbavit Rauchenstein l. c. τίς ἄρ' οὖν νῶν ἢ θεός propositus de ceteris securus. Nec quin pronomen recte per se poni potuerit dubito, sed si positum esset, non initio post τίς ἄρ' οὖν illatum sed extremis fere verbis δυοῖν τοῖν μόνοις Ἀτρεΐδαι adjunctum foret. Innumera cum tentari possint, nihil tamen ad traditam scripturam accedere videtur propius, quam hoc:

τίς ἄρ' οὖν τάδε γ' ἢ θεὸς εἴτε βροτὸς  
τῶν ἀδοκίτων  
πόρον εὐπορον ἐξανύσαι  
δυοῖν τοῖν μόνοις Ἀτρεΐδαι φανεῖ  
κακῶν ἔκλυθαι.

Id igitur in editione scholastica recepi.

Jam ad alterum tertiumque stasimum cum accedo, brevior etiam uti placet scribendi ratione, ut et mendis, quae pleraque jam ab aliis animadversa sunt, et potioribus tantum editorum sententiis breviter indicatis atque dijudicatis, quam ipse in editione secutus sim rationem, paucis illustrem et defendam.

Et in altero quidem stasimo v. 1091 cum Barnesio Hartungo Nauckio ex Barnesii conjectura necessario scribendum fuit ἔλεγον οἰκτρὸν αἰεῖεις, cum, quod in libris legitur ἔλεγον οἶτον αἰεῖεις, nullo pacto defendi possit locis, quales Seidlerus attulit ex Aeschylī Agam. 1191 sq. ὑμνοῦσι δ' ὕμνον δάμασιν προσήμεναι | πρώταρχον ἄτην et Sophoclis Trachin. 49 sqq. πολλὰ μὲν σ' ἐγὼ | κατεῖδον ἤδη πανδάκρυτ' ὀδύρματα | τὴν Ἡράκλειον ἔξοδον γοωμένην. In his enim iisque, qui addi possunt satis multi, cum ejusmodi cantandi verbo duplices sane accusativos, rei quae canitur argumentive alterum, alterum generis ad quod cantilena pertinet, junctos habemus, sed eos fere et separatos a se invicem et epithetis accuratius distinctos; nudos accusativos alterum alteri succedentem verbo aut praemissos aut postpositos invenies nusquam.

Tum v. 1096 sqq.

ποθοῦσ' Ἑλλάνων ἀγόρους,  
ποθοῦσ' Ἀρτεμιν λοχίαν,  
ἢ παρὰ Κύνθιον ὄχθον οἰ-  
κεῖ φοινικὰ θ' ἀβροκόμαν  
δάφναν τ' εὐερνέα καὶ  
γλαυκᾶς θαλλὸν ἱερὸν ἐλαί-  
ας, Λατοῦς ὠδίνα φίλαν,

leviora quae libri tenent vitia — λοχίαν, θάλος (B) vel θάλλος (C), ἱερὸν — jam dudum editores sustulerunt; remansit gravior de ultimis verbis dubitatio. De quibus cum Hermannus iniquior interdum Euripidis censor ita statuisset, ut eum videri sibi «audacius partum Latonae dixisse arborem, cui obnixa pepererit Apollinem et Dianam» scriberet, inauditam interpretationem amplexi sunt Schoenius, cujus verba haec sunt: «daher heisst hier der Oelbaum in Kühner Bezeichnung Λατοῦς ὠδὶς, d. h. ihre Stütze bei der Geburt,» et Klotzius, qui tamen non ipsam arborem sed tantum ejus ramum appellari putat; sed suo jure breviter rejecit Kvíčala p. 66, postquam pluribus Matthiaeum confutavit, qui «ὠδίον locus», inquit, «ubi Latona partum edidit, a

quo usu non multum discrepat alter, quo res venales nominantur pro loco, ubi prostant.» Et recte idem Λατοῦς ᾠδῖνα φίλαν tantum ipsam Dianam dici posse admonuit, eam vero h. l. ita dictam esse, ita ut verbis Ἀρτεμιν λοχίαν duae adjectae sint appositiones, una membri ἃ παρὰ — ἱρὸν ἐλαίας, altera illorum ipsorum de quibus agimus vocabulorum, id vereor ut cuiquam sit persuasurus, quoniam post longius illud membrum relativum ἃ παρὰ Κύνθιον ὕψιον οἰκῆι etc. si aliam insuper Dianae appellationem addere voluisset, faciendum id erat nominativo cum pronomine ἃ aretius conjungendo. Contra quid h. l. post commemoratas arbores intulerit, ex consimili loco Hec. 458 sqq. facile intellegere erat:

ἔνθα πρωτόγονός τε φοῖνιξ  
δάφνη θ' ἱεροῦς ἀνέσχε  
πτόρθους Λατοῖ φίλη,  
ᾠδῖνος ἄγαλμα Δίας.

Recte igitur jam Portus ᾠδῖνι conjecit, quae conjectura perfici debebat scribendo φίλας, quo adjectivo tres sacrae arbores, palma laurus olea, de adminiculo parturienti Latonae praebendo quasi inter se certantes designarentur. Etenim cum plerumque secundum hymnum Homericum v. 117 ἀμφὶ δὲ φοῖνιμι βάλει πῆγχε palmam tantum Latona amplexa perhibeatur in fatali discrimine, ut a Theognide 5 sq. — Φοῖβε ἄναξ, ὅτε μὲν σε θεὰ τέκε πότνια Λητώ | φοῖνικος ἑαδινῆς χερσὶν ἐφαψαμένη — et Callimacho in hymno Del. 209 sq. — ἀπὸ δ' ἐκλίθη ἔμπαλιν ᾠμοῖς | φοῖνικος ποτὶ πρόემνον —, Euripides in Hecubae loco laurum, in nostro loco praeter laurum etiam oleam addidit tamquam adstantes atque Latonae partus in doloribus manus extendenti gratum adminiculum praebentes. In antistropha v. 1116 βῶμούς τε μηλοθύτας «minime convenire arae, ubi homines duntaxat immolari mos erat», recte jam perspexit Musgravius, dummodo meliorem invenisset medicinam! Ejus enim inventum βωμούς τ' οὐ μηλοθύτας nemo probaverit. Acute accurateque illud vitium coarguit Schoenius, cujus notam in scholastica editione delendam hic repetere fas duxi: «βωμοὶ μηλοθύται vom Altare der taurischen Göttin und in diesem Stücke, in welchem der grausame Gebrauch der Menschenopfer überall so grell hervorgehoben wird, und gar in diesem Zusammenhange, wo der Chor sein Loos in ein solches Land entführt zu sein beklagt, ist höchst auffallend und schwerlich damit zu rechtfertigen, dass wahrscheinlich ausser Menschen auch mῆλα dort geopfert seien. Man erwartet ein gerade den taurischen Brauch

bezeichnendes Beiwort, z. B. ξεινοθύτας.» Conjecturam a sensu commendabilem frustra superare studuit Kvičala p. 66 μελεοθύτας confidenter imperando, vere superavit vero invento βωμούς θ' Ἑλληνοθύτας censor Kvičalae Zarnkianus, cujus notitiam Klotzio debeo. Id igitur, cui etiam Rauchensteinii conjectura p. XVI. prolata βωμοῖς παρ' ἀνδροθύταις cedere debuit, vulgari formae redditum recepi.

De sequentibus, quae hoc modo in libris leguntur:

ξηλοῦς' (ξητοῦς' B) ἔταν διὰ παν-  
τός δυσδαίμων· ἐν γὰρ ἀνάγκαις  
οὐ κάμνεις σύντροφος ὦν.  
μεταβάλλει δυσδαιμονία.  
τὸ γὰρ (δὲ fortasse B) μετ' εὐτυχίας κακοῦσθαι  
θνατοῖς βαρὺς αἰών,

magnopere dubitatum est a novissimis interpretibus in eo tantum consentientibus, quod cum Reiskio κάμνει pro κάμνεις et cum Seidlero τὸ δὲ μετ' pro τὸ γὰρ μετ' scripserunt, quarum emendationum posteriorem confirmari putant codice B. Sententia quidem quae subsit, satis apparet: chorus, postquam quomodo ab hostibus e patria abreptus atque ad hoc barbari sacerdotii ministerium venditus sit descripsit, jam ita fere pergit, se scilicet e secundis rebus in tantam miseriam depressum vitam perpetuo miseram huic sortis mutationi praeferre, quoniam miseriarum necessitati ad-suetus minus ea labore, ex rebus vero secundis malo opprimi gravissimum sit mortalibus fatum. Sed ei sententiae quomodo duo illa verba μεταβάλλει δυσδαιμονία adaptanda sint, incertum est. Plerique interpretes alios similis sententiae locos adduxerunt, quorum ope ea verba emendarent. Ita Hermannus ex Herc. fur. 1291 sq.

κεκλημένω δὲ φωτὶ μακαρίω ποτὲ  
αἱ μεταβολαὶ λυπηρόν· ᾧ δ' αἰεὶ κακῶς  
ἔστ', οὐδὲν ἀλγεῖ συγγενῶς δύστηνος ὦν,

post Lentingium μεταβάλλει δ' εὐδαιμονία scripsit, quod vix minus abruptum est vulgato nec a sententia ullam habet commendationem, ita ut frustra sit Schoenii non tam perspicua interpretatio quam obscura excusatio: «Diese Worte leiten den Gegensatz zu dem vorhergehenden Gedanken von der ἄτη διαπαντός δυσδαίμων ein.» Nec praestat Kirchlhoffii μεταβολῆ δυσδαιμονία. Alii loco Hel. 417 sqq.

— — — — — ὅταν δ' ἀνήρ  
πράξει κακῶς ὑψηλός, εἰς ἀηθίαν  
πίπτει κακίῳ τοῦ πάλαι δυσδαίμονος,

usi, Badhamus τῆ πάλαι δυσδαιμονία, Hartungus σύντροφος, ᾧ μετὰ πάλαι δυσδαιμονία scripserunt, quorum inventorum neutrum probabile utrumque tamen melius est eo, quod Kvíčalae p. 66 in mentem venit μετὰ πολλῇ δυσδαιμονία h. e. «inmitten der Masse des Unglücks,» cui vel inauditus praepositionis usus obstat. Longius a librorum scriptura recessit Rauchensteinius l. c., cui deleto μεταβάλλει ut glossemate ἀμπνεύσας δυσδαιμονίας scribendum videtur hac sententia: «nam rebus angustis innutritus quum sit, non affligitur, quod contra iis contingere solet, quibus interdum a malis respirare licet.» Rectam viam ingressus sed non persecutus est Klotzius sublata interpunctione scribens μεταβάλλειν δυσδαιμονίαν, quod his verbis interpretatus est: In necessitatibus enim, qui una cum illis adultus est, non fatigatur novam usque calamitatem subire. Ubi non solum sollemnis verbi κάμνειν usus sed etiam sententiae perspicuitas participium μεταβάλλων sibi restitui postulant, ut dicatur is, qui in perpetuis adultus sit miseris, non eo laborare, quod pro felicitate calamitatem subeat. Hoc ipsum enim omnium tristissimum esse ut aliis, quos modo adscripsi, locis, quibus addi potest Troad. 639 sq.

ὁ δ' εὐτυχίας εἰς τὸ δυστυχὲς πεσὼν  
ψυχὴν ἀλάττει τῆς πάροιθ' εὐπραξίας,

Euripides pluribus docuit, ita satis clare indicavit sequentibus: τὸ δὲ μετ' εὐτυχίαν κατοῦσθαι θνατοῖς βαρὺς αἰὼν. Ubi εὐτυχίαν pro vulgato εὐτυχίας scribendum esse jam Scaliger vidit, cui ex nostratibus Nauckius demum obsecutus est, cum etiam Schoenius illam formam jam ab ambiguitate rejiciendam pro plurali haberet, qui nec ipse apte diceretur de una perpetuae felicitate.

Hac igitur, quam modo restitutam illustravimus, ratiocinatione chorus probavit, quid sit quod supra de se dixit: ζηλοῦσ' ἄταν διὰ παντὸς δυσδαίμονα, quibus verbis quin infelici fortunae commutationi vita opponatur perpetuo tenore infelix tam extra dubitationem positum est, ut interpretes sententiae perspicuitate capti singula verba accurate pervidere supersederint. Vidissent enim alioquin ferri non posse in ea sententia verbum ἄταν, quod, sive de culpa dicitur calamitatem trahentē sive de calamitate per culpam contracta sive de calamitate ex quocunque casu oborta, semper tamen de sin-

gulari quadam non de universa totius vitae fortuna dicitur. Id patet dicendum fuisse per αἴσαν, quod sine dubitatione recepi. Proxime accedit Sophocleum illud ex Trach. v. 110 sq. κακὰν δύστανον ἐλπίζουσαν αἴσαν.

Alterum stropharum par extremis partibus multifariam laborat, ut de iis ita, ut omnibus satisfiat, restituendis fere desperandum videatur. Placet ipsa, de quibus agitur, verba ante omnia secundum libros descripsisse servata etiam versuum distributione:

ὁ Φοῖβός θ' ὁ μάντις ἔχων  
κέλαδον ἐπιτάτονον λύρας  
1130 αἰείδων ἄξει λιπαρὰν  
ἔς (εἰς Ald.) Ἀθηναίων ἐπὶ γᾶν·  
ἔμει δ' αὐτοῦ λιποῦσα  
βήσῃ ῥοθίοις (ῥοθίαῖς Ald.) πλάταις  
ἀέρι δ' ἰστία πρότονος (πρότονοι  
Ald.) κατὰ

χοροῖς δὲ σταίην, ὅθι καὶ  
παρθένος εὐδοκίμων γάμων  
1145 παρὰ πόδ' εἰλίβουσα φίλας  
ματέρος (ματρὸς Ald.) ἡλικῶν θιά-  
ἔς ἀμίλλας χαρίτων [σοῦς  
χαίτας ἀβροπλούτοιο  
εἰς (εἰς Ald.) ἔριον ὀρνυμένα, πολυ-  
ποίκιλα

1135 προῦραν ὑπὲρ στόλον  
ἐκπετάσουσι πόδα  
ναὸς ἀκνύομπον.

1150 φάρεα καὶ πλοκά-  
μους περιβαλλομένα  
γένυσιν ἐσκίαζον.

In his primum v. 1129 verborum ordinem mutavi cum Hermanno, qui «nulla», inquit, «inveniri causa potest, quae moverit poetam, ut tribrachum dactylo, qui in antistropha est, opponeret, quum posset scribere ἐπιτάτονον κέλαδον λύρας.» Deinde v. 1131 supervacaneam praepositionem ἔς vel εἰς probabilius in pronomen aegre desideratum σ' abbreviari quam cum Seidlero et Schoenio in εὔ σ' mutari adverbium et omnino inutile nec apto loco positum ita arguit, ut jam ex metrica ratione suspectum fiat antistrophicum ματρὸς vel ματέρος, quod etiam a sensu laborare statim videbimus. Quae deinde sequuntur ἔμει δ' αὐτοῦ λιποῦσα βήσῃ ῥοθίοις πλάταις, eorum sententia quidem plana est, metrum vero antistrophicis adaequari non prius poterit, quam ad haec ipsa accesserimus. De ultimis verbis optime meruit Seidlerus, qui accurata rerum cognitione, quod unum certissimum est in ejusmodi quaestionibus fundamentum, innixus locum hoc modo restituit:

ἀέρι δ' ἰστία πρὸ πρότονου κατὰ  
προῦραν ὑπὲρ στόλον ἐκπετάσουσι πόδες  
ναὸς ἀκνύομπον.

In quibus non solum sententia aperta est — a Seidlero his verbis explicata:

«vento vela ante mali funem a prora super stolum explicabunt pedes navis celeriter euntis» —, sed etiam emendatio facillima utriusque corruptelae mala conjectura invectae. Nam cum propter litterarum repetitionem ante *προτόνου* prono errore ommissa esset praepositio *πρό*, paene necessarium erat in genetivi locum nominativum pro subjecto substitui, quo admissio consequens erat, ut verum subjectum in accusativum mutaretur. Doleo igitur, quod Hermannus conjecturae illi, quam ingeniosam ipse vocavit, tamen adversatus est, magis etiam doleo, quod adversatus est dicens «sic nimis accurate omnia describi», quoniam hoc ipsum proprium mihi videtur Graecorum poetarum media in vita variisque hominum negotiis versantium, ut, quomodo aliqua res administretur, descripturi has ipsas imagines ad verum habitum suis oculis inspectum clarissime expriment. A quo realistico, ut barbaro hoc utar aestheticorum nostrorum vocabulo, antiquae poeseos studio nihil magis alienum erat, quam verborum certas artis cujusdam machinas machinationesve designantium vitiosus abusus, quem hic quidem Euripidi intulit Hermannus scribendo:

ἀέρι δ' ἴστια τε πρότονοι κατὰ  
 προῦραν ὑπὲρ στόλον ἐκπετάσουσι πόδας τε  
 ναὸς ὠκυπόμπον,

ita ut «*πρότονοι*, ut saepissime non, quae propria significatio est, de illis rudentibus, quibus malus affirmatur, sed de iis, quibus vela vel contrahuntur vel expanduntur, dicti» sint. Id ego contendo nec alibi factum esse nec, quo loco abutitur Hermannus, Hec. v. 111 sq.

τὰς ποντοπόρους δ' ἔσχε σχεδίας  
 λαίφη προτόνοισιν ἐρειδομένας.

ubi prorsus similiter, atque nostro loco vela pedibus expandi dicuntur ante protonum. eadem eodem inniti dicuntur quippe a summo malo versus proram extensa. Recte igitur et Klotzius et Schoeniis Seidlerum secuti sunt novas turbas movente Hartungo, qui, cum *προτόνους* et *πόδας* eosdem esse atque *πόδα ναὸς* ipsa vela dici rudentibus innixa sibi persuasisset, hoc modo locum corrupit:

ἀέρι δ' ἴστι' ἐπὶ προτόνοις κατὰ  
 προῦραν ὑπὲρ στόλον ἐκπετάσεις,  
 πόδα ναὸς ὠκυπόμπον.

In antistrophicis primum ferri nullo pacto potest v. 1144 *παρθένος εὐδοκίμων γάμων*, sive genetivi a *παρθένος* apti intelleguntur, quibus verbis indicetur, ut Schoenii verbis utar, virgo nobili conjugio destinata, sive cum *χοροῖς* junguntur, cui constructioni vel particulam *ἔθι* adversari ad verbum *ἔσκησον* pertinens monuit Seidlerus, sive cum hoc ipso pendere putantur a sequente *θιάσους*. Nec vero verendum, ne quis abusus ejusmodi temporis genetivis, quales ad firmandum illud *δεινὸς ἀπλοίας* allati sunt — de quibus vide harum emendationum part. I. p. 6 —, absolute dicta putet verba *εὐδοκίμων γάμων* hoc fere sensu: in celebrandis nobilibus nuptiis. Nihil juvant conjecturae adhuc tentatae aut priorum, ut Musgravii *παρθένος ἠὲδοκίμων γάμω*, hoc ad sequentia relatum ut esset in festo nuptiali, vel Marklandi *παρθένος εὐδόκιμος γάμων*, aut recentiorum, ut Kirchhoffii, qui in alia omnia abiens *πάροιθ' εὐδοκιμοῦσ' ἐμᾶς* proposuit scilicet de sequentibus unice securus. Quod vero Nauckius nuper adeo textui intulit *πάροχος εὐδοκίμων γάμων*, memor fortasse Aristophanei illius in *Avv.* 1740 sq., ubi *Amor*

Ζηνὸς πάροχος γάμων  
 τῆς τ' εὐδαίμονος Ἴφρας

dicitur, id magnopere vereor ut cum Graecarum nuptiarum cerimoniis ulla ratione conciliari possit. Mihi quidem, cum nec *παρθένος* apto carere attributo nec quidquam aptius excogitari posse videatur quam nobilis generis mentio, verisimillimum est dedisse Euripidem *παρθένος εὐδοκίμων δόμων*, quod satis firmatur loco *Androm.* v. 766 sqq. *ἢ μὴ γενοίμαν | ἢ πατέρων ἀγαθῶν | εἴην πολυκλήτων τε δόμων μέτοχος.*

In sequentibus egregie rem gessit Hermannus, qui et locutionem *παρὰ πόδα ματρός*, quod mutilo Quinti Smyrnaei loco V, 61

ἔν δὲ χοροὶ ἴσαντο νέων παρὰ ποσσὶ γυναικῶν

abusi male defenderunt, nihili esse demonstravit et ipsum *ματρός* ex errore scribae *πρός* pro *μρός* legentis fluxisse pulchre intellexit et *περι* (sic ille quidem ex suo more!) *πόδ'* *εἰλίssonσα* consueto de saltatione sensu scriptum fuisse vidit. Unum tantum reliquit vitium *φίλας* ex corruptela *ματρός* natum, quod cum ille ad *ἀμίλλας χαρῶτων* referendum putavit, neglexit intolerabiliter a suo substantivo separari interjectis *πρός ἡλικῶν θιάσους* epitheton his ipsis verbis accommodandum, quod facile fieri potest sive *φίλους* sive *φιλᾶν* scribendo, quorum tamen illud ut facilius praetuli.



Et hucusque quidem, si etiam v. 1143 cum Badhamo solemnne illud χοροῦς δ' ἰσταίην pro volgato χοροῖς δὲ σταίην receperimus, res jam perfecta videtur ita, ut haud magna dubitandi relinquatur materia. Incertior est extremorum medela verborum, quae nec singula omnia bonum sensum praebent nec apte inter se cohaerent nec cum antistrophicorum metro congruunt. Ac primum quidem ferri non posse χαίτας ἀβροπλούτοιο jam olim viderunt interpretes, ex quibus Marklandus pro priore vocabulo feliciter invenit χλιδάς, quod quin verum sit nemo dubitabit, qui reputaverit duplex omnino virginibus has choreas ducentibus fuisse certamen et formae ipsa natura datae χαρίτων — et ornatus parentum opulentia praestiti — χλιδάς. Verum hoc quantumvis felici invento loci vexatissimi emendatio non perficitur: nam et copula desideratur, qua χλιδάς cum χαρίτων jungatur, et ἀβροπλούτοιο pertinaciter metro laborat nec ejusdem vocabuli sequente ἐς hiatus ferri potest et verbum ἐσκίαζον justo objecto caret. Quodsi ex Hermanni conjectura γέννυ σννεσκίαζον infertur, id non solum strophae satis probabiliter restituae metro adversatur, sed ne a sententia quidem magnopere placet: φάρεα enim hic non vestimentum esse, quo corpus tegatur, sed quam injecit chorus, ut cum Homero loquar, κεφαλῇ ἐφύπερθε καλύπτειν. ex conjuncta cum illis cincinnorum apparet mentione, quibus obumbrari genas ut commode per se dici potuit — nec deest locus haud absimilis ex Euripidis Bacch. v. 455 sq. ubi de muliebri Baccho dicitur:

πλοκαμός τε γὰρ σου ταναός, οὐ πάλης ὑπο  
γέννυ παρ' αὐτὴν κεχυμένος, πόθου πλέως —,

ita mirum profecto esset, si solae genae obumbratae dicerentur. Praeter eas quid commemorandum fuerit, vel ex Homericis illo satis apparet, ducitque eodem de Phaedra quamquam alio modo sese velante fama Hippol. 133 sq. λεπτά δὲ φάρη ξανθὰν κεφαλὰν σκιάζειν. Hinc totius carminis clausulam probabiliter hoc modo restituas: περιβαλλομένα γέννυσιν | κρᾶτ' ἐπεσκίαζον.

Inde ad proxime antecedentia regressi si corrupta verba χαίτας ἀβροπλούτοιο (οιο ἐς) ἔριν in examen vocaverimus, facile, opinor, ad eam pervenimus sententiam, ut litteras cancellis circumseptas pro malo supplemento mutilati ἀβροπλοῦντ habeamus, poëtam ipsum autem olim haec omnia ita scripsisse putemus:

ἐς ἀμίλλας χαρίτων  
χλιδάς ἀβροπέπλου τ' ἔριν  
ὄρνυμένα, πολυποίκιλα φάρεα  
καὶ πλοκάμους περιβαλλομένα γέννυσιν  
κρᾶτ' ἐπεσκίαζον.

Quibus apprime concinunt strophica, dummodo syllaba brevis, quae v. 1132 deest, restituatur, quod non tam Hermanniano προλιπούσα recipiendo quam pronomine secundo inferendo probabiliter fieri videtur, ita ut illi versus hoc modo scribendi sint:

ἐμὲ δ' αὐτοῦ σὺ λιπού-  
σα βήσῃ ἑοθίους πλάταις.

Sed haec de hoc stasimo sufficiant. Ultimum ultima emendationum parte tractaturi sumus.

INDEX LECTIONUM  
IN  
LITERARUM UNIVERSITATE TURICENSI

INDE  
A DIE XIV. MENSIS APRILIS  
USQUE  
AD DIEM XVII. MENSIS AUGUSTI MDCCCLXII  
HABENDARUM.

---

IN EST  
EMENDATIONUM IN EURIPIDIS IPHIGENIAM TAURICAM  
PARS V.



TURICI.  
EX OFFICINA ZÜRCHERI ET FERRERI.  
1862.

Perventum jam est ad ultimum stasimum. omnium pessime habitum. Quod quoniam non solum gravibus variisque corruptelis sed etiam interpolationibus atque lacunis laborat, numquam ita poterit restitui, ut nulla dubitandi relinquatur materia. Bene tamen actum est, quod ea menda, quibus ipsae sententiae obscurabantur, fere sublata sunt, ita ut de argumenti sane reconditionis tenore omnia perspicua esse videantur. Ita ego quoque satis me fecisse arbitratus sum, si in editione commodae discipulorum lectioni destinata singula verba ita constituissem, ut et aptam sententiam continerent nec a tradita scriptura justo nimis recederent, accuratius autem ipsam cantici fabulam a nemine praeter Euripidem traditam enarravissem. De illis vero singulis verbis quo melius judicetur, totum carmen, quale in libris legitur, retenta etiam versuum distributione praemittendum duxi ita, ut strophica et antistrophica, quorum rationem libris ignoratam primus demonstravit Tyrwhittus, e regione componerem.

*Εὐπαις ὁ Λατοῦς γόνος, ὄν ποτε*

1235 *δηλίας (-ία Brubach.) ἐν καρπο-  
φόροις*

*γυάλοις χρυσοκόμαν  
Φοῖβον ἐν κισθάρῃ (ἐκισθάρῃ B)  
σοφόν,*

*ἄ τ' ἐπὶ τόξων  
εὐστοχίᾳ γάννυται*

1240 *φέρει νιν ἀπὸ δειράδος ἐναλίας  
(ἐίναλίας C),*

*λοχεῖα κλεινὰ λιποῦσ', ἀ-  
στάκτων μάτηρ ὑδάτων,*

1260 *Θέμιν δ' ἐπὶ γᾶς ἰῶν παῖδ' ἀπενέ-  
σατο,*

*ἀπὸ ζαθέων χρησθηρίων νύχια*

*χθῶν ἐτεχνώσατο φάσματ' ὀνει-  
ρων (sic C φάσματ'  
ἂ B φάσματα Ald.)*

*οἱ πολέσιν μερόπων  
τά τε πρώτα, τὰ τ' ἔπειθ'.*

*ὅσα τ' ἔμελλε τυχεῖν,*

1265 *ὕπνου κατὰ δνοφερᾶς γᾶς,  
εὐνάς ἔφραζον. γαῖα δὲ (τὴν  
add. C)*

τὰν βακχεύουσιν Διονύσῳ  
Παρνάσιον κορυφάν.

1245 ὅθι ποιμιλόνωτος οἰνωπὸς θρά-  
κων, σκιερᾶ κατάχαλκος

εὐφύλλῳ (εὐφύλλων Ald.) δάφνας,  
γᾶς

πελώριον τέρας ἀμ-  
φέπει, μαντεῖον χθόνιον.

1250 ἔτι μιν, ἔτι βρέφος, ἔτι φίλας  
ἐπὶ ματέρος ἀγκάλαισι θρώσκων,

ἔκανες ὦ Φοῖβε, μαντεῖων δ' ἐπέ-

βας ζαθέων, τρίποδι τ' ἐν χρυσέῳ  
θάσσεις, ἐν ἀφενδῆι θρόνῳ

1255 μαντείας βροτοῖς ἀναφαίνων,  
θεσφάτων ἐμῶν ἀδύτων,  
ὑπὲρ Κασταλίας θεέθρων  
γείτων, μέσον γᾶς ἔχων μέλαθρον

En luculentissimum habes exemplum ejus tabis, quae per scribarum ignorantiam atque negligentiam haud pauca tragicorum cantica invasit et devastavit! In qua sananda cum laudabilem jam priores inde a Seidlero editores posuerint operam, eorum quas adoptare non dubitavi medelas breviter enumerasse satis est, accuratius iis, quas ab illis relictas ipse adhibui, enarratis. Ac primum quidem v. 1235 *Δηλιάσιν* pro *δηλίας ἐν* Seidlerus scripsit, quod, qui secuti sunt editores, jure receperunt omnes. Tum ad *χρυσοκόμαν* verbum pariendi necessario desiderari rectissime monuit Schoenius, quod cum participium *τίκτουσα* fuisse recepto v. 1240 Seidleriano *φέρειν ἴνιν* conjecit, propius mihi quam Kirchoffius «verbum finitum lacuna haustum» esse ratus ab Euripidis mente abfuisse videtur. Is enim quoniam hoc quidem carmine chorum celebrantem fecit non tam Apollinis incunabula antecedente stasimo cantata, quam ejusdem infantis recens nati

μαντεῖον ἀφείλετο τιμάν,  
Φοῖβον φθόνῳ θυγατρὸς, ταχύ-  
πους

δ' ἐς Ὀλυμπον ὀμαθεῖς ἄναξ,  
1270 χέρα ψεδνὸν (ψαιδνὸν C) ἔλεξ'  
(ἔλιξ' C) ἐκ Διὸς  
θρόνων,

πυθίων δόμων  
χθόνιαν ἀφελεῖν

θεᾶς μῆνιν, νυχίους τ' ἐνοπᾶς.  
γέλασε δ' ὅτι τέκος ἄφαρ ἔβα,

1275 πολύχρυσα θέλων λατρεύματα  
σχεῖν.

ἐπεὶ δ' ἔσεισε κόμαν,  
παῦσε νυχίους ὀνειρόους.

ἀπὸ δὲ λαθυσύνηται  
νυκτωπὸν ἐξείλε βροτῶν,

1280 καὶ τιμᾶς πάλιν θῆξε Λοξίᾳ,  
πολυάνορι δ' ἐν ξενό-  
εντι θρόνῳ θάρσῃ βροτοῖς  
θεσφάτων ἀοιδαῖς.

facinora Delphis non Deli perpetrata — quam ipsam ob causam statim initio *εὔπαις ὁ Λατοῦς γόνος* dicitur —, probabile est membrum relativum non duabus partibus constituisse continens prima parte dei partum, cui deinde scripto *φέρει δ' ἴνιν* sive *δ' υἰόν* adjecta fuerit ejusdem Delphos a matre transportati mentio tamquam secundaria, sed potius unum fuisse id membrum atque a matre Deli natam prolem Delphos portatam esse indicasse. Itaque post *καρποφόρους γυάλους* in editione scholastica *τίκτουσα* inserere pro ejus libri ratione non magis dubitavi, quam post *χρυσοκόμαν* delere *Φοῖβον*, quod glossema esse post Musgraviū viderunt omnes. Sequentem Dianae mentionem veluti in parenthesis ponendam esse, quoniam historia non solum Apollinem sed simul cum eo Dianam Deli natam — de natis enim, non de translatis in Parnasum geminis hic sermo — retulerit, recte jam monuit Seidlerus. Sed ea parentheseos ratio quo melius in oculos mentemque incurreret, inter *χρυσοκόμαν* et *ἐν κηθάρα σοφόν* addenda erat copula τ', cui altera in ἅ τ' ἐπὶ τόξων εὐστοχίᾳ γάνυται responderet. Consequens erat, ut cum Schoenio aliisque Seidlerianum *φέρειν ἴνιν* adoptaretur. Postremo metro jubente cum Hermanno *τόν* pro *ὄν* scribendum fuit. Et consentit fere Kvitčala p. 71, nisi quod ille *γόνος* de utraque Latonae prole, non de sola Apolline dici contra usum Euripideum ratus alteram Seidleri conjecturam, quam auctor ipse rejecit, *ἔφερέν ἴνιν* temere adscivit.

Et huc usque quidem antecessorum vestigia premere licebat. Verum in sequentibus prorsus ab iisdem mihi dissentendum fuit. Quicumque enim non praecipitata captus opinione illa perlegerit *λοχεῖα κλεινὰ λιποῦσ' ἀστάκτων μάτηρ ὑδάτων*, is genitivos ab incluso vocabulo *μάτηρ* pendere necessario judicabit, quod cum sane fieri non possit, nisi majore facta mutatione positoque accusativo *ματέρα* haec ad ipsam *Παρνάσιον κορυφάν* referantur, editores de hac quidem medicina satis dubia recte non cogitaverunt, erraverunt vero eo, quod genitivos aut ab antecedentibus *λοχεῖα κλεινὰ* aut a sequentibus *Παρνάσιον κορυφάν* aptos esse putaverunt. Et hoc quidem, si solam rem spectamus, quin verum sit dubitari non posse evicit Seidlerus adscripto Pausaniae loco X, 32, 7, ubi de antro Corycio ad Parnasum montem pertinente haec leguntur: *ὁ τε ὄροφος ἐς αὐταρκῆς ἀπὸ τοῦ ἐδάφους ἀνέστηκε, καὶ ὕδωρ τὸ μὲν ἀνερχόμενον ἐκ πηγῶν, πλέον δὲ ἔτι ἀπὸ τοῦ ὀρόφου στάζει, ὥστε καὶ δῆλα ἐν τῷ ἐδάφει σταλαγμῶν τὰ ἕληθ' ἰσχυρὰ διὰ παντός ἐστι τοῦ ἄντρου*. Ea vero conjunctio, quae sane propter repugnantem ver-

borum ordinem ferri non potest, displicuit Matthiae, qui ad Marklandum rediit genitivos cum *λογεῖα κλεινά* jungentem; eumque secuti sunt Hermannus, Klotzius, Hartungus, quorum duo priores de Inopo fluvio cogitaverunt apud Callimachum in hymno Del. 206 sqq. his verbis memorato:

ἔξετο δ' Ἰνωποῖο παρὰ ῥόον, ὅντε βᾶθιστον  
γαῖα τότ' ἐξανήσειν, ὅτε πλήθοντι ῥέεθρον  
Νεῖλος ἀπὸ κρημνοῖο κατέρχεται Αἰθιοπῆος.

Hartungus autem ad *λίμναν εἰλίσσοῦσαν ὕδωρ κύλιον* v. 1103 sq. provocavit. Sed nec fluvio nec lacu verba *ἀστάκτων ὑδάτων* conveniunt. et ne in hac quidem constructione genitivorum incerte putideque adnexorum satisfacere potest positura. Itaque ad Seidleri interpretationem regionum natura unice commendatam redeundum fuit, ita tamen, ut transposito uno vocabulo additaque, quae aegre desideratur facillimeque ante *ἀστάκτων* omitti potuit, praepositione justus verborum restitueretur ordo. Scripsi igitur *μάτηρ εἰς ἀστάκτων ὑδάτων τὰν βακχεύουσαν Διονύσω Παρνάσιον κορυφάν*. Sed ne antecessorem, cujus in locum ipse successi, debita laude fraudem, viam jam praecivit Schoenius scribendo *λιποῦσ' εἰς ἄστακτον μάτηρ ὑδάτων τὰν βακχεύουσαν Διονύσω Παρνάσιον κορυφάν*. Sed hic quoque nominativus *μάτηρ* intolerabili modo ceteris verbis arcte cohaerentibus interjectus est.

V. 1246 adjectivum *κατάχαλκος*, quod ceteri critici damnaverunt, explicare solus sustinuit Seidlerus, cujus notam in brevius contractam repetiit Klotzius: «Poëta finxisse sibi videtur draconem istum aeneis squamis obductum vel certe aeris speciem prae se ferentibus. Voce *κατάχαλκος* eo significato, ut sit aere obductus, utitur Noster in Phoeniss. v. 110.» Hunc locum nihil facere, ut hoc epitheton recte transferatur ad draconem squamis quasi aereis obsitum, nemo non videt: prorsus enim deest primaria squamarum notio. Nec si quidem ejusmodi hic legeretur adjectivum de squamosa draconis cute dictum, probe id quadrare cum dativis, quibus inclusum est, *σκειρᾶ — εὐφύλλω δάφνῃ*, qui conjecturis locum sanare studuerunt recte intellexerunt omnes, ut jam Musgravius, qui *κατάμαλλος* — foliis lauri, tamquam vellere, obtectus — legendum putavit. Nec hoc probaturum quemquam arbitror, nec quod Hermannus scripsit *κατάχλαινος* scilicet «addendum lexicis vocabulum», aut Hartungus *κατάφαρκτος*, quod tum tantummodo recte diceretur, si draco ille sacrae laureae

foliis frondibusque abunde fartum ventriculum gestavisset. Optimum sane esset, si quidem metro adaptari posset, Heathii *κατακαλυφθείς*. Ita sane Schoenius de ejusmodi, quod accommodatum esset, adjectivo desperasse videtur, cum hanc notam conscriberet: «*die Bedeutung von κατάχαλκος, bepanzert, d. h. mit Schuppen, widerstrebt der Verbindung mit σκειρᾶ δάφνῃ, daher kann dieser Dativ nicht füglich anders als lokal gefasst werden in dem Sinne von καθήμενος ἐν δάφνῃ.*» In qua explicatione quam male habeat dativorum per intermissum adjectivum diremptio, nemo non videt. Itaque ejusmodi, quod dativis congruat, epitheton nobis est inveniendum, «sive id non pote sive pote!» Cogitaveram olim de *κατάκοιτος*, quod adjectivum translato sane diversoque sensu in Ibyci fragm. I. — *ἐμοὶ δ' ἔρος οὐδεμίαν κατάκοιτος ᾄραν* — legitur; sed praestare visum est *καθέλικτος*, quod et magis proprie de dracone dicitur nec longius a tradita scriptura abest. Id igitur, donec probabilius afferatur, recipiendum duco, nec eo probabilius certe Badhami commentum putaverim, qui scribendo *σκειρὸν κάτεχ' ἄλσος εὐφύλλον δάφνας* locutionem intulit draconis naturae vix accommodatam.

Quae restabant in strophae exitu, tantum non omnia jam a Seidlero bene administrata erant, qui et *ἄμφεπε* scripsit pro *ἀμφέπει* librorum lectione nuper a Kvičala p. 73 retenta, et v. 1255 *ἀναφαίνων* glossema esse vidit adscriptum ab explicatore ad *νέμων* v. sq. pro *ἐμῶν* jam a Musgravio feliciter repositum, et *ἀδύτων ὑπο* pro *ἀδύτων ὑπὲρ* restituit, in quibus omnibus consentientes habuit, quicumque ei successerunt editores. Unum emendandum reliquit Nauckio, quod v. 1250 volgo legebatur *ἔτι μιν ἔτι βρέφος*, ubi non solum pronominis forma falsa est jam ab Hermanno in consuetum *νιν* mutata, sed etiam particula *ἔτι* sine omni sensu eaque primo loco posita. Pro ea *σὺ δέ νιν* dedisse Euripidem Nauckius intellexit, qua scriptura intolerabile asyndeton simul tollitur.

Ad antistropham transgredior, cujus initium non solum corruptelis sed etiam aperto defectu turbatum ad sensum tantum, non ad verba certo restitui potest. Unum certum est *ἐπέι*, quod pro *ἐπί* jam olim Scaliger invenit. Cetera recentiores suppeditarunt. Ex quibus Kirchoeffius primum animadvertit alienum esse participium *ἰών*, cui tamen quod substituit *ἐλών* vix praestat. Et sive hoc sive illud ponitur participium, male eo *Γᾶς* a *παῖδα* avellitur. Quod evitaturus Nauckius *γάιον* conjecit conjungendum illud cum *παῖδα*. Sed et hanc locutionem recte rejecit et omnino *Γᾶς*

mentionem propter *Χθόνα* statim memoratam absonam esse vidit Kvičala p. 72 sq., qui quin pro *Γᾶς ἰών* recte *γαῖων* substituerit, mihi quidem non dubium videtur. Sed tum ferri nequit *παῖδ'*, ad quod ex membri primarii subjecto *Χθών* pronomem possessivum supplendum esse cum infeliciter stauisset Kvičala, in fraudem induxit virum sagacissimum Rauchensteinium, qui hoc quidem fieri non posse recte intellexit, sed inferendum illud pronomem putavit conjiciens *ἐπεὶ παῖδ' ἑάν*, cui vel sequentia obstant a Nauckio probabiliter sic reficta *παῖς ἀπένασσεν ὁ Λατῶος ἀπὸ ζαθέων*. Haec igitur cum Kvičalae invento conjuncta editioni inferre non dubitavi, quamquam alia etiam et excogitari et probari posse supplementa lubentissime concesserim. Unum quidem necessario accipiendum esse activum *ἀπένασσεν* pro medio constans verbi usus evincit, cujus exempla collegit Spitznerus ad II 86, a quo usu non defecisse Euripidem ex v. 175 sq. *τηλόσε γὰρ δὴ σᾶς ἀπενάσθη* | *πατρίδος καὶ ἐμᾶς* et Med. 166 *ὦ πάτερ, ὦ πόλις, ὦν ἀπενάσθη* satis apparet.

In sequentibus primum v. 1264 et metri et sensus gratia cum Hermanno et Hartungo scribendum fuit deleta copula *ὅσ' ἔμελλε τυχεῖν*. Difficilius est iudicium de verbis, quae sequuntur: *ὑπνον κατὰ δνοφεράς γᾶς εὐνάς ἔφραζον*. Nam ut de metro taceam, quod, quomodocunque in stropha constituitur, excidisse hic quasdam syllabas coarguit, in duplici genetivo cum *εὐνάς* juncto recte jam offenderunt critici antiquiores, quorum nemo incredibili Heathii interpretationi assensus est *ὑπνου* « per somnum » convertentis. Rectius jam Musgravius, quem secutus est Klotzius, *γᾶς* expungendum esse vidit, dummodo ne incredibilem nobis obstrudisset hendiadyn legendo *ὑπνους κατὰ δνοφεράς τ' εὐνάς*. Et quominus justa illa vocis *γᾶς* athesis a ceteris acciperetur, quodammodo obstitit ipse Musgravius per *εὐνάς* intellegens « specus quasdam tenebricosas, quale erat Trophonii antrum. » Id enim cum sane sub terra fuisset positum, jam *γᾶς εὐνάς* putaverunt esse idem quod *χθονίας εὐνάς* « cubilia subterranea. » Verum falsam esse oraculi Trophonio consecrati comparisonem jam inde apparet, quod in eo vigilantibus hominibus per subterranea loca raptatis responsa dabantur, hic vero aperte sermo est de oraculis per somniorum simulacra et monita datis. Itaque dubitari non potest, quin hic quoque de incubationibus cogitaverit Euripides, quas in templis agitas esse super stragulis sive pellibus humi stratis constat. Id ipsum igitur vix alio vocabulo

exprimi potuit quam sollemni illo *χαμεύνας*, quo reposito et strophicum metrum necessaria vocabuli *μάτηρ* transpositione a nobis restitutum adaequatur et quomodo factum sit, ut *γᾶς εὐνάς* intruderetur, facile intellegitur. Id igitur reposui fixis post *ἔφραζον* lacunae signis, quam lacunam satis probabiliter explevit Rauchensteinus in litteris ad me datis inserto *οὐκ ἀτελή*.

Sed de ea lacuna explenda quomodocunque iudicatur, male eam olim expletam esse verbis, quae quidem in libris sequuntur, *Γαῖα δέ*, cui *C* pejus etiam insuper addit *τήν*, recte jam intellexit Hermannus, cujus verba haec sunt: « repetitum ineptissime Telluris nomen *Γαῖα δέ*, ubi sola copula opus erat. » Cum eo igitur *μαντεῖον δ' ἀφείλετο* restituere non dubitavi.

Contra in sequentibus Seidleriano *χέρα παιδῶν ἔλιξεν ἐκ Λιὸς θρόνων* ut in editione scholastica contentus fui, cum et locutio haud inepte videretur defendi posse nec discipuli vel attentissimi offensuri sint in quarta a fine syllaba antistrophicae non congruente. Quamquam ingenue fateor nec prorsus consimile illius locutionis exemplum usquam, quantum equidem sciam, reperiri et aliquantulum sane suspicionis metri discrepantiam movere facilimo negotio evitabilem. Itaque commemorandae certe sunt conjecturae et Hermanni, qui *ἔλιξ'* — hoc quidem ex libris — *ἐπὶ Ζηνὸς θρόνον* scripsit, et Badhami, qui *ἔφραξεν εἰς Λίον θρόνον* proposuit a Nauckio receptum.

In proximis constituendis quantopere dissentiant editores, ex libris eorum videre licet, quas dissensiones adnotare et dijudicare longum est. Proficiscendum ab iis, quae certa sunt. Huc primum pertinet v. 1276 *ἐπὶ* pro *ἐπεὶ* jam antiquitus emendatum, ut ad metrum sibi respondere debeant haec:

*ἔλανας, ὦ Φοῖβε, μαν-      ἐπὶ δ' ἔσεισεν κόμαν,*  
*τείων δ' ἐπέβας ζαθέων      παῦσεν νυχίους ὀνειρούς.*

Ubi cum postrema non congruant, hoc recte vidit Seidlerus substituendum esse pro *ὀνειρούς* ex v. 1273 *ἐνοπάς* — in qua re obsequentes habuit Hermannum atque Hartungum —, dummodo ne in alia omnia abiens illud, quod hujus aut malam correctionem habuit aut importonam interpretationem, cum suo *νυχίους* supra prorsus delevisset, substituto ejus in locum *χθονίαν ἀφελεῖν θεᾶς μαντοσύναν*, pro quo vocabulo vice versa v. 1278 *ἀπὸ δὲ μῆνιν θεᾶς* intulit. Nec minus licenter in illo v. 1273 et Hermannus et Hartungus grassati sunt, quorum ille *χθονίαν ἀφελεῖν μῆνιν νύχιον*, hic *χθονίας ἀφελεῖν μῆνιμα θεᾶς* scripsit. Violentis his machinis quanto pro-

habilius est ambarum vocum *όνείρους* et *ένοπάς* sedes prono librariorum errore mutatas esse, ita ut v. 1273 Euripides scripserit

*χθονίαν άφελείν μῆνιν νυχίους τ' όνειρους,*

cui strophicus apprimè respondet, si ultimo loco putamus excidisse vocabulum bacchium complectens, sicuti

*τέρας, άμφεπε μαντεϊόν χθόνιον [φυλάσσων].*

Quod vero ante *μῆνιν* in libris legitur vocabulum *θεᾶς*, id patet imperitam esse interpretationem librarii non intellegentis *χθονίαν μῆνιν* nihil aliud significare posse nisi *Χθονός μῆνιν*. Restat asyndeton in verbis *έσεισεν* et *παῦσεν* nulla copula junctis conspicuum, quod jam Musgravius tollere conatus est substituendo *έπι δέ σείσας κόμαν*, haud probabiliter profecto, nec felicius Seidlerus inserenda particula *τ'* post *νυχίους*. Defendit quidem Hermannus: «copulae adjectione non opus», inquit, «quia his verbis declaratur quod modo dictum est, *έπι δ' έσεισεν κόμαν*». Sed nec amborum membrorum rationem nec orationis colorem asyndeto h. l. congruere neminem latebit, qui obviae apud tragicos hujus figurae exempla comparaverit. Quid dicendum fuerit, probe intellexit Badhamus *παῦσαι* conjiciens aptum ex pollicendi notione in *έπι δ' έσεισεν κόμαν* latente, quam formulam ad celeberrimum Homericum

*ἦ καὶ κτανέησιν ἐπ' όφρύσι νεῦθε Κρονίων·  
άμβρόσια δ' άρα χαῖται ἐπερωόσαντο άνακτος  
κρατὸς άπ' άθανάτοιο· μέγαν δ' έλέλιξεν Όλυμπον*

in memoriam revocandum a poëta electam esse nemo non videt. Sed praeferendum fuit *παῦσειν*, quod non solum propius abest a librorum scriptura sed etiam frequentiore futuri usu commendatur.

V. 1278 quod in libris legitur *λαθοσύναν* ferri non posse editores intellexerunt omnes, plurimique eorum etiam receperunt quod unice verum jam invenerat Musgravius *μαντοσύναν*, de quo non debebant dubitare litterarum scilicet apicibus intenti Nauckius, qui *δ' άλαθοσύναν*, et Kvíčala, qui *λατσοσύναν* conjecit, alterum altero pejus. Hic omnino, quem postremo loco nominavi, omnium infelicissime nostrum locum p. 73—75 tractavisse videtur, ut comparandi gratia v. 1246—49 = 1270—73, 1252—54 = 1276—79, quales ab illo constituti sunt, adscripsisse sufficiat:

1246 *σκιερᾷ κατάχαλκος* (quod tamen pro corrupto et ipse habet) *εύφύλλω δάφνῃ,*

*γᾶς πελώριον τέρας άμφ-  
έπει μαντεϊόν χθόνιον.*

1252 *έκανες, ώ Φοῖβε, μαν-  
τείων δ' επέβας ζαθέων  
τριπόδι τ' έν χρυσέφ  
θάσσεις έν άψευδει θρόνω*

1270 *χέρα παιδνόν έλιξεν εκ Διός, θρό-  
νων*

*Πυθίων χθονίαν άφελείν  
θεᾶς μῆνιν νυχίους τ' ένοπάς.*

1276 *έπι δ' έσεισεν κόμαν,  
παῦσεν νυχίους όνει-  
ρους, άπό λατσοσύναν  
νυκτωπόν έξείλεν βροτών.*

In quibus nihil novi, quod probari queat, inesse patet. Sed haec de canticis hujus tragoediae satis sunt!

Postremo ultima jam harum emendationum parte tamquam corollario eos diverbiorum locos tractare placet, quos tribus prioribus inserere aut non potui, cum sero in suspicionem mihi venerint, aut nolui, quoniam nunc deum sive certa sive probabilis medendi ratio mihi succurrit.

Eorum locorum primus, qui quidem ad posteriorem classem pertinet, legitur v. 246, quo Iphigenia a nuntio de duorum peregrinorum captura certior facta ex eodem, si quidem librorum scripturam sequimur, hoc in solita re satis insolitum quaerit:

*ποδαποί; τίνοσ γῆσ όνομ' έχουσιν οι ξένοι;*

Mirum igitur, quod ante Nauckium nemo in hoc vocabulo offendit, magis mirum, quod post eum Kvíčala ejus defendendi periculum fecit p. 30 his verbis: «*Meiner Meinung nach lässt sich aus V. 240 die Echtheit von όνομ' beweisen; Eur. scheint das Wort όνομ' geflissentlich zu wiederholen; geflissentlich lässt er die Iph. zuerst nach dem όνομα γῆσ und dann nach dem όνομα τῶν ξένων fragen (es ist natürlich im V. 240 τῶν ξένων im Gegensatz von τίνοσ γῆσ zu betonen)*». Infelicissime profecto! Ita enim, quemadmodum hic fit, si nomen terrae peregrinae effertur, non tam, unde vere oriundi sint, sed potius, unde se oriundos esse praedicent hospites aut ambigue aut aperte mendaces, quaeritur, quod absonum esse ab hoc loco patet. Accedit, quod ipsa locutio *όνομα γῆσ έχειν* ab omni consuetudine abhorret. Recte igitur fecit Nauckius, quod *όνομ'* rejecit, non recte, quod ejus in locum *νόμον* restituit, quo vocabulo diuturnior atque accuratior peregrinorum notitia, quam qualem concipere nuntii fuisset, eidem imputa-

retur: neque enim primo adpectu « mores hominum » urbiumque pervidemus. Desideratur potius in altero interrogationis membro, quod trito illi ποδαποί epexegeos loco adjicitur, vocabulum externi habitus significationem tenens. Id vero σχῆμ' ἔχουσαν fuisse nemo jam, opinor, dubitabit. Unum affero locum consimilem ex Sophoclis Philocteta v. 223:

— — — σχῆμα μὲν γὰρ Ἑλλάδος  
στολῆς ὑπέρχει.

V. 572 sqq. Orestes indignandus, quod Apollinis oraculo maligne circumventum se arbitratur, in has querelas erumpit:

πολὺς ταραχὸς ἔν τε τοῖς θεοῖσις ἔν  
κὲν τοῖς βροτείσις· ἔν δὲ λυπεῖται μόνον.  
ὄτ' οὐκ ἄφρων ὦν μόντων πεισθεῖς λόγοις  
ὄλωλεν, ὡς ὄλωλε τοῖσιν εἰδόσιν.

Ad v. 573, de quo hic maxime agitur, haec est Kirchhoffii adnotatio: « λυπεῖται B, λείπεται C sec. Furiam, λυπεῖται sec. Victorinum, unde suspicor utrumque in eo codice legi. nam etiam app. Parr. duo λυπεῖται, tertium λείπεται, e quo sublegit eam scripturam Musurus. ceterum post hunc versum nonnulla desiderari manifestum est ». Vellem equidem vir de Euripide optime meritis manifestum reddidisset, qualia post eum versum desiderari possint. Quod ubicunque non fit a critico lacunae suspicionem proponente, eam suspicionem nihil esse nisi haud obscurum criticae « paupertatis testimonium » pronuntiare non dubito, quam paupertatem aperte profiteri quam frivola conjecturae, quae nulla est, specie obtegere magis decet. Et sane si criticorum varia percensem tentamina, alium ab alio refutatum, nullum vero eorum ἀπορίας solutionem invenisse videmus. Musgravium, qui λείπεται commendavit Orestem arbitratus dicere « hoc unum in malis solatii sibi relictum esse, quod non propria imprudentia, sed vatum monitis obtemperando se ipsum perdiderit », — eum quidem recte refutavit Seidlerus, sed ipse quod retinuit λυπεῖται de Oreste intellegendum, quam interpretationem Klotzius adoptavit, id suo jure rejecit Hermannus. Nec hic tamen scribendo ἔν δὲ λυπεῖσθαι μόνον verum invenisse putandus est, quamquam obsequentem adeo habuit acerrimum obtrectatorem Hartungum. Nam nec sententia illa universalis, qua recte sane diceretur « in humanis rebus nihil inesse quam dolore affici », ullo pacto etiam ad res divinas transferri potest, et eidem sententiae haud apte per solam copulam τέ adnectitur ultimum membrum plane aliam sententiam tenens. Quid h. l.

necessario dicendum fuerit, probe intellexit Schoenius, qui scripto ἔν δὲ λυπεῖ τοι μόνον haec enarravit ita: « Auch die Götter sind lügenhaft und es herrscht grosse Verwirrung in göttlichen und menschlichen Dingen. Mag dies aber nun einmal der Fall sein, Eines nur betrübt dabei freilich, wenn (ὄτε, nicht ὅτι) man nämlich, obwohl nicht unverständlich, auf das Wort von Propheten gebaut hat und in Folge davon — untergeht ». Sed ut de improbabili versus modulatione taceam, ferri non posse hic quidem particulam τοί vel ex ipsa Schoenii interpretatione apparet. Ne multa: scripsit in eandem sententiam Euripides ἔν δὲ λυπηρόν μόνον, cujus interpretatio λυπεῖ cum poetae verbis illata esset, metri gratia falso in passivum mutata est, quod tum sententiae causa interpolatoris importuni manu in λείπεται abiit. In ejusmodi locutionibus adjectivum omissio verbo ἔστί non minus usitatum esse quam perfectum verbum alii loci demonstrant, ut Med. 381 ἄλλ' ἔν τί μοι πρόδσαντες, Herc. fur. 196 ἔν μὲν τὸ λῆστον.

V. 731 sqq. Iphigenia de nuntii fide se dubitare profitetur his verbis:  
ἐγὼ δὲ ταραβῶ, μὴ ἀπονοστήσας χθονός  
θῆται παρ' οὐδὲν τὰς ξμάς ἐπιστολάς  
ὁ τήνδε μέλλων δέλτον εἰς Ἄργος φέρειν.

Mirum profecto est, quod ex tot editoribus ante Kirchhoffium nemo in genetivo χθονός offendit, qui si, quemadmodum vulgo fieri solet, de Taurica terra intellegitur, patet aut τῆσδε aut ipsum Ταυραϊκῆς nomen adjiciendum fuisse, uti Hel. 474 Λακεδαίμονος γῆς δεῦρο νοστήσας ἔπο dictum est. Demonstrativum vero pronomen etiam, si cum Kirchhoffio χθόνα scribatur, necessario desideratur: neque enim χθών simpliciter de patria dici potuit. Non dubito, quin χθονός explicandi causa ad ἀπονοστήσας adscriptum geminam clausulam expulerit, qua olim poeta ἀπονοστήσας δόμον scripserat, uti supra v. 534 οὐπω νερόστηκ' οἶκον.

V. 755 sqq. Pylades hanc sibi sacramenti liberationem postulat:

ἐξαίρετόν μοι δὸς τόδ', ἢν τι ναῦς πάθῃ,  
χῆ δέλτος ἐν κλύδωνι χρημάτων μέτα  
ἀφανῆς γένηται, σώμα δ' ἐκώσω μόνον,  
τὸν ὄρκον εἶναι τόνδε μηκέτ' ἐμπεδον.

Quamquam non negaverim per se quidem dici posse perire litteras χρημάτων μέτα, h. e. cum ceteris, quae navi impositae sint, opibus, haec ipsa tamen opum mentio potius mercatori aut opulento peregrinatori convenire videtur quam Pyladi, qui naufragus et habebatur et haberi voluit « omnia sua



secum portans ». Itaque haud scio an Euripides potius σελευμάτων μετά scripserit navis in tabulas suas dissolutae interitum accurate indicaturus. Et cfr. Cycl. 144, ubi de vino quaeritur: ἐν σέλμασιν νεῶς ἔστιν ἢ φέροις σύ νιν;

Corruptus adhuc ferebatur v. 912, quem *B* hoc modo exhibet:

οὐδὲν μὲν ἐπίσχη γ' οὐδ' ἀποστήσει λόγον,

ubi nihil juvat ἐπίσχη et ἀποστήσει codice *C* oblatum, et tolerantiores aequo fuerunt antiquiores editores, qui repositis ex Aldina indicativis contenti fuerunt. Vitium subesse Elmslejus sensit, sed in eo tollendo subtilior quam felicior exstitit, cum οὐ μὴ μὲν ἐπίσχη γ' οὐδ' ἀποστήσει λόγον conjecit. Quem qui recte refutavit Hermannus magnopere vereor ne scribendo οὐδὲν με μὴ σχη γ', οὐδ' ἀποστήσει λόγον non tam « rarius dicendi genus », sed prorsus soloeicum intulerit, quamquam id etiam Schoenius secure recepit. Unum recte vidit Hartungus ferri non posse particulam γέ, sed ipse quoque quasi medicato poculo obcaecatus Elmslejanum οὐ μὴ pro certa medicina habuit, itaque οὐ μὴ μὲν ἐπίσχησ οὐδ' ἀποστήσει λόγον scripsit. Diversam, sed non meliorem viam monstravit Kvíčala p. 54 οὐ δεῖ μὲν ἐπισχεῖν οὐδ' ἀποστήσει λόγον conjiciens. Recte οὐδὲν retinuit G. Dindorfius, sed versum insolita crasi corruptit corrigendo οὐδὲν μὲν ἐπισχῆσει οὐδ' ἀποστήσει λόγον. Et longe alio ducit tragici sermonis diligens observatio. In quo sermone si quis festinantio rem alterius aut in dicendo aut in agendo ardorem quacunque de causa reprimere vult, responsi initio ἐπίσχεσ pronuntiare solet, quem sollemnem imperativum hic quoque in librorum ἐπίσχη latere hi loci ostendunt:

|         |       |                                                                              |
|---------|-------|------------------------------------------------------------------------------|
| Phoen.  | 452.  | ἐπίσχεσ· οὐτοὶ τὸ ταχὺ τὴν δίκην ἔχει.                                       |
| El.     | 962.  | ἐπίσχεσ· ἐμβάλωμεν εἰς ἄλλον λόγον.                                          |
| Ion.    | 1320. | ἐπίσχεσ, ὦ παῖ· τρίποδα γὰρ χρηστήριον λιποῦσα θοιγγοῦ τοῦδ' ὑπερβάλλω πόδα. |
| Or.     | 1069. | ἐπίσχεσ· ἐν μὲν προῶ τά σοι μομφὴν ἔχω.                                      |
| Androm. | 550.  | Μενέλα', ἐπίσχεσ· μὴ τάχυν' ἀνευ δίκης.                                      |
| Suppl.  | 397.  | — ἐπίσχεσ, ἦν σ' ἀπαλλάξῃ πόνον μολῶν ὑπαντα τοῖς ἔμοῖς βουλευμάσιν.         |
| Hipp.   | 567.  | ἐπίσχετ'· αὐδὴν τῶν ἔσωθεν ἐκμάθω.                                           |
| Hel.    | 1184. | ἐπίσχετ'· εἰσορῶ γὰρ οὐδ' διώκομεν.                                          |
| Ibid.   | 1642. | ἐπίσχεσ ὀργάς, αἴσω οὐκ ὀρθῶς φέροι.                                         |

Hos locos si contuleris, non dubitabis, quin Euripidis manum restituerimus scribendo:

ἐπίσχεσ· οὐδὲν γὰρ μὲν ἀποστήσει λόγον.

Quibus statim Iphigenia haec subjicit:

πρωτον πνθίσθαι, τίνα ποτ' Ἠλέκτρα πότμον

ἔλληγε βίτου· φίλα γὰρ ἔσται πάντ' ἐμοί.

Ita libri. Sed frustra ultima explicare conati sunt. Et volgatam quidem interpretationem — « accepta enim mihi erunt omnia, scilicet quae de Electra mihi narrabis » — recte refutavit Kvíčala l. c., sed quam ipse sibi confinxit sententiarum cohaerentiam — οὐ δεῖ μὲν ἐπισχεῖν πρωτον μὲν τίνα πότμον ἔλληγεν Ἠλέκτρα, ἔπειτα δὲ καὶ ἄλλα· φίλα γὰρ ἔσται πάντ' ἐμοί —, haec vero tam incredibilis est, ut mirer Klotzium Latinis verbis eam repetiisse. Nec virorum doctorum conjecturae satisfaciunt, ut Marklandi φίλα γὰρ ἔστι ταῦτ' ἐμοί, quam receptam ab Hartungo languere dixit Hermannus, recte sane, sed pejus etiam est propter inusitatam locutionem, quod ipse scripsit φίλα γὰρ ἐς τὰ πάντ' ἐμοί, id ut esset « omnino enim hoc mihi cordi est. » Quid dici debuerit, unus Seidlerus sensit, sed rite id exprimere non valuit, cum in mentem sibi venire passus est φίλα γὰρ ἔστι πάντ' ἐμὰ. Viam tamen monstravit eo, quod praeter πάντα etiam possessivum pronomen necessarium esse vidit, dummodo ne id expuncto ἐμοί intulisset, quod non minus necessarium est. Pronomen possessivum recte articulo instruxit sed male πάντα eiecit Schoenius conjiciendo: φίλα γὰρ ἔστι τὰ μὲν ἐμοί. Potius patet βίτου additamentum esse interpolatoris metrum, postquam pronomen possessivum excidit, sanaturi. Euripidem vero dedisse: ἔλληγε· φίλα γὰρ ἔστι τὰ μὲν πάντ' ἐμοί.

Ferri sane potest quod Orestes v. 956 sq. de se dicit:

ἦλθον δὲ σιγῇ κἀδόκουν οὐκ εἰδέναι,

μέγα στενάζων, οὐνεκ' ἦν μητρὸς φονεύς.

Sed cum ille gravem animi moerorem occultare studuerit, probabile est eum non tam valide, quam tacite ingemuisse, ne qui aderant suspiria ejus audirent. Inde haud scio an λάθρα στενάζων scribendum sit, quamquam in editione scholastica traditum μέγα consulto retinui.

Sed non ferendum erat, quod v. 1046 Orestes interrogabat:

Πυλάδης δ' ὄδ' ἡμῖν ποῦ τετάξεται φόνου;

Ultimum vocabulum quam non quadret, optime ex Schoenii interpretatione

intellegitur, quam ille Marklandum secutus his verbis concepit: «*φόνον* «*wohin wirst du diesen bringen bei dem Morde*», d. h. *bei dem Vorwande, den du in Betreff meiner von der Befleckung durch Mord hernehmen willst* (vgl. V. 1031 und 1033). *Der entsprechende Sinn der Antwort* (ταυτὸν σοὶ μίαισμα) *beseitigt allen Anstoss, den man an dieser Lesart genommen hat*». Hoc ipsum responsum totum si considerassent accurate interpretes, non solum nunquam de incredibili illa cogitassent interpretatione, sed etiam conjecturis abstinuissent per se quidem haud absonis sed nec rei rationi nec illis Iphigeniae verbis congruentibus. Quae cum respondet

ταυτὸν χροῖν σοὶ λέξεται μίαιμ' ἔχων.

satis ostendit etiam Orestis interrogationem tantum in dolosa sororis oratione versatam esse, cujus argumentum antecedentibus inde a v. 1031 per caetera, si quidem unum Pyladem exceperis, omnia enarratum est. Huic igitur orationi quomodo etiam Pylades inferri posset, ut et ipse ejus beneficio servaretur, quaerere debebat Orestes, non quasi illi aut in opere aut in dolo perficiendo partes essent tribuendae, quas quidem partes sola adhuc Iphigenia suscepit. Inde patet nec cum Brodaeo πόνου nec cum Musgravo δόλου scribi posse, sed λόγον necessario restituendum esse.

In ea, quae statim subsequitur, colloquii parte,

OPEΣTHΣ. λέθορα δ' ἀνακτος ἢ εἰδότος δράσεις τάδε;

IΦIGENEIA. πείσασα μύθοις· οὐ γὰρ ἂν λάθοιμί γε.

OPEΣTHΣ. καὶ μὴν νεὼς γε πύυλος εὐήρης πάρα. 1050.

IΦIGENEIA. σοὶ δὴ μέλειν χροῖ τᾶλλ' ὅπως ἔξει καλῶς.

OPEΣTHΣ. ἐνὸς μόνου δεῖ, τάσδε συγροῦψαι τάδε.

ἀλλ' ἀντίαζε καὶ λόγους πειστηρίους

εὐριστ'· ἔχει τοι δύναμιν εἰς οἶκτον γυνή.

τὰ δ' ἄλλ' ἴσως ἂν πάντα συμβαίη καλῶς.

nemo criticorum offendit praeter Henricum Hirzelium Lipsiensem, qui in sagaci, quam «*de Euripidis in componendis diverbiis arte*» scriptam Lipsiae hoc ipso anno edidit, dissertatione p. 54 sq. accurate demonstravit v. 1051 non quadrare ab Iphigenia relatum Oresti navem paratam esse asseveranti, quoniam tum, τὰ ἄλλα h. e. aliae res praeter navis apparatus ad fugam necessariae quales sint, vix videatur dici posse, idemque recte perspexit et v. 1052 Iphigeniae esse, quae ut omnino consiliorum inventrix sit, ita nunc quoque ipsa de mulieribus cogitet, et unum in hac regione excidisse versum.

Sed nec, ubi hic versus exciderit et cujus fuerit, intellexit et toto loco erravit sic constituendo:

OPEΣTHΣ. καὶ μὴν νεὼς γε πύυλος εὐήρης πάρα.

IΦIGENEIA. . . . .

OPEΣTHΣ. σοὶ δὴ μέλειν χροῖ τᾶλλ' ὅπως ἔξει καλῶς.

IΦIGENEIA. ἐνὸς μόνου δεῖ, τάσδε συγροῦψαι τάδε.

OPEΣTHΣ. ἀλλ' ἀντίαζε κ. τ. λ.

In his tria sunt, quae male habeant: primum Orestis de instructa parataque navi mentio adseverandi particulis καὶ μὴν sine ullo verborum sententiarumve connexu post Iphigeniae responsum πείσασα μύθοις, οὐ γὰρ ἂν λάθοιμί γε illata; deinde quod, quid ad hanc navis paratae mentionem respondere debuerit Iphigenia, vix excogitari potest; postremo, quod v. 1051 Oresti tribuitur, ita ut relatis τὰ ἄλλα ad ea, quae Iphigenia jam excogitaverat ipsa, haec eadem, quae se facturam certissime simul pronuntiaverat, ut persequatur, ille quasi novam rem commendaturus inutiliter importuneque strenuissimam sororem admoneat. Quid quod, si totum locum nulla praepediti opinione simpliciter perlegerimus, recte illum versum Iphigeniae tribui atque τὰ ἄλλα de iis potius, quae post Iphigeniam Oresti facienda restant, intellegi debere facile perspicimus, cui interpretationi unice convenit ultimus Orestis versus

τὰ δ' ἄλλ' ἴσως ἂν πάντα συμβαίη καλῶς,

quo aperte ad illam sororis respensionem respicit. Patet igitur potius post v. 1049 unum Orestis versum interiisse hujus fere sententiae: «*haec vero ubi facta sunt, quid tum faciendum?*» cui jam Iphigenia v. 1051 respondet

σοὶ δὴ μέλειν χροῖ τᾶλλ' ὅπως ἔξει καλῶς,

quae restent post simulacrum ad litus navisque propinquitatem transportatum, Orestis esse ejusque sociorum declaratura, scilicet ut fugatis barbaris ipsam cum simulacro navi inferant ancorasque solvant. Consentiens Orestes v. 1050

καὶ μὴν νεὼς γε πύυλος εὐήρης πάρα

navem certe, qua ante omnia ad id negotium opus sit, instructam praesto esse, quod supra v. 981 sq. breviter tantum indicavit, nunc discrete affirmat. Ita igitur hunc locum in scholastica editione ordinavi.

V. 1056 sq. in libris sic leguntur :

ὃ φίλταται γυναικες, ὡς ὑμᾶς βλέπω,  
καὶ τᾶμ' ἐν ὑμῖν ἔστιν ἢ καλῶς ἔχειν,  
ἢ μηδὲν εἶναι καὶ στεροθῆναι πάτρας.

Restituendum esse εἰς ὑμᾶς βλέπω primus vidit Hermannus, quem ceteri editores recte secuti sunt omnes. Sed illud ὡς non simplici errore illatum sed ex alia sede translatum videtur: nam profecto, quae jam sequentibus exponit Iphigenia, suam salutem in chori potestate positam esse, aperte eausam continent, propter quam ad eum respiciat. Itaque pro copula hic quidem minus apta scribere non dubitavi ὡς τᾶμ' ἐν ὑμῖν ἔστιν.

Reliqui intactum, ut in editione scholastica, v. 1155

ἀδύτοις τ' ἐν ἄγνοις σώμα λάμπονται πυρί.

quamquam et σώμα singulari positum magnopere offendit — profecto enim mira est, quam admittamus necesse est, locutio οἱ ξένοι λάμπονται σώμα —, et verbi λάμπονται media forma dubitationem movet, cujus alterum tantum in Med. 1194 exstat exemplum πῦρ δ', ἐπεὶ κόμην | ἔσεισε, μᾶλλον δις τόσως τ' ἐλάμπετο, ne illud quidem satis certum. Hanc tantum, non illam offensionem tollit Jacobsii conjectura: σώμα δάπτονται, quam non debebat recipere Nauckius. Quare videndum, an σώματ' ἀΐθρονται πυρί poeta scripserit. Aliam viam Rauchensteinius iniit, qui, cum copula τ' post ἀδύτοις non librorum auctoritate nitatur, sed e Bothii demum conjectura illata sit, uno tenore hunc versum antecedenti adjunxit hoc modo:

— ἤδη τῶν ξένων κατήρξατο  
ἀδύτοις ἐν ἄγνοις σώματ' ἐμπροῆσαι πυρί.

Sed, ut de audacia hujus conatus taceam, ipsa illa conjunctio κατήρξατο ἐμπροῆσαι aliquid contorti continere videtur, quasi non sacrificium, sed corporum combustio res primaria fuisset.

Locum difficilem, qui v. 1209—1214 legitur, inde a Marklando variis transpositionibus male vexatum egregie vindicavit Kvíčala p. 69 reposito v. 1213 et sagaciter explanato καὶ φίλων γ' οὐδ' δεῖ μάλιστα pro librorum scriptura καὶ φίλων γ' οὐδεὶς μάλιστα. Eum igitur jure secutus est Klotzius. Sed sequentem versum, quem ut trimetrum

ὡς εἰκότως σε πᾶσα θανμάζει πόλις

Thoanti continuatum nobis praebent libri, neuter eorum sanavit, acquiescen-

tes in Hermanni invento, qui repetito εἰκότως atque Iphigeniae dato versum ita explevit:

ΙΦΙΓΕΝΕΙΑ. εἰκότως. ΘΟΑΣ. ὡς εἰκότως σε πᾶσα θανμάζει πόλις.

Et illud εἰκότως quin vere Iphigeniae adtribuerit aptissime ita ad Thoantis εὖ γε κηδέυεις πόλιν respondentem, dubitari non potest. Sed ejusdem particulae in Thoantis responso repetitio ferri eo minus potuit, quoniam aliam desideramus particulam urbis reverentiam cum Iphigeniae pietate componentem. Ne multa, Euripides scripsit adverbio, quod in deliciis habet, illato:

ΙΦΙΓΕΝΕΙΑ. εἰκότως. ΘΟΑΣ. ὡς κάρτα καὶ σὲ πᾶσα θανμάζει πόλις.

Cfr., ut alios locos taceam, Hippol. 1041.

καὶ σοῦ γε κάρτα ταῦτα θανμάζω, πάτερ.

Retinui et defendi, uti par erat, in editione v. 1299, quemadmodum vulgo ex Marklandi correctione legitur.

μέτεστι γυμνῶν τῶν πεπραγμένων μέρος.

cum libri μέτεστι θ' ὑμῖν praebeant. Sed mihi quoque ut Nauckio ὑμῖν τῶνδε τῶν πεπραγμένων proponenti inusitatum in hac locutione μέρος suspectum est, idque eo magis, quo facilius etiam aliis rationibus omitti poterat, ut aut τῶν πεπραγμένων ἴσως aut μέτεστι θ' ὑμῖν καὶ τι τῶν πεπραγμένων aut adeo ἴσως γὰρ ὑμῖν τῶν πεπραγμένων μετὰ scriberetur.

Recte jam antiquiores critici in v. 1386 ὃ γῆς Ἑλλάδος ναῦται νεὸς offenderunt, sed male scribendo pro γῆς aut τῆς aut τῆσδ' languidum intulerunt supplementum contra ipsius poetae consuetudinem, qua, quid hic quoque scriptum fuerit, satis aperte declaratur. Compara enim mihi quaeso similes adpellationes in Hel. 1593 sq. τί μέλλετ'. ὃ γῆς Ἑλλάδος λοιπίματα. | σφάζειν φονεύειν βαρβάρους et Phoen. 1225 ὃ γῆς Ἑλλάδος στρατηλάται, statimque intelleges hic quoque post ὃ γῆς Ἑλλάδος quadrisyllabum positum fuisse substantivum, quo peculiaris nautarum conditio diserte indicaretur. Id vero non νεανῖαι fuit, quod Nauckius conjecit, sed νεηλάται, cujus vocabuli nostris lexicis ignorati memoriam servavit Hesych. vol. II, p. 662: νεηλάτης· ὁ ἰθύνων ἢ ἐλαύνων τὸ πλοῖον. Ejusdem vocabuli similis glossa h. l. fuit ναῦται νεὸς. Idem vitium olim in Maech. II. 65 expulsi ἐλάται νηῶν pro ναῦται νηῶν scribendo.









COLUMBIA UNIVERSITY



0026050919

